

МАРМАРИН
МАРМАРИН







ЧЕЛЯДЬЛЫ
ВИСЬТЪЯС ДА КЫВБУРЪЯС



ЧЕЛЯДЬЛЫ
ВИСЬТЪЯС ДА КЫВБУРЪЯС

Сыктывкар
Коми книжной издательство
1985

84.3КО
П 58

П 58 Пармаын тулыс. Коми писательяслӧн кывбуръяс да висътьяс.— Сыктывкар: Коми кн. изд-во. 1985.— 112 л. б. Составитель Г. И. Торлопов

84.3КО

Тайӧ книгаас пырӧны коми гижысьяслӧн кывбуръяс да висътьяс, кодъясн петкӧдлӧма войвыв вӧр-ва динӧ, ас чужан му динӧ ыджыд мелӧлун. Книга радейтысьяс тани аддзасны И. А. Кура-товлысь кывбуръяс, Тима Веньлысь (Вениамин Тимофеевич Чи-сталёвлысь) висътьяс, а сідз жӧ мукӧд коми гижысьяслысь.

0763 — 024
П $\frac{\quad}{\text{М 128(03) — 85}}$ 43 — 85

И. А. Куратов

КОМИ КЫВ

Коми кыв, ме төда,
Ыджыдтор оз шу на,
Төда ме и сійö —
Оз и сөр на уна.

Тайö кыв мем дона,
Небыд, мича, гора —
Вунөдас ен мыжөс,
Кодыр сійөн кора!

Тайö муса кылөн
Чой-вок сёрнитöны,
Тайö кылөн меным
Ай-мам бурсиöны!

1857

Тайö кыв ме кывлі
Аслам люлю дінын,
Сійö менам вунас
Сөмын дзеванинын!

Тайö кывлысь мичсö
Сьөлөмөн ме кылі —
И ме медводз сійөн
Ньөжйоника сьылі...

Тайö кылөн мукөд
Гораджыка сьылас —
Сё кызь сюрс пель сәки
Уна буртор кылас!

СЫЛАН МЕНАМ, СЫЛАН

Сылан менам, сылан,
Мича авъя пиö!
Долыда ме тэнö
Босьтлі мелі киö.

Сьөлөм шöрын көсий
Тэнö быдтыны ме;
Со тай быдтор ми сідз
Вöчны көсийсьлімö!

Уна на тэд колö,
Мый эг сетны эшты,
Сөмын олөмтö тай
Вунөдөмысь вешті.

Кытчö тэнö лэдза?
Кодкө босьтас-ö мөд?
Тыдовтчас бур йöзлы,
Кыдзи мыччысьөмыд?

Ен нога поп лёка
Видзёдлас тэ вылө;
Уна төдысь-кужысь
Сералө нин, кылө...

Крестьянин оз идрав
Лолас тэнө, пиө;
Вөтасьө вот йылысь
Лун-вой, коньөр, сийө!

Вөччөдас код тэнө?
Код ордө тэ мунан?
Петлө! Он на вош тэ!
Вунөдім ми уна!

1860

ПЫЖ

Визув ю паныд ме ката,
Омөля тай сөмын катсьө;
Сына, сына, а ог вөрззы,—
Эг-ө сибды нин ме татчө?

Ва дорас со төдчө понөль,
Сийө весьтын важөн төдчө;
Сына, сына... Гашкө,

Сийө менам бөрөд вөтчө?
культпу

«Сынөбта жө, сынөбта ме!
Пыжөй вөрзис, пыжөй
кайө

Велөдчө со кориг
Айтөм пөнөмар пи,
Ывлаын со көмтөм
Чеччалө тай Карпө...

Кодкө найө костысь
Быдтас сьөлөм вылас
Меліа, ме моза
Тэнө нора сьылас!

Уна төдысьясөс
Найө шензьөдасны,
Тэнө, коми сьылан,
Ылын нимөдасны!

Гыяс вылысь гыяс вылө —
Онi пасөй коляс сайө!»

«Сынөбта жө, сынөбта
ме!»

А кор шуалі ме тайөс,
Визув ю вылын нин бара
Ачым коли понөль саяс.

Ой, ой, важинсьыс тай
пыжөй

Абу вөрззылөм на-й өні;
Сөмын гыяс выльысь-
выльө

Дзибыр улын вежласьөны!

1860. Москва

ПЕМЫД

Миян му вылын сьөд вой
Сувтөм ме ог төд нин корсянь;
Войын йөзыс сьөд жө, тась
Весьшөрө тай йөзөс корсян...

Он, он аддзы! Мукöдыс
Эськö-й еджыд паськöмаöсь,
Да и сэни найöс
Бордъя шыръяс вевттьöмаöсь!

Еджыд вылö лёк вампир
Горша сатшкысьö... И тöда,
Кыа петтöдз татöни,
Татшöм пемыдын ме пöда...

Мортлы дзескыд пемыдын...
Шондi пет мысьт быдсö татi
Паськöдас тай... тiянлы!
Лолыштанныд кокныда тi!

Петас, вокъяс, шондi-й тан!
Ме нин аддза — рöммö ылын...
И енвевтса лысваыс
Югйыштас сэк шондi ылын!

1865

МЕНАМ МУЗА

Менам муза
Абу вуза:
Базар вылö виршьясöс ог ыстö,
Ньöбысьясöс виччысьны ог лысьтö...
Гусьöникöн
Сьывлам кыкөн;
Ичөтик фальш ас костын көть петас,
Кодi сийö фальшлы нимсö сетас?
Ас кежын ми серавламö сийöс
И тетрадьөн дiнысь
Югыдджыка биöс
Öзтылам каминьсь...
Регыд видламö и йöз водзын ми киöс,
Регыд босьтам ёнджык тема,
Мед поэма
Петкöдлас ханжаöс,
Лёка паськыд паськöмаöс,—
Паразитöс, кодi йöзысь гырысь

И код гөрд йөз вирысь,—
И бур йөзсө, кодъяс öнi
Оліганыс кынмöны и тшыгъялöны,
А быд шудсö кулөм бöрсьыс виччысьöны...
Менам муза
Оз ло вуза!

1866

ОЙ, ОЛӨМ, ОЛӨМ!

Ой, олөм, олөм! Тэнсьыд донтö
Ме лэпта лунысь лунö.
Ми тэкöд видчыны ог пондö,
Тэ кольччы, а ме муна...

Тэ, олөм, майбыр, помтөм нэма
И коркö шаньджык лоан...
И мыйла менам мустөм тема
Пыр «кулөм», гөгөрвоан.

Мед вешъяс, тэ динö ме мелі;
Сідз кывла унджык буртö...
Во кызь вит тэнсьыд няйттö келі,
Көть вит час дзоридз курта...

Быд дзоридз регыд косьмас, кулас,
Да-й ме тшöтш вöлись накöд!
Ой, мөд йөз коляс енвевт улас...
Ой, енмöй, менö такöд!

Ой, олөм, олөм! Тэнсьыд донтö
Ме лэпта лунысь лунö.
Ми тэкöд видчыны ог пондö,
Тэ кольччы, ме... дерт, муна...

1867

ЗАКАР ОРДЫН

Пыдди пуктантор Көч Закар,
Пач тэчысь, зэв ньобасис
Асывбыд. Сись, тшайтор, сакар
Питшөгъясас нобалис.
Кежліс сутш морт кабак дінө,
Рөчалыштіс өшиньсө,
Кыскис сэтысь парта вина...

Тарыт гортас виччысьö
Зэв бур гөстьясөс Көч Закар!
Локны көсйис Ошпи Макар,
Комын ошкөс чергөдысь,
А — кань куын ветлөдлысь;
Локтас Кась Вась, нинкөм кыысь,
Кодлөн мывкыд өти шыысь
Төдчө, вежөр — кыв джынйысь.
Локтас Руч Вань, вурун летысь,
Локтас Пыш Тош Спиридон,
Кодлы абу, вокө, дон,
Бур кыв, бурдан турун сетысь;
Локтас авъя Митрөпан,
Кызь во вичко видзысь тан;
Локтас Петрö Ольöш Герман,
Кодлөн мөд ним «Сьökыд Чиг»,
Кодөс беддьөн кыскасиг,
Көть и дзор нин, сөмын верман
Кыскыны, кор лэптыштас
Сайөдыс бур пөч, код сыкөд
Гильөдчывліс томлуннас.
Локтас Кельчипи Тарас,
Коді олө юкөд, тыкөд
Куль моз, кодлөн чери сьөм
Отторъя пыр кутчысьөм
Ныр-вомас, а ачыс некор
Эз на ректив юква бекар.
Локтас Поп Педь (абу поп,
Абу-й поп пи; бедь да ноп
Поплысь бөрсыйс новлөдлывлө,
Ныр сы пыдди лэптавылвлө!)
Локтас Беддя Еремей,
Дзор и тшап, кыз аркирей,
Кодлөн кулан кадыс мунөм,

Кодос куломьслон вуном
Босьтны сэк — и оло морт,
Кыдзи войтыр костын орт,
Шенодлас, а лёк оз вочлы!
Локтас Митрей, йитлалысь
Чос туй вылын город кочлы,
Полысджык на кочьясысь;
Коть и ышман вөлі быдмиг,
Жугодисны вояс лыдмиг!
Локтас Сопрон, кос и жеб,
А сюзь синсьыс ем он дзеб,
И кор сурсо юиг вояс,
Кощлысь пыдос чуктодас,
Од и суро он войт йойос!
Енлы октысь воливлас
Татчо, ен нога Гервасей,
Локтас омөлиндзик Ласей,
Коді быдся керкао
Пес поткодло, ва новло...
Локтас Микаль, коді уна
Керка-карта сувтодіс
Озыръяслы — куломьс
Кытчодз асьсо тай оз су на,
Унаос на колльодас
Киподувса гортъясас...
Дзугыль Микаль медся колан,
Кодыр кулан и кор олан!

Быд бур йозыс локтасны,
«Марин! Сисьто озтыны
Регыд тшокты пызан выло!
Матынос бур войтыр, кыло».

Сидзи-й эм. И пырисны,
Кепысь-шапка пукталісны
Джаджйо, сэсса пернапас
Порысь госьтъяс чөвталісны,
Вешталісны юрсияс,
Кодлон юрси кольыштіс на,
Синъяс вывсьыс, — кодлысь юр
Вуштөм арлыд, коть эз сюр
Нем, а инмөдчис на
Сийо кинас важ ног, кон
Быдмис юрси гогыльон;
Та бөр найо копыртчисны

ДЗОРДЗАВ ЖО, КОМИ МУ ¹

Пармаысь, пытшкөссыйс, морөссыйс, сьөлөмсыйс
Шывыгыны, визувтны сьыланкыв мөдөдчис.

Юркнитлас, лөнныштлас чөв,

Өвтыштлас сьөлөмөдз төв.

Юргө тшөтш шонділөн югөр,

Ворсө тшөтш енэжлөн лөзыс.

Кыланнуд, ёртъясөй, кылад?

Кыздикөн сьөд вөр шөр сьылө?

Сьылөны мунысьяс, сьылөны витнаныс.

Юркнитлас сьыланкыв — чашмунө парма вөр,

Черөбтас, тракнитас юр,

Садьмылас лым увса нюр,

Вөрзылас енэжыс ставнас,

Личкысьлас му бердө тола,

Шондыс повзьөма — дзөрө,

Му вылыс грымкылө вөрө.

Нюжавлас сьыланкыв меліа, небыда —

Лун төлөн пөлыштас йи көдзыд морөсө,

Чөв лоө вөрын быд пу,

Тшөк ланьтлас став Коми му,

Нюммунө шонділөн югөр,

Ворсөны лым чирлөн синъяс,

Гусьыс ош чургөдас юрсө,

Лэптөма вылө көр сюрсө.

Пом ни дор пармаысь сьыланкыв визувтис,

Веж быгъя йөз олөм — саридзө сидзалис.

Олөмкөд ветліс сэк гы,

Скөр вөлі сьылөн кок шы.

Сьыланкыв сералис, бөрдис —

Олөмыс сэтшөм жө вөлі.

Сьыланкыв сьыліс и мойдис —

Гажөдис, кодөскө дойдис.

Мый йылысь сьылісны, мый йылысь юргисны

Выль олөм тулыслөн медмича дзоридзьяс?

Кытысянь тупыльтчис шы —

¹ «Мунөны» поэмаысь кык тор. Поэма водзвылас Илля Вась пасйө: «Гражданскөй войнадырся серпасьяс». Выль олөм, Совет власть дорйыны мунөны туй кузя витөн. На йылысь, налөн тыш да вермөм йылысь поэмаыс.

Розъялан сю му выв гы?
Гулю моз лэбзисны кывъяс,
Варыш моз чивлісны тшапа?
Мыйла нө нюжавліс нора?
Мыйла нө юргисны гора?

Гашкө нө, сьылісны важ коми олөмсө,
Сук парма вөр пытшкысь кынөмпөт перйөмсө,
Ним вөлі тэныд кор «скөт»,
Олөмыд вөлі са сьөд?
Гашкө нө, цардырся олөм?
Сап пемыд... эз позь кор весиг
Асьнымөс аддзыны, кывны...
Эз сөмын сы йылысь сьывны.

Мый йылысь сьылісны, коз пуяс төдöны;
Мый йылысь юргисны, пармалысь юалöй —
Дзор юра вөр пуыс важ,
Комилысь төдö шог-гаж...
Меланьö колипкай вөрсянь
Меліа нюмъяліг лэбзис,
Пондіс мем гартлыны сьывйö
Со кутшөм сьыланалысь кывъяс:

«Видза ов, Коми му, Совет му борд улын!

Видза ов, асывлөн медводдза югöрыс!

Видза ов парма и вөр!

Видза ов, тундра и көр!

Видза ов, дзирдалан шонді!

Видза ов, выльысь выль олөм!

Видза ов, пом ни дор муным!

Видза ов!.. Водзö ми мунам!»

* * *

Юргы жö Октябрөн
Мездмөдөм кыв,
Коми му пасьтала,
Пармаяс йыв!

Дорлісны ки-кок,

Пасьмуні көрт,

Онi тэ би кодь

Дзирдалан гөрд.

Ломзыы жö, сьылөм,

Паськыд и ён:

Сиктын мед кылас
Коми ныв-зон.

Тувсовъя кадын

Рытъясын сёр

Йи море дорөдз

Мунас мед гор.

Юргы жö Октябрөн

Мездмөдөм кыв,

Коми му пасьтала,

Пармаяс йыв!

Дзордзав жö, Коми му, коляоз дзоридзöн,
Сьöлаоз синъясöн, гöрд лежнöг чветъясöн!
Быдмы жö, парма шöр коз,
Кисьмы жö, керöс дор оз!
Отвылысь став Сöвет йöзкöд
Нимкодьясь, кыпыда нюмъяв:
Асывлысь лов шысö кылан —
Пармаын гораа сьылан.

Видзöдлöй: лöзалан Сыктывным нюмъялö,
Гож водзö луд вылö водöма Эжваным.
Видзöдлы, став Коми му,
Шлывгö кыз Печора ю,
Из вомöн чеччалö Изьва,
Сöдз вийöн визувтö Емва,
Шуньгöны ворсигтыр рама
Мезень и Луза, и Кама.

Коми му сөнъясöд, енэж лöz ю кузя
Пыжаяс лыд ни тшöт кывтöны-катöны.
Тильсялö öпаснöй шы,
Сералö посныдик гы.
Туй кузя муноны мортъяс,
Муноны вöлön и подön.
Буткöдчö пароход ылын.
Тырыс йöз пароход ылын.

Кытчö нö мунанныд, кытысянь локтанныд,
Сьöд парма пиянъяс, яла яг йылöмъяс?¹
Кутшöмджык тиянöс мог
Гортсьыныд нуö, бур вок?
Делегат съезд вылö, анъяс?
Став Коми съезд вылö, ёртъяс?
Ставныд тi важ олём ёрад?
Камгöй жö, виль олём дорöй!

Кытчö нö мöдöдчид, том войтыр, челядьяс?
Чукөрөн-чукөрөн тэрыба мунанныд?
Мöдöдчид югдöдны юр?
Мунöй жö, удж тайö бур!
Паськöмныд дöмасöсь, кöдзыд —
Чужöмныд дзирдалö югыд.
Мунанныд сёөн и сюрсөн
Мунымлы перйыны бурсö.

Видза жö оланныд, том войтыр, виль войтыр,
Тувсовъя асылөн томиник быдтасьяс.

¹ Йылöм — потомок.

Быдөн ті уджалысь пи.
Югдігөн быдманныд ті.
Туй тіян — саридз кодь паськыд.
Удж тіян енэж кодь кыпыд.
Вынйөрныд сойясад эм-ө?..
Вөчөй жө мунымлы шемөс!

Көрт кодьөсь чорыдөсь томиник сойясныд.
Тода ме — морөсныд чукиён тыр көсиймөн,
Вөчанныд вөтъясысь збыль,
Вежад му... Петкөдчас выль:
Пармаын лыд ни тшөт кутас
Буксыны заводлөн труба,
Грымөдны машина вөрті,
Пароход — йи море шөрті...

Дзордзав жө, Коми му, коляоз дзоридзён,
Сьёлаоз синъясөн, гөрд лежнөг цветъясөн,
Быдмы жө, парма шөр коз,
Кисьмы жө, керөс дор оз!
Отвылысь став Совет йөзкөд
Нимкодясь, кыпыда нюмъяв:
Асывлысь лов шысө кылан —
Пармаын гораа сьылан.

* * *

Шондіыс дзирдалө,
Енэжыс лөз.
Мунёны туй кузя,
Мунёны йөз.
Вынйөрныс көрт кодь,
Көсиймныс ён:
Киясас гөрд флаг
Шевъялө дон.
Сьылөм шы юргө,
Горалө гор:

Ызгө и жургө
Тувсовъя шор.
Мунёны сёон,
Тувччалө сюрс,
Чужөмныс югыд,
Кыптөма юр.
Шондіыс дзирдалө,
Енэжыс лөз,
Мунёны туй кузя,
Мунёны йөз.

ЛУЧА

(Збыль висът)

Тист Иван

Чукыль-мукуль, джуджыд вора пармаяс пөвстөд, еджыд ялаа мича ягыас пыр, уна пөлөс расъяс вомөн, веж туруна видзъяс дорөд, изъя косъяс вывті, посныдик коми сиктъяс пөлөн войвывсянь лунланьё шывгө-визувтө Висер ю. Тэрыба шульөдө Висер, быттьө тэр-масьö өдйөджык мамыслы — паськыд Эжвалы — весь-кыд киняулас пырны. Шойнатысянь квайт километр сайын Висерөс шымыртө Эжва, нуө сьөрсьыс водзö да водзö — рытивлань, рытив-войлань, войлань, кытчөдз ачыс оз вош көдзыд Вой саридзö.

Туй кузя Висер вожö кайигөн (туйыс кежö Шойна-тысянь) ковмас вуджны Мусюр вөлөк кызь нель кило-метр кузъта. Сэсся воас медводдза сикт — Джиян, — сулалö Висер ю дорын, джуджыд ыб вылын. Джиянö пыригөн лоö бура ыджыд чой (кыр) кайны. Дзик чой йылас, мир туй бокас, шуйга вылас луно банөн сулалö важиник керка. Рытивла дорыс ичөтик переруба («чу-лана»). Стенас тувъялөма роч гижөда пөв: «Иванов-ская советская станция». Тайö керкаыс джиянса кре-стьянинлөн — Тист Иванлөн.

Коді оз төд Тист Иванös! Висер вожөд и Нивсер вожөд быдөн төдöны сійöс — ылö гөгөр нималö!.. Тист Иван, кыз шуласны, «ничево» оло: видз-му тырмымөн, видзö вит мөс, нелямын душ ыж, зэв ён воронöй вөв дай курөгъясыд на тырыс. Яйысь ни, йöлысь ни, вый-ысь ни, вурунысь ни, колькыйсь ни — нинöмысь некор нужда оз төдлы Тист Иванлөн семьяыс. Сэсся зиль мортыдлөн быдлаö кыд судзсьö: гожомнад тырыс черитö кыйлö, — майбыр оз ков ылö мунны: юыд ныр улас; арнад вөралö, чөскыд вөр пөтка яй сёйöны — еджыд чигъя сьöлаясöс, сыла-госа дозмөръясöс — ви-йөръясöс, чукчиясöс; төвнас ветлө-мунö деньгатор на-жөвитны — гын сапөгъяс вөчавны (Тист Иван төдö гындей мастерство). Весь өд ог шу: Тист Иван, мися, «ничево» оло.

Ме ськөд таво гожомнас медводдзаысь на төдмаси, Висер вожөд коми сьыланкывъяс гижавны ветлігөн. Ми төварышкөд вөлі уджалам Висер сиктын (Богородск). Отчыд кызкө лун шөр гөгöрын пырис миян патераө кутшөмкө гажа морт: ичөтик тушаа, гөгрөсіник чужөма, дзоляник сьөд уска-тошка, лөкиник пинжака, гын сапöга (петыр видз дырйи).

— Чолөм, другъяс, здрасте!— шуө мортыд. Ачыс өти местаын оз вермы весиг сулавныс — пыр өтарө-мөдарө, водзө да бөрө жөдзө джоджас, кызд шуласны, «прамөя төла мортыдлы». Сэсся сёрнитигас неуна лажөдчыштлө пыр, юрсө өтар-мөдар бок вылас катовтлө, кияснас шеныштлө. Зэв тешкодь «элемент»!..

— Здорово!— воча шуам сылы.— Мый висьталан, төварыш?

— Ті өд, дерт, көнкө, другъяс, билетъясөн советскөй станцияяс пыр ветланныд?

— Сидз, дерт. А мый нө эськө?

— Аттө, едена сила!— аслыс моз шуис «гөсть» баябөжсө гыжйыштигтырйи.— Ті, муса другъяс, кызкө-мыйкө энө жө штрапуйтө менө, пөжалуйста... Ме лоа Джиянса советскөй станция кутысь. Вайи татчө ягвывса мельникөс. Сійө менө, екуня Ваньыд, «русскөй горькөйөн» гөститөдис, да ме кутчыси колльөдны сійөс гортөдзыс, праздничайтгмоз: видзөд, сәні аскомысь (вөскресеньөө) крам праздник — Микөла лун... Гортын коли толькө баба, вөлөй тані... Гашкө, тиянөс лэччөдны оз другөн вөвъясыс сюрны да, энө жө штрапуйтө менө, другъяс.

— Ми тані олам на вьльлунъясөдз, сэтчөдз тэ бөр на воан гортад.

— Сійө өд и эм, другъяс, ог, ме чайта, во, едена силаыд... Видзөд, вөскресеньөнәс празднуйта Ягвылын, вьльлуннас — Одыбын дай Тистын на ковмас-и... Кызкө, гашкө, вторникө рытланьыс верма бөр гортө воштысьны... А сьысь дырсө оз жө позь меным гуляйтныыс: видзөд, серөданас купальнича Иван лун, Джиянад крам праздник, көзяинтөг оз позь...

— Нинөмла тэныд, төварыш, сэтшөма төждысьнысө: ми сійө лунсө Джиянад жө көсьям овны — тшөтш «празднуйтны», — шмонитам ми.

— Но! Сидзкө тай зэв бура артмас, екуня Ваня!.. Ті, другъяс, ме ордө пырөй, милости спросим!.. Станцияыс өд ме ордын... Ме өд Тист Иван, ог «кое-как» ов! Вит мөс видза, нелямын душ ыж, а Воронкоыс ме-

нам, екуня Ваня!.. Ук, едена сила, став Висер вожас абу сэсса мелөн кодь вöлыс!.. Ме öд, другъяс, коркө коммунист жö вöлі. Онi кöть и абу партияын, а коммунистөн на ачымöс лыддя.. Шуа тай: мися, ме ог «кое-как», другъяс, ов!..

— Кутшöм варов морт Тист Иваныд вöлöма,— шум ми ас костын, кор сийö мунис мян дiнысь.

Збыльысь, Тист Иваныд сэнi меным кажитчис зэв варовөн. Вöлöмкө, вина чадйыс сийöс ворсöдöма: садь юрөн сийö зэв рам, этша сёрниа морт вöлöма. Вöвлöма сийö и партияын, пыравлöма беднота комитетъяс дырйи (Висер вожад, гашкө, сюрс коммунист вöлі да), сэсса воддза воö и «киритöмаöсь» сэтысь. Гöтырыс висьталöм серти, делöйс со кызди вöлöма. Висерад пöшти быд морт кыйсьысь-вöралысь. Тист Иваныд сiдз жö прамöй окотник. Öти кыйсьысь кызкө аддзöма руч трöпа да капкан сэтчö пуктöма. Капканад коркө ручыд и шедас, толькө пружинаыс вывтi чорыд вöлöма да ручыдлөн лапаяс дзикöдз орöма. Ручыд куим кокөн пышйöма. Тист Иваныд аддзас сылысь гырдöсь кок туйсö да вöччас сы кузя лызьён. Дыр мысти суас дай лыяс. Ваяс сэсса ручöс гортас, куляс, кучиксö вузалас. Мöд кыйсьысьыд коркө локтас капкан дiнас да ёна и шензяс да матькас:

— Аттö,— шуö,— кузь лешак! Шедлöма, трасичаыд, да лапаяс орöма... Тьпу!— сьöлыштас руч лапа вылö; сюяс сэсса лаз мешöкас лапасö да ёрччигтырйи гортас локтас.

Ручтö кыйöмыд абу дас сизим ура кöчöс кыйöм: сэтшöм шуд йывсьыд ёнджыка сёрнитöны, юöрыд ылöджык кылö. Капкантö пуктылысь мортыдлы недыр мысти сiдз жö кывсяс: Тист Иванлы пö руч шедöма, куим кока пö, веськыд водз лапаяс пö капканён, тыдалö, орöма... Коркө не коркө делöыд та йылысь и судöдз воас. Сэнi шуöмаöсь: быттö пö Тист Иваныд ручтö капкансьыс лыйöма, лапасö пö нарошнö орöдöма сэсса да кольöма (пуктöма) капканас, медым пö чайтисны капканён орöмөн. Судитöмаöсь Тист Иванлысь перйи ны сьöм руч ку доныс да сетны воддза кыйсьысьыслы. Таысь и партиясьыс сэсса Ивантö вöтлöмаöсь. Тист Иван та понда оз зэв шогсьы.

— Мед кöть и вöтлисны,— шуö,— а ме сё-таки ачымöс коммунистөн лыддя.

Код тöдас, мый сылөн лов саяс, пытшкöсас, а ортсысянныс, збыльысь, тыдалöны кутшöмсюрö выль ногса

«признакъяс» Босьтам коть отитор: керкаас абу некутшом ен (образ), — важон нин ставсо черон керавлёма да пачын сотома. Ен джаджъяс образъяс пыдди сулалё Ленинлөн портрет, стенъясас сидз жё ляскалёма советской картинаяс — портретъяс, плакатъяс, лозунгъяс. Важ кёлуйысь стенын ошалё корт тув йылын только оти... ратник погон. Тист Иваныд вёлома ратник — мобилизуйтлёмаось война вылё, аддзылёма Карпат гораяс. Став воютомсыс награда пыдди сесся и кольёма тайо погон полыс...

«Новолучинский».

Семья Тист Иванлөн абу на зэв ыджыд — нель душ: ачыс, гётырыс — Ликё (Ликерья), ичотик тушаа зэв варов ань, да кык пи: отиыслы ар кёкъямыс кымын, мёдыслы — нельод вылё петома. Бөрья кагасё Ликё вайома толын, рөштво видз дырйи. Сэки Тист Иван коммунистон на вёлома.

— Иван, пыртны жё од, конкё, кагатё ковмас? — шыасис Ликё челядьясьом бёрас.

— Кутшом али пыртём! — скорысь шуис мужикыс. — Абу од тэныд важ режим. «Пыртны»... Выхь ногон ставсо вочам — октябритам тайо писё, кызд полагайтчө...

— Мый нё сийо «тябритомыс» лоо? Нимтом лоо ладинечным али мый?..

— Сетам и ним сылы, эн шогсы. Дерт, огё пунктё кутшомкё «святой» ним, сийо лоо «леригиозной дурман» миян ногон... Час, ме думайта да ачим бөрья сылы нимсё.

Мёд лунас самой вёли партия ячейкалөн чукортчылём. Тшотш сәни и Тист Иван вёли. Ячейкаса кутшомсюрё уджъяс йылысь сёрнитём бёрын сийо корис кыв, сувтис пызан дорё дай шуо:

— Со мый ме косья тиялы, товарышъяс, висътавыны. Тёрыт менам пи чужис. Кыдзи коммунист ме, дерт, ог вичкоо ну сийос пыртны, няйт купельын тюльскодны. Ми мый вермам бырёдам леригиозной дурмансё йёз костысь, некутшом енлы ни чортлы огё веруйтё. Сидз жё ме косья быдтыны и ассым челядьос, торья нин тайо выль чужысьсё. Гашкё, ме отнам ог сяммы сылы прамойджыка ним корсьны да, вайо, товарышъяс, отвылысь бөрьямой кутшомкё выль ним...

— Вот, другө, Иван Феоктистович, бур делө тэ вочан!— шуө ячейкаса секретарь сэки.— Тэ — медводдза морт на Ыджидвидз вөлөстяд дай, гашкө, став Висер вожас да, октябринатө кагаыдлы лөсьөдысьыд. Ме чайта, тэ бөрся и мукөд сэся вөтчасны... Но, вайө, төварышъяс, ставныд думайтөй, кутшөм ним сетны Иван пины.

Бура дыр юр вемнысө бертлөдлісны собрание вылын Иванлөн төварышъясыс. Быдсяма нимъястө кыпөдавлісны эськө да, ставыс кутшөмкө жебиник ним, некытчө туйтөм.

— Медым вөлі чорыд ним дай «гөрд рөма»,— шуө Тист Иван.

— Сідз кө «Кыа» пукты,— шуө өти.

— «Кыаыд»— ныв ним дай татшөм нимъясыд эмөсь нин Коми муад... Колө кутшөмкө вөвлытөм выль ним сетны...

— Сет «Дозмөр»!— горөдіс мөд төварыш.

— Дозмөрыд өд абу гөрд — сійө сьөд пөтка.

— Син дорыс өд гөрд жө сылөн.

— Оз ков, мисьтөм ним сійө.

— «Ур»! Гожся урыд өд гөрд.

— Зверь нимыд абу лөсьыд дай сійө небыд, колө чорыджык ним эськө сетны,— шуө Иван элясигмоз.

— Чорыд кө колө, пукты пиыдлы нимсө «Сизь»— сійө гөрд и чорыд, нырыс дзык уклад кодь,— кодкө бара шыасис.

Ставныслөн сэтчө серамыс петіс, весиг секретарь тшөтш нюммуніс. Иванлы таысь эз ло лөсьыд быттьө, сөмын нинөм эз шу.

— Гашкө, тэ, төварыш Попов, ачыд кутшөмкө ним думайтін пиыдлы?— юалө секретарь Тист Иванлысь.

— Эм эськө, төварышъяс, өти ним да, ог төд, глянитчас оз тіянлы, дай бура кузь — кык судта... Ті төданныд, төварышъяс, во нель сайын миян Коми муын овліс Пинегга-Печераса штаб. Сійө штабас вөвлі зэв бур коммунист-агитатор — Чумбаров-Лучинский, ыджыд сьөлөма морт, нинөмысь вөлі оз пов, гөтов биө көть ваө пырны революция вөсна. Воддза воө (1921 воын) сійө усьөма Кронштадтса бунттө бырөдігөн. Вот ме эськө и көсья вөлі аслам кагалы сетны нимсө сійө паметь кузя, медым быдмис да сэтшөм жө повтөм сьөлөма лоас,— выль Лучинскөй... Ог төд, кызд тіян ногөн, шогмана нимыс тайө али абу?

— Зэв шогмана, төварыш!— нимкодьпырысь шуө

секретарь.— Кызди тиян ногон, товаришьяс?— юало собраниелысь.

— Зэв бур ним!.. Шаны!.. Шогмана!.. Сулало сэтшөм нимтө и сетны!— мода-мод вежмөн чукөстчисны собраниевывса йөз гораа кекеначасигтырйи.

— Сидзкө «Чумбаров-Лучинский» лоо пийдлөн нимыс, Иван Феоктистович?— шуо секретарь.— Зэв бур ним, дай аслыд глянитчө...

— Ог дзик сидзи шуо, товаришьяс. «Чумбаров-Лучинский» вывти, гашкө, ыджыд ним лоо джиянса съод мужик пилы... Ме эськө көсийи шуны неуна небыдджыка — выль Лучинскойөн: нимсө сетны «Новолучинский», овыс мед вөлі «Чумбаров», ставнас кө шуны — «Новолучинский Чумбаров». Позьё оз тадзи, товаришьяс?

— Позьё, позьё! Зэв бур!— бара горөдисны ставныс.

Сийо лунас жө (вөлі вөскресенньө), собрание бөрын, Тист Иван пыраліс Ыджыдвидзса волисполкомө да гижөдіс ассьыс кагасө «Новолучинский Чумбаров» нимөн.

Пемдигөн нин Тист Иван воис гортас. Нимкодпырысь висьталө гөтырыслы:

— Төдан, Ликө, кутшөм ним ме сеті кагаыдлы?

— Кутшөмөс нө?

— Новолучинский!..

— Мыйсяма ним нө тайө?.. Морт ним жө?

— Морт ним, дерт. Дай зэв бур морт ним ещө! Гөгөрвоан, мый сийө лоо ксмиён? «Новолучинской» лоо «новый луч» — выль югөр. Эн вунөд!.. Оні өд гөгөр саякйө выль югөр — Советскөй властьлөн югөрыс.

— Зэв жө нин тешкодь ним пуктөмыд, Иван. Эз өмөй сюр кутшөмкө прамөйджык морт ним: Микулай ли, Закар ли, Осип ли, мый ли?.. «Новочукыль»... Он весиг шуныс вермы... Йөз серам!..

— Новолучинский — зэв лөсьыд ним, дзик өнія советскөй ним. Некутшөм «йөз серам» сәні абу.

— Сидзи и нэм кежлас лоө?— повзыштөмпырысь юалө Ликө.

— Кызд нө сәсся? Дерт, сидзи. Сидз нин исполкомын шнурөвөй книгаө гижөма, сидзи и кувтөдзыс кутас шусьыны. Ме со Иван, тә — Ликерья, а тайө — Новолучинский...

— Пырттөг?.. Гашкө, и пернатөг да?..

— Мый трустла сийөс көвьявныыс? Сытөг олас!

— Кыдзкө быттьо абу жө лөсьыд сідзтө...

— Зэв лөсьыд!.. Татшөм бур нимыс, гашкө, став Коми муас на абу, непөштө мян Висер вожын!..

«Луча».

Ыджыд шензьөм, сералөм да быд ногөн вөйпөм кыптис джиянсалөн, кор кывсис Тист Иванлөн «йөйталөмыс». Көнкө кө паныдасясны кык баба — сы йылысь и сёрни налөн.

— Кывлін, сваття, Тист Иванлысь дурөмсө?

— Кывлі, кывлі, сваття... Шензьыныыд он вермы, мый кутис өні вөчсыны му вылад!.. Сө господьой, пырттөг ни, пернатөг ни ладинечөс видзөны!..

— Сійө өд и эм, сваття... Быттьо сылөн абу морт лов, быттьо сөстөм ладинечыд сылы кычипи... Ликөыс пө зэв шогсьө эськө да, мый, коньөр, бабаыд вермас вөчны...

— Тыдалө, сваття, му вежан часыд матын жө нин... Мед но ачыс енлы оз веруйт — коммунист пө сійө да, — колө жө ладинечтө көть пыртны... Нимсө пө зэв тешкодьөс сетөма ачыс и, кутшөмкө «Новөй чулан» ли, мый ли, югъявны пө тай ставыс кутас-а... Господьыс тодас, мый и вөчөны өні!..

Медся ёна, дерт, Тист Иван вылө лөгасисны рөдняясыс, торья нин тьощаыс. Син водзын эськө оз лысьт зятьсө видны да, нывсө быд аддзысьлігөн топөдлө.

— Тэ, Ликө, непременно пырт кагатө. Мед йөй Иваныд кыдз гажыс олас, а сөстөм ладинечөс пырттөг видны оз позь. Абу өд сійө кычипи!.. Кулө кө загреки — тэ өд, люба, лоан ен водзын мыжаыс...

Ликө сөмын сэтчө сьөкыда ышловзяс, а нинөм оз шу.

Вежон мысти Тист Иван лэччис Маджаө вөчасьны — гындеявны. Сы бөрын Ликөос дзыкөдз нин йөршитисны, топөдісны, веськыда лолыштны оз лэдзны — мырдөн тшөктөны кагасө пыртны.

— Ме ачым нин ог төд, мый и керны, — шог пыр шуас Ликө рөдняясыслы. — Пырті эськө көть да Иванысь пола: кывлас кө нөйтас менө...

— Некод весиг оз төдлы, гусьөник кыдзкө войнас вичкоө нуыштлы дай... Бөрвylас көть и тодас — нинөм оз ло; гашкө нө, неуна зыньгыштас, сэсся бурасяс. Медтыкө пыртөмыс лои-а, сэсся көть мый вөч эштөм

бөрад... Да өд, Ликө, пыртөм, пернатөм ладинечөс видзөм дорысь лучшө нин ичөтик нөйтөм терпитны, он өмөй ачылд гөгөрво сійөс?..

Пыр өтарө тадзи долисны да долисны Ликөлы, некытчө пемыд аныдлы воштысьны лои дай сетчис — Новолучинскийөс пыртөдс вичкоын, купельын. Отчыл рөштво бөрын, зэв нин сөрөн рытнас, корис Ликө ас-лас рөдняяс костсьыс вежай-вежаньөс да найө вой шөр гөгөрын кымын нуисны Тист Иванлысь октябритөм кагасө Ыджыдвидзө, поп ордө пыртны. Поп бура дыр первой петитчис пыртөмсьыс.

— Опаснө кызкө быттьө... Иван енлы оз веруйт, вичкоө оз воывлы... Төдас дай менө тшөтш зупкөдас коркө гажа юрөн... Төда өд ме сійөс: карактерыс зэв омоль код юрнас, вывті кокни киа сәки... Дай сәсся ещө коммунист сійө... Пола кызкө ме пыртныд сылысь кагасө...

Дыр кевмысьөм мысти да бура ыджыд калым мынтөм бөрын поп пыртис жө кызкө Новолучинскийөс. Нимсө сетигөн бура дыр попыд лукрасис-корсьысис «святцыысь», сәсся кагалы пунктис нимсө Лука, куимысь помся купельө тюльгыліс, «крещается раб божий Лука» шуалігтырйи. Регыл эштіс, пыртсис.

— Мед гортас шуасны Лучаөн: сідзсө пөшти өткодь и лоө Новолучинскийөдкөд нимыс... Нимлуныс талөн лоө төлысь мысти рөштво лунсянь, январь 25-өд лунө миян святцы серти... Да мед бара Иваныслы кызкө оз жө кывсьы та йылысь — нөйтас, мися, сійө менө.

Сөмын тай эз зэв дыр видзсьы гусьөннад тайө уджыд: сійө луньяснас жө разаліс юөр Новолучинскийөс пыртөм йылысь. Воис тайө юөрыд и Маджаөдз, кывсис Тист Иванлы. Гудыртчис сылөн сьөлөмыс лөк юөрсьыд, быттьө зі чушкис-сотыштис, вемөдзыс йиджис «забедаыс». Зумыштчис, жугыльтчис дай скөрмис Тист Иван.

— Кыззи нө, едена сила, баба лысьтіс менсьым Новолучинскийөс пез няйт купельын пыртны? — ас пондаыс шуасьө ёрчөм сорөн. Збыль кө пыртис — ёна жө, трасичаөс, и жбоньөда!.. Лешак!.. Пырысьтөм-пыр жө и торйөдча!.. А попөс, кузь юрсиа чөртөс, веськыда ныра, став юрсисө нетшка, едена сила! Мед водзө кежлө төдны кутас, кутшөмджык религиозной дурмантө йөз костө разөдөмыд... Октябритөм кагаөс купельын пыртны?! Едена сила! Часлы, петкөдла ме ставныслы, гортө воа да!..

Быдөн зэв ёна тѳждысьѳны: поп и, Иван и, рѳдвужыс и, медьёнасѳ шогсьѳ да полѳ Ликѳ. Толькѳ ичѳтик Луча нинѳм оз пыдди пукты, ставыс сылы веськодѳ. Сійѳ либѳ узьѳ потанын (зыбкаын), либѳ бѳрдѳ, либѳ нѳнясьѳ — кор юмов мам нѳнь, кор шоммѳм сюр нѳнь.

Вежон куим кымын Тист Иван вѳчасис Маджаын. Ликѳ оз на вѳлі виччысь сійѳс гортас. Кызкѳ ѳтчыз Василей лун (виль во) бѳрын асывводзын (Ликѳ вѳлі самѳй пѳжасьѳ) нинѳм виччысьтѳг керка ѳдзѳс дзирс воссис да бырс пырис гортас Тист Иван — бура гажа ачыс, а зумыштчѳма. Ликѳлѳн быдѳн сьѳлѳмыс ыркнит-лис первойсѳ.

— Тѳ нѳ мый, едена сила, вѳчѳмыд менам ветлѳгкѳстѳ?— пѳрччысьтѳг ни нинѳм топѳдис Иван гѳтырсѳ.— Новолучинскийѳ пыртѳмыд вичкоын, купельын?

— Чѳ-ѳв, Иван!.. Эг жѳ ме пырт!.. Кодѳ нѳ висьталѳс тѳныд?

— Быдлаын гѳгѳр сы йылысь сѳрнитѳны. Висьтав, кызди тѳ лысьтѳн, трасича, октябрѳтѳм кагаѳс пыртны?

— Да он ѳмѳй верит, Иван? Эг, мися, пырт, ей-бог, эг пырт, прѳста больгѳны...

Иван уськѳдчис потанлань, Луча дѳнѳ (самѳй вѳлі зэв чѳскыда сійѳ узьѳ) разис рузумьяс, вѳсьтѳс дѳрѳм морѳссѳ — югнитѳс ичѳтик ыргѳн перна, кѳвсѳ ѳрѳдис, нетшыштѳс.

— Этѳйѳ нѳ мый эськѳ, а?! Пыртѳмыд дай перна ѳшѳдѳмыд, стерво!... Ещѳ и соссян?.. Босьта да вот став лѳзьтѳ кушта!— зэв скѳрысь шуасьѳ, видѳ бабасѳ. Перна чегьялис чуньяс костас, торпыригсѳ лѳканьѳ шыбитѳс. Луча садьмис, бѳрддзис небыдика. Ликѳ босьтѳс мездорас, нѳньсѳ вомас сылы суйис да кага ланьтѳс.

— Сійѳ... сѳдзи, Иван... Эг пырт, мися, кагатѳ... Пернасѳ сѳдз ѳшѳдлѳ. Вывтѳ ёна быдѳн кутѳсны серавны дай ѳшѳдѳ: мед, мися, чайтасны кагатѳ пыртѳмѳн...

— Менѳ он пѳрьяв, ставсѳ тѳдмала, екуня Ваня!.. Збыль кѳ пыртѳн — аски жѳ торѳйѳдча тѳкѳд... Ачымѳс страмитны ѳг понды тѳварышьяс водзын!..

Петалис суседьясас юасьны-тѳдмасьны, збыль-ѳ пыртѳс бабаыс кагасѳ, сѳмын нинѳм некод лючки оз висьтав: йѳзлы нѳ кутшѳм мог Тист Иван семьяѳдз!

— Ми бара, Иван, нинѳм ѳгѳ тѳдѳ, эгѳ аддзылѳ ни!.. Гашкѳ, Ликѳыд и пыртѳс, гашкѳ, и эз... Код тѳдас, йѳз кост олѳмтѳ?— висьталѳсны Иванлы суседьясыс.

— Но, ладнѳ. Аски поп ѳрдѳ ветла. Кызд топѳда

сійӧс чорыдджыка — небось висьталас ставсӧ, едена сила!..

Рытнас сёрниттӧг ужнайтіс Иван, сёрниттӧг и узыны водіс. Войнас унаысь садьмыліс, сьӧласис, мыйкӧ броткӧдчис аслыс, нельысь ли витысь куритчис. Ликӧ синсӧ эз жӧ куньлы: войбыд думайтіс: «Мый бара аски лоӧ-а?.. Нӧйтас, дерт, менӧ... Колӧма жӧ эськӧ ставсӧ веськыда висьтавны да... Гашкӧ, эськӧ и прӧститіс да...»

Мӧд лунас Тист Иван муніс Ыджыдвидзӧ, поп ордӧ,— мунӧм водзвылас дзибыртіс, кыз шуласны, «на крабрость», быдса самӧкур стӧкан (сьӧрсыйс вайліс тӧрыт дзонь парта). Поп вӧлі самӧй чай юӧ. Мыйӧн пырис Тист Иван, поплӧн кисьыс муртса блюдыс эз усь: сэтшӧма повзис.

— Вай жӧ висьтав тэ, поп, кызди тэ лысьтін пыртны менсьым пиӧс? Кутшӧм права тэнад сы вылӧ вӧлі, а?

Поплӧн весиг горшас нянь крӧшкиыс крукасис татшӧм кывъясьыд.

— Ме нинӧм, Иван Феокистӧвич,— мыкталігтырйи шуӧ поп.— Кызди нӧ позьӧ... гм!.. Нинӧм шуны...

— Кызди нӧ нинӧм?— торкис Иван, ачыс матӧджык поплань локтыштіс.— Эн пӧръясь, поп, веськыда висьтав, кызди, мися, тэ лысьтін купельын пыртны октябритӧм кагаӧс, едена сила, а?

Поп тіралігтырйи чеччис пызан сайысь да сувтіс горнича ӧдзӧс дорӧ.

— Ме... кызди сійӧ... раб божий Иван, ме эг...

— Кутшӧм ме «раб божий» тэныд лои?.. Вот кызди рабышта ныр-вомад — висьталан небось сәки, едена сила!..

— Мырдӧн... мырдӧн тшӧктісны пыртныыс... ме эськӧ ог вӧлі пырт да мырдӧн тшӧктісны... Веськыда висьтала, раб... Иван Феокистӧвич, мырдӧн...

— Мырдӧн некод оз вермы тшӧктыны пыртны. Тэ пыртін дзик аслад горшлун пондаыд: шуласны тай, «поп горш да ад горш пӧ ӧткодьӧсь...» Кутшӧм ним нӧ сетін?

— Лука... святӧй Лука паметь кузя, апостол, евангелист...

— Ме вот тэныд тшӧка бокад сэтшӧм «евангелье» косышта, мед черлыыд вежыньтчас, трустлӧн!.. «Лука»... Скӧтина тэ!..

— Позьӧ шуны меліджыка — Луча... Тадзисӧ зэв

ёна мунё мыйкөланьыд... кыз сійё... да, Новолучинскийланьыд...

— Важөн нин эськө кад тиянөс лэзьясөдныд кос пу йылө ошлыны да. Толькө бур йөзлысь оломнысө дзуганныд, вежөрнысө пемдөданныд, быд ногыс ылөдланныд... Кывзы, поп: пырысь-пыр мун петав вичкоад да кирит асланыд книгаясысь менсьым пиос, мед дукуыс весиг эз вөв сылөн сәни!

— Кирита, кирита, Иван Феокистөвич, пыр жө и петала да кирита метрикаысь...

— Едена силаяс ті ставныд!— шуис Иван петигас нин.

Поп сәки вөлисти кокниджыка лолыштис. Толькө эз пет вичкоө Лукаос киритны, өнөдз на кириттөм сійё лои...

Джиянө воигөн нин (куим верст) Тист Иванлы дум вылас друг уси: «Мыйла нө ме попсө эг зульөд? Аттө, едена сила!» Локтигчөжыс пыр мөвпалис, кызди бурджыка бабасө «велөдны», кутшөм местаясө швачөдны, мед эськө прамөя мөрччис дай мед йөзыслы оз вөлі тыдав нөйтөм туйыс... Сэссия горт дорас матысмигөн нин бара друг думыштис: «А мый нө бурыс лөө нөйтөмсьыс? Ме чайта, Ликө эськө эз пырт Новолучинскийос, эз кө ышөдны сійөс сы вылө суседьяс да рөдняяс... Мый сэссия, бабаыд пемыд, быдтор вылө на веритө... Прөста костти и локсьөма менам уджаланысь... Сидз нин мед олас — ог вөрзьөд Ликөос, а неуна петкөдла жө ассьым этшөс сылы».

Кызди мөвпалис — сидзи и вөчис Тист Иваныд. Зэв на дыр Ликө вылас скөралис. Быдса вежон чөж видис, нөйтны грөзитчис. Мөд вежон чөж кыв эз лэдзлы, эз сёрнит Ликөкөд. Коймөд вежон чөж зэв шочиника кыв лэдзлис, корсюрө бабасө Ликөон шулис. Нельөд вежон чөжнас варовджык лои, мукөд дырйыс весиг вашмунлө. Төлысь мысти, сретенньө бөрын нин, йөввыв гөгөрлань, вөлисти Тист Иван бурасис прамөя — важ моз сёрнитө и, сералө и, Ликөыскөд орччөн, өти вольпась вылын, узылө и... Со өд кутшөм этшыс Тист Иваныд-лөн!

* * *

Висьтавлі нин тай водзынджык: мися, Лучалы нельөд арөс мунө. Сійө новлө кузь сера дөра дөрөм,— гачтөг на котралө (мый нө сэссия, ичөт на өд: быдмас да эш-

тас на гачьястõ и брюкиастõ на пõtтõдзыс новлыны). Гõгрõс чужõм бана — зэв мича детина, кыдз шуласны, «ен сыкõд кодь». Толькõ вывтї рам, бокõвõй йõзысь полõ — тõдтõмтõ. Шоча, зэв шоча мича чужõмбан выв-тїыс вирдыштлас сылõн нюм либõ ваш. Котралыштас, котралыштас мыйкõ дыра, сэссия босьтас мамыслысь важ эжõдтõм ыж ку пась, пуксяс лабичõ, õшинь дорõ, шымыртчас пасьнас дай кутас... нёнясьны. Луча нёня-лõ ассьыс чуньяссõ. Сюяс вомас веськыд водз чуньсõ да шõр чуньсõ да нятшкõ-нёнялõ. Ачыс сэки быттõ мõвпалõ кутшõмкõ зэв ыджыдтор йылысь.

— Мыйла нõ, Ликерья, онõ õлõдõ кыдзкõ Луча-нытõ чуньсõ нёнялõмысь? Сийõ õд абу бур: õти-кõ, быд-сяма няйтис сылõн чуньясас сибдõ, вермас висьмыны; мõд-кõ, вежõрыс детинаыдлõн вермас торксьыны, — висьталїм ми Анисимовкõд Тист Иван гõтырлы.

— Сїдзи нин велалõма да... Нинõм... Танї õд уна-лõн челядыс чуньнысõ нёнялõны да нинõм тай некод-лõн эз лолыны-а... Ме дзоля дырйи нёнявлї жõ да сы вõсна тай со ола...

Мамыс сийõс Лучаõн шуõ. Кыдзи батыс нимтõ, ме ог тõд, некыдз кõ оз-а. Ми тай эгõ кывлõ-а...

Тадзи быдмõ ичõтик Джияны, визув Висер ю до-рын Луча — Новолучинский-Чумбаров. Колõ сийõс бура видзны-дõзьõритны, медым збыльысь быдмис сыысь, кыдзи тай коркõ батыс шулїс, «новõй луч» — выль югõр. А святõй Лука нимыд ачыс вушьяс сы вылысь, кõtь и пыртїс попыд купельын — сийõ õд эз век кежлõ сибды.

Ноябрь, 1926 во

ЛЕНИН КОМИЫН

Дзор изъяс улысь сѳдзтѳ васѳ,
Кѳн дзулькѳн пуѳ кѳдзыд ключ,
Лѳз енѳж синмѳн парматасѳ
Пыр ѳтмоз дзоргыны оз мудз,
Оз ланьтлы луннас, вой оз узь,—
Тадз шуньгѳ менам Эжва юѳй
Код тѳдѳ корсянь, кымын нѳм.
Мед пѳрысь кѳ. Но, кызд кѳть шуѳй,
И Эжва ю, рѳй тошка муѳй
Вир петмѳн мусаѳсь пыр мем.

Ме танѳ аддзи лунлысь сувтѳм,
Бать-мамлысь быд бур сиан час.
Ог вывтѳсь, а кута кувтѳдз
Октябрлысь лов шы кывны тась.
Тыш йѳлѳгаысь шызьѳм рас
Быд пуын видзѳ сылысь пудпас
И менсьым тѳрмѳм челядь дыр.
Ог ышнясь, ог ме тайѳ шуднас,
Мем сѳйѳ уси, кѳть эг пудьясь,
И сытѳг гуѳ ме ог пыр.

Пѳль позсьыс мыччысьны эз лысьтлы,
Йѳз дѳнѳ петѳм — ыджыд шог,
А менѳ, кытчѳ колѳ ысты,
Москваѳдз муна, ог шу: «Ог!»
Со ѳнѳ на тай сулѳс мог.
Кызд шусьѳ, дружнѳй вѳр пѳ мутшкѳс,
Лѳк тѳвкѳд водзасьны пыр дась.
Тшѳтш миян олѳм ѳтув путшкѳм,
И Коми — СССР-лѳн путшпѳв,
Он найѳс немся вынѳн разь!

Дзик райѳ моз жѳ чужанѳнѳ
Бѳр лѳба талун. Ышмѳ лов.
Сѳ казтьылантор мѳвпѳс синѳ:
Яр биѳ пырала — ог пов,
И вѳрысь петкѳдысь оз ков.
Мед сынѳ самолѳт сталь лоптѳн,

Важ другкөд гажа тани мен.
Ми ськөд велөдчим нин поптөг.
Сё майбыр! Кодыр книга ноптө
Оз сьөктөд нин весь олысь ен.

Ме тувки бокас:— Кылан, Паньё?
Он удит вөрзёдны синлап,
Кыз воам гортө. Тадзё шань өд?
А дед эз төдлы телеграф.
Вот мынтытөмысь мустөм штрап
Пыр вөлөм сёрмытөгджык волө.
Бур юөр вөлөктө оз вудж:
Голь мортсьыд шудыд вөлі полө,
Кыз кужө метөг пө мед олө,
Эм сылөн юр выв тырыс удж.

Ме пөтөлөксө чуть эг жугөд,
Пружина этшөн чеччи — звирк!
Став вынос пункті — кутлі другос:
— Вот олөм мянөс эз чирк!
Мед мюзик-холлын муніс цирк,
А мян кыпыдджык на вөлі
Нитш вольөса, лыс вевта зал,
Народ кор веськөдлысяс сөліс
Да Питер карсянь вайис төлыс
Ён гым — Интернационал.

Сы бөрын регыд воис батьё
Да ещө кодкө вөлі мөд.
Бать нель во ветлөма салдатө,
Сьөд бубуляысь ёна сьөд,
Не мам кө, эг и сійөс төд.
Сэзь төвся вой, а сэтшөм дженьыд!
И мыйлакө дзик праздник кодь?
Эг водлөй некод: мам ни, ме ни,
Өд батькөд воысьыс пө Ленин,
Став тільсьысь-мырсьысьяслөн вождь.

Сы воддза некор сикт эз шыав,
Эз вөвлы сэтшөмыс на, эз.
А сэки, узис на көть кыа,
Юж вывті, быттё дзуртысь гез,
Ми ордө ставнас люзьгис грезд.
Ме чуйми: коді көть эз волы,
Важ төдса Ленинлөн — да-й пом.

Он шу, мый эз вөв татчөс олысь,
Быд киасьөмысь сылы долыд,
Коть пöрысь киасьö, коть том...

Друг Паньö шыасис ээв збыльысь:
— Эн лөгась, ставас эска тэд.
Тшөтш кывлі, батьыд кыськө ылысь
Сэк вайлөм Ленинлысь портрет...
«Портрет!» Чуть пель дінас эг сет.
Ок, аддзыліс кө менö кодкө,
Эз ковмы зу вывті мөд зу!
Коть самолётсö босьт да поткөд,—
Мый броткөм сійö өтнас броткө.
Кор төдö нин став Коми му!

— Тэ, гашкөй, он төд Сэбин юсö?
Ва мельнича дыр вөвлі сэн.
Кулак Вась Миш сэсь васö-й, мусö
Ёсь гыжъяс кутөм дзонь морт нэм,
И шулөм: этша на пö мем.
Кор батькөд Ленин воас сэтчө,
Пос вылас сувтас, лэптас ки
Да шуас:— Гөльлы ставыс сетсьö,
Вир юысьяслөн шонді лэччө,
Кöзяинъясыс öні ті!

И ещö шуас:— Эськө татчө
Би сетан станция кө, бур!..
Со кутшөм ылысь сійö аддзö,
Мөд сэтшөм мывкыда оз сюр...—
Ме друглань доровтышти юр,
— Но,— шуи,— кутшөмджык портретыс?
Эм сылөн кыв-вор? Югыд мөвп?
Выль станциясö төдан сэтысь?
Тэ ачyd вөвлін сэн би сетысь,
Вот босьт да-й öні асьтö вöйп.

Он вунөд Ленинлысь бур сьөлөм:
Кор тшыглун йирис морөспань,
Код төдас кытысь, дас кык вөлөн
Сикт шөрөдз гургис-вайис нянь.
Кач бөрад кутшөм вөлі шань
Би вылын банйөм шобді көрыш!
Кыз таысь тэ он вежавидз!

Дыр оліс вомын чөскыд көрыс,
Дыр атгьоалис том и пөрысь:
— Сё пасибө жө тэд, Ильич!
Тэ сійө төвсө гортад төвйин,
И, көнкө, казьявліс жө син
Важ миян керка стенса пөвйысь
Нач өти кыв: «Лыддысянін».
Сэн рыйысьліс став Сэбиндін.
А книгаясыс, чайтан, кытысь?
Дерт, Ленин вайис! Сэссия кысь?
Эз вөв на книга лыддян вытысь
Но өдйө котөртлывліс рытыс,
Гаж торкны некоді эз лысьт.

А өтчыд Ленин корөм батьөс:
— Вот!— шуөм,— книгаяс том морт.
Ас дорсьыд ёна найөс радейт,
Сэк немся сьөкыдлун оз торк,
Дай помнит ещө татшөмтор:
Наука коркө Архимедлы
Ва пытшкын кокняммөдөм из.
Збыль! Төдөмлунтөг бур оз шедлы,
И колө сійө томлы-й, дедлы,
Мед стрөитны социализм.

Ой, гөльлун, гөльлун! Кымын дөмас,
Гын көмын вөвлі кымын розь!
Друг Пиля Митрөй: на пө көмав!
Шнич выльөс сетө тюни гоз,
Эн пов пө. Новлы ассьыд моз.
Став вольной светыс сюри меным!
Эз казьявлы комбедса пред,
Ме ошйыси нин тани-й, сәні:
Выль тюни тшөктөм сетны Ленин!
Дерт, сытөг Митрөй дядь эз сет.

Лөк асыв сэссия сувтіс өтчыд,
Эз праздник вөв, а бовгис звөн.
Лым сюръя бөрся сюръя вөтчис,
А керка пытшкын бөрдмөн лөнь.
Көн Ленин? Батьөй менам көн?
Кызд натөг кута овны-вывны?
Ме пыді вежөсө — кум-кам!
— Тэ «Варшавянкатө» эн сьыв нин.
Ог вермы сійөс пельөн кывны!—
Скөнь орөдіс чард синма мам.

Тшөтш мыйкө шогалө и Рыжко,
Дзик мырдысь юктала, оз ю...
Друг кыськө Вась Миш уси шыш кодь,
Коть кут да чижовкаө ну.
Ме падми, кыв ни джын эг шу,
А сийө тшапкис веськыд кокөс
Да тюни пөлөс кыскис — рас!
Мөд пөвсө мырддис, кежис бокө,
Тэ,— шуө,— ловъя колин, вокө,
Чөвт енлы ыджыд пернапас.

Мый вөчан, кадыс вөлі сэтшөм,
Пыр оран выйын зэлыд сөн.
Тэ озыръяслы дасьтан петшөр,
А тэнө — налөн бытшкө йөн.
Орлов со татчө пырис төн,
Антанта зырсьө Коми муө,
Сибирсянь писькөдчө Колчак.
А кодкө повтөм, кылө, шуө:
— Но, мый нө? Дзебам өти гуө,
Крест пыдди сувтөдам понтшак.

И бара врагөс корсьө мушка,
И бара воксө колльө чой,
И бара гөлөс лэптө пушка,
И бара лысьөм сотө дой,
Став парма пасьта ыпйө бой.
Тшын дукөн өвтө би гөрд знамя,
Оз өти лыйөм войын увт.
Сө чышъян көтөдөны мамъяс,
Выль олөм, зонмө, абу тшамъя,
Ён тыштөг кок йылө оз сувт...

— Да-а!— ышловзис сэк менам ёртөй,—
А Лениныс нө? Мунис бөр?
Ме сувтса сувти:— Эн во гортөдз!
Тэ висьмин! Эн кө, тадз он сөр.
Од өти веськыд кыв оз төр!
Вай висьтав, ноко, Ленинтөгыс
Тэ эськө врагөс вермин эн?
Көн нартлы паныд пуө лөгыс,
Көн тышлөн гөрддзасьөма йөгыс,
Сэн миян Ленин. Быд здук сэн...

Кор вожьным нуодома тышо,
Сэк батылы шуом:— Воас лун!
Вот аддзылан, ог проста ышод,
Тан муас тырыс озырлун.
Тэ сыла ылөдз эн и мун...
Мый та ыло тэ шуан, вокө?
Тась коркө-й корсьлам на алмаз.
Лун воас, мөдөдчас Торжокө
Машинаястөг, аслас кокөн,
Оз кутшөмкө, а коми газ!

Эз мун. Ме аддзысьывла ськөд.
Кор осьта ленинскөй кыз том,
Разливса чомйын быттьө кыкөн,
Нач кыкөн сёрнитам рыт пом.
Лист бөрся лист. И вошө чом.
Тэ водзын — паськыд, югыд ывла,
Медылыс кодзувьяслөн дзирд.
А лолыд кыпөдчө век вывлань,
И сэк жө аддзылан и кывлан,
Кызд кутас аски овны мир...

Но вот и Сыктивкарным, ёртъяс,
Ю пөлөн нюжөдома сыв!
Со бара чукөстис ас ордас,
Кызд мусаыслы нюмдөм ныв.
А со и төдса площадь выв,
А со и вожьным миян — Ленин!
Ме шуи, сийө вөли-й, эм.
Тась сийө шогсө-й, лёксө венис,
И өні сьлөн югыд гений
Тан осьтө коммунизмлысь нэм.

ВО ГӨГӨР КЫТШОВТОМ

(Пөткa сьылөм шыөн)

«Пинь-пинь... пинь-пинь!..» — кытөнкө коз йылын кылө тшетшкөдчө-пинясьö көдзыдкөд пинькай, коль гылө-дигтырий. Сэзь, лөнъ. Шондi югыда нин мыччасьö, сөмын оз на ньöти шонты.

«Кра-ав!.. Кра-ав!..» — асывъясын рака горзөм шыö долыда садьман. Уялө: лым топалө, туйыс сьөдөдө, войтва вевт вылысь төпкө.

«Туррр... куррр...» — шондi петан вежөсын ылісянь кылө таръяслөн койтөм... Асывъясын мозъя чарөма.

«Чи-чи, чи, чи... — чи-чи-чи-и-и...» — матиник пуясын кылөны медводдза локтысь сьылысь кайяс. Зэв сэтшөм небыда, нора, жугыльпырысь сьылөны кызкө, быттьö шогсьöны: гөгөр на пö лым да... Лунсянь шоньд төв пушкө, лымсö някалө-сейö. Ылө тыдалө, — сынөдыс лөз!

«Чик-чилик... чик-чилик!..» — сырчик воөма. Пукалө йи вылын, муркөдө тушанас — чегьялө йи. Ва воссьö. Дзодзөгъяс енежын горзöны: «Гок-гок... гог-го-гог!..» Быдсяма пөткаыс саридзысь локтө. Бузгöны шорьяс. Видзьяс гөгөр ойдөмаось.

«Кук-ку-у-у!.. Кук-ку-у-у!..» — рытъясын ольясысь¹ көклөн нораа горзөмыс кылө. Кыв бөрсьыс вөтлысьöны-нерöны нывпосни сійөс да нюркиөдлөны-юасьöны: «Көкө-ө-ө — чо-йö!.. Кө-кө — чо-йö!.. Узь да вөтась да — кы-мын во нин ме ве-рөс са-йö ог мун?» Ва усьöма нин кырйысь. Гөгөр няйт. Ва ямас вылын вежөдө турун. Ва дор баддьын оз лөнълы кайяслөн дзользьöм.

«Подь-пөлудь! Подь-пөлудь!..» — дугдывтөг шпаткө войясын квайтпалич-пөтка; ылыстчылас, матыстмылас шыыс, он и төд, кодарын кылө. Войяс югыдөсь, шоньдөсь. Быдтор быдмө-дзоридзалө.

«Пийö-пийö, пипу-пи-и-и!..» — видз вылын дзользьö ёдиор. Шондi сотö, пөсь, быттьö пач вомысь öвтö. Ытшкөм турун нюкыртчө, косьмө.

¹ Оль — увтасьясын, нюраиньясын вөр.

«И-ис... и-ис — и-и-ис...» — йӱжгылясьӱ-кынмӱ нин ва дорын истан. (Зэв ӱд сійӱ ляб ачыс кылӱ.) Асывь-ясын ыркнитлӱ, вавьсь ру кыптӱ.

«Джив-джив... джив-джив-джив!..» — Ок, джиянъяс нин кыпӱдчӱмаӱсь: чукӱрӱн-чукӱрӱн лӱбалӱны, быдлаӱ пуксьӱны... Сӱмайбырӱй тӱ, гожӱмӱй, кольны тай, тыдалӱ, кутӱн!

«Тпру-ту, тпру-ту — Тi-i-i-ннн!..» — ӱти вӱр дӱнсян мӱдӱ лӱбалӱ-суналӱ кыр. Корьяс пуяслӱн вижӱдӱны, ньӱжӱйӱник гылалӱны — киссьӱны. Вӱрын йӱлӱга гораммӱ.

«Клуук-куллук!.. Клуук-куллук!..» — мӱдӱмаӱсь эзысь юсьяс саридзӱ! Гезьясьӱмӱн, звӱйкӱйӱн лӱбӱны. Лолыштӱс войсян. Наридз¹ петӱ. Туйяс чораса. Чӱлалӱ медводдза лым: ньӱжӱйӱник, ньӱжӱйӱ зэв усьӱ, быттьӱ артасьӱ: усьны-ӱ не на пӱ няйт му вылас?

«Кытш-кытш... кытш-кытш!..» — потшӱсысь потшӱсӱ, майӱгысь майӱгӱ шывьялӱ-лӱбалӱ катша. Кымӱрьяс ӱшӱмаӱсь. Гӱгӱр нин еджыд.

«Трк-п-прк-ч-ччк!..» — пуысь пуӱ, мырӱысь мырӱйӱ тӱрыба лӱбалӱ-жбырьялӱ сизь; зӱля котшкӱдчӱ-дорччӱ: «тук-тук! тук-тук-тук!»

Жжннь... жжннь... жжннь...» — йӱжгылясьӱ-кынмӱ пу йылын жонь. Кӱдзыд. Гӱгӱр лӱнь — шы ни ру. Кулӱма ывлаыс.

ТУЛЫС ВОӱМ

(Серпастор)

Улльӱв кодь небыд тӱв лунвывсян пӱльтӱ, вайӱдӱ чӱскыд кӱр, лӱсьыда чужӱмад ӱвтӱ... Енӱжын шондӱыс вылӱ нин ветлӱ, дзирдалӱ югыда — синьястӱ ӱрӱ. Сывны нин вӱрзьӱма лым — мутшкысьӱ-топалӱ, кок улын сыв. Гож водзын лӱзӱдӱ, сӱникӱ пӱрӱ. Толаыс ляпкалӱ, чинӱ. Гӱгӱр дзык личалӱ, прӱстмӱ.

ӱдзӱсыс тулыслӱн паськыда вощӱ...

Ывлаыс гораммӱ, быттьӱкӱ выль мыськӱм, пелькӱ-

¹ Наридз — сӱник.

дём керка, гудырыс-няйтыс идрасьём сэсь. Гажа сэн, гора и кыпид, кокныда ветлөдлө лолыд. Ывлавывторъяс ылыстчоны кытчөкө ылө... Енэжыс кыптө зэв ыылө. Кымөръяс качоны.

Воссёма вөр пу йыв — мезмөма лымйысь. Гылалөшупкысьё ув ылысь тукта... Лым ваён мыссьёмаось лысьяс: быттьөкө долыда асывводз чеччөм, сөстөм зэв чужөмаось сулалөны пуяс.

Тёпкө-виялө вевт ылысь войтва... Со, тонө, гож водзө петөма курөг, лажъялө-ветлөдлө ньөжйөник, тшапа. Петуклөн чуксасьём кылө, юръялө йөлаыс, сикт кузя ветлө... Долодджык кажитчө ракалөн кравзём.

Ыліөдз ывлаын сёрнияс кылөны... Зиль йөзлөн керасьём (тшупсьём да поткөдчөм), чер шыяс камгөм — тэрмөдлө, удж ыылө ыстө. Шко-о-ов,— кылө ва дорысь нөшасьём шы... Керкаясын дугдывтөг швачкөны-кыөны дөра. Шаргысьө дзавъян шы, быдмасын гымгө...

Со, тонө, детинка керкаысь ывлаө петис (мынөма кагаысь), керкаын тулысын гажтөм. Видзөдліс өтарө, мөдарө... Сьөлөмсьыс нимкодя мый вомас төрис горөдіс: «Э-э-эй!» Сэсся тай садьтөгыс котөртис кытчөкө водзө...

Бузгөны сёнъясөд өдөбөн, письтөма-сь шоръяс... Гөгөр дзик ловзьёма, нюмъялө-сьылө.

КЕР ПОРОДОМ

Волинныд-ө коркө ті кузь пожөма ягө? Аддзывлінныд-ө, кызди кер порөдоны, кызди ыджыд пу порө? Төдлінныд-ө ті сійө гажсө?..— Ок!

Асылын чеччан зэв водз, асья кодзулыскөд кыпөдчан тшөтш. Көмасын, пасьтасын, нурйыштчан-сөян, Сэсся доддасын да рөдйөн мөдөдчан ягө. Пемыд. Муртса кодзувьясьянь сөмын югөрттор усыштө. Шоныд керкаысь петөм мысти унзиль. Сиктысь эрд ыылө петан да вөлисти палялан. Көдзыдыс өвтыштас чужөмад, лэчыд төв ородө ныр-вомтө. Сайөдчан, бергөдчан төвбөр, ёнджыка йөжгыльтчан парка пиө. Он вөрзөдчы, пукалан вугралігырийи. Сөмын вөлыд ыылө корсюрө горөдыштан.

Вөр туйо пыран. Пемыд на, дзурк,— нинөм оз тыдав. Туй пөлөн вөр пуыс сулалө тшем! Нинөм оз төдчы: пожом-ө, коз. Пуяс быттьөкө вугралөны-узьоны: оз вөрзбыны увийн ни лыскөн. Лөнъ. Кулөма, унмовсьөма ставыс кыз, сьөкыд унмөн. Увьяс вылө кыза өшйөма тукта. Тубралөма, төбөма лым төбөдөн лапъя козьясөс йывсяныыс да подулөдзныс. Оз шыөдчы, оз вөрзьөдчы — сулалө-вугралө вөр.

Водзө мунан. Коркө дыр мысти лөз төдчыны кутас, югдыны вөрзяс. Пуяс кутасны янсавны мөда-мөдсьыныс. Йирмөг лоө доддын пукавны. Чеччан, котортан додь бөрся — шоныд перьян. Тшупөда туйөд усян да чеччан өтторья. Мудзан да бөр доддьө солан.

Бур вөрыд дыр оз ов. Пес керас нин со коли. Чипасьяс сэн сиктөн-сиктөн сулалөны. Кузя на сы бөрти восьласөн мунан. Коркө сэсся и воны кутас пожом вөра яг. Сярвизөны-сулалөны пуяс, быттьө зэв тшөкыда сюрьяяс сутшкалөма — увьясыс пуяслөн зэв вылөдз абуөсь.

Югдө. Лөз төдчө ягын. Сулалө-вугралө вөр. Оз шыөдчы, оз вөрзбы — чөв. Нэмөвөйся сывтырья пожөмьяс, быттьөкө дзор багатырьяс, кыз броня кышаөсь, орччөн-орччөн сувтөмаөсь, сынисады узьоны. Кымын төв и гожөм нин найө нэмьясын вөліс! Кымынысь нин кынмывліс-унмовсьліс төв кежлө вөр, садьмывліс-шувгывліс тулысын! Сулалө-узьө, виччысьө тулыс на бара. Оз и төд сійө, мый нэм помыс нин воөма, узигкөстіныс олөмныс пуяслөн эштас... Локтісны йөз. Вөлаяс, подаяс... Шызис сынөдыс ягын. Чер шыяс калскөны, пилаяс няжгөны... Лозгөны-пөрөны пуяс... өти, мөд... уна нин водіс... Оз нин аддзывны пожөмьяс тавося тулыс.

Воан. Вөвтө кежөдан туй бөкө. Ачыд лямпаасян да мөдөдчан видласьны, бурджык вөр корсьны. Ветлөдлан пуысь пуө, шывкьялан лямпаөн. Видзөдан — тыдалө мичакөдь пу: веськыд, шыльыд. Матыстчан, лөсыштан кырсьсө судзмөн выяысь. Сэсся клөнөбтан-вартан чер тышнад, төдмалан — абу-ө тшака. Ёнтас кө чер пуыд китө, сійө бур, да и шыыс висьталас. Сывйыштан пу дінсө, төдмалан кызтасө. Видзөдлан пучер пөлөн вывлань, кутшөмджык веськыдсьыс. Шөгмө. Сэсся пу гөгөрыс лымсө таялан-юждан, мед зумыдджык кок улад керасьны. Водзын тшупан өтар бөксө, кодарө колө пөрөдны. Сизьдан-кералан кын пүтө. Чаг пельөм сідзи и сявкиө гөгөрыд. Кынмөмыд

бырö: суликöдз пöсялан. Шыблалан кепысьтö, шапка-
тö. Сидзи öтарсянь кералан путö сьöмöс шöрöдзыс,
сэссия мöдарсяньыс, муртса вылітіджык. Сир дукöн öв-
тыштас нырад. Коркö сэссия и орны кутас пуыд,— воча
вöзьöм¹ матысмыны.

...Ратшкыяс öтчыд дай мöдысь. Шковкылö-чегö
орöдтöм сьöмöслөн сöныс. Сыркмуно став тушанас
пуыд вуж бердсяньыс да туганöдзыс. Мöдöдчас ньöж-
йöникөн нёрны. Сэссия вочасөн öддзас да öддзас... Зэв
ыджыд шытöлөн, шувгигтыр, вөр пуяс пöвстти лозгы-
сяс-пөрö. Пöригмозыс гырысь пуяслысь увьяссö поду-
лöдзыс сяркöдас-увьяс, посниджык пуясöс ас улас
кажйöдлас-чегъялас... Сэссия тай кызд пурскыяс лым
пиö, жмуткыяс-усьö. Тшын-бус кыпöдас гөгöрыс,—
син ни пель — пурга дырйи моз. Кос увьяс зэв вылö
качасны; ылö шыблалас резювьяс, лысьяс. Ачыс зэв
пыдö лым пиас зутшкыяс, бердö. Шеввидзан кольö
лым пиын, сöмын увья туганыс тыдалö. Лым бус дыр
на оз пуксьы, сулалас весьтас. Бөрвывтйыс йöлöга, чард
гым моз, шкув-шков разалö вөр пасьта (ас йывсьыс
юёртор сетас). Тöвруөн öвтыштöмысь пуяс дыр докъя-
яласны-копрасясны. (Кодсюрö нора дзуртыштлас.
Ыджыд шемöс гөгöрыс лолö).

Керыштан сыв кузя шадз. Пучер вывтйыс мунан
мурталігтырйи. Пасьян да орöдан йывсö. Кыдз зорйөн
бертыштан öтарö кертö. Пуктан доддьö. Öдöбтöмөн
сьökыда петкöдас вöлыд толаысь туй вылö. Лолыш-
тан. Көртавлан бурджыка гезйөн. Сöлан кер вылö да
мöдöдчан вөр туй кузя. Пукалан бур сьöлөмөн кер
вылын, шойччан. Сынöдсянь усьыштö пакта. Додь
улын дзурыд. Гораа брунöдчö, троньöдчö кер. Кывзы-
ны кутан да, дзик быттьö сьылö: кодыркö зэв вылö
лэптылас тонсö, кодыркö лэдзлас медулі октава басö-
дзыс — ммррр. Бувгö, муракылö зэв сэтшöм улиса-не-
быда... Мукöд дырйи зэв вылö — тронькылö катöдлас
тенор... Сэтшöм лöсьыда, нораа быд ворсан ногыс кер
пытшкын кылö, быттьö сигудök дзуртыштö-ворсö...
Пукалан кер вылын да кывзан вугралігтырйи сылысь
музыка шысö.

1921

¹ Вöзьöм — черөн накöсö кералöминыс.

КЕР КЫЛОДОМ

Кузь төвбыд пөрөдасны сортовка вөр да кыскаласны юяс дорө... Ок, сьөкыд удж кер дорын уджалом! Пуыд кын, биа из кодь чорыд; сизьдан, сизьдан-кералан чер дорыд жугласьмөн... Лымыйд джуджыд!— «Пуурс...»— вөян вөвнад и додьнад морт судта лымьяд... Абу кок-ныңыд и кылөдигад. Унаысь ва пиад тюльскысьны-вөйлыны сюрлө кер йөткигөн тулысын, ю йылысь коллялігөн. Вөр юяс посныдөсь, чукыльөсь-көджөсь, лөптаөсь, изьяөсь, визувөсь... Сьөкыдсө төдлан, но тшөтш жө и гажьяссө аддзылан, көні уджыс сьөлөмысь артельөн мунө, көні өта-мөд вылө видзөдөмөн сьөлөмыд босьтчө, кыпыда олө.

...Шкоргө-бузгө, изыйсь изйө чеччалө косьтъяс вывті Эжва. Быгзьө-шутьө тагья ырөш моз ваыс. Мельнича пруд ва моз бузгө, оз лөньлы... Керьяс ю тырнас кывтөны, клөнөдчигтыр: тьувгысьөны, тасасьлөны вомөнөн, сувтлөны сувтса, чегьясьөны, зырсьөны — берегас кайөны.

Дөлөдө-нуө кык-куим керья йитыштөм пурьяос водзвылас... Кузь зібьяс, багырьяс тэрыба вөрөны киясын. Эн вуграв! Видзөд тэ водзвылад, видзөд тэ бөрвылад, кок улад, бокад... юр вылад, абу-ө нөра пу ва весьтас нөрөма, сйө и виччысь — шапкатө юрсьыд нөбалас-нуас.

Тырлас дзикөдз вөр юыд керьяснас: кывтыдджык косьмылас дзикөдз, сьялгыны кутас ичөтик шор моз. Сувтас став керйыс, оз мун. Мездөмыд кер йөткысьяс-лөн, зорьясьөмыд ва пиад сэк!.. Сэссия тай коркө чукөрмас ваыд да — ы-ы-з-з... — письтө, йөткыштас помнас ставнас. Керьяс ызөбтасны чукөрөн тойласигтырйи, клун-клон гольөдчигтырйи... Бөрсяныс бара жө зорьяөсь, багыраөсь, лөктөны подөн кер йөткысьяс: тойлалөны дорсьыс жуйгөдчөм керьяссө, туплялөны берегысь косө кольөмьяссө. Дорьясыс нильөг, нййт... вильскөбтан кер бөрсяыс ваөдз... Мукөдлатыс лым сөнікөд собны коскөдзыд лөб, ёльяс да шорьяс вомөн өтторья вуджавны лөб...

Збойджыка водзөсө мөдөдчө Эжва. Шорьяс да ёльяс вочасөн пыр содтыштөны сылы васө. Керьясыд миян прөстджыка кутісны кывтны. Позьө и миянлы лыштны тшөтш. Пуксьыштылыны регыдик кежлө. Косіныс өнөдзсө миян сөмын муртса кок пыдөс улын вөлі — кык орчча кер. Позьө өні ещө кер-мөд өтлаав-

ны сы бердө, пуксыны да ас гөгөр видзөдлыштны...

Со кутшом ва дорыс ю пөлөн гажа! (Ылөсө эськө оз и уна тыдав да, сэн на миянлы видзөдмөн эм.) Ичөтик ютө кыкнанладорсянныс дзескөдөмаось зөм слудаяс, оз лэдзны ылысьсө аддзыны. Джуджыд сёртас пыдөсті лоө котөртны-визувтны Эжвалы, ёна мырсыны-песласьны ваыслы.

Пурнымос миянлысь сувтлытөг дөлөдө-нуө, ва дорыс син водзад вежласьө өдйө. Кывтан-кывтан да, мукөд дырйи водзвывсьыд друг ю визьыс вошө: ю сёртасыс зутшасьө паныда зөм слудаө, люкыштны көсьө. Эн пов,— ваыд өд пискөс! Зөмысь бергөдчө Эжва, шыбитчө мөдарө, веськыд пельөсөн чегө, чань моз гөнитө садьтөгыс скач... Пикө волө; кытчө и воштысьны: песьсьө, бызгө-пөсялө косьт вывті гөнитіг... Чагторйөс моз нуас, шердйыштас пурьясөс, он удит лапнитны синтө. Косьт бөрвылө коли, лэчкысь моз мыні Эжва. Рөдйөн, вөляысь, котөртө водзө веськыдджык нырөн. Вомын. Бара жө кык слуда кост, туннель кодь векныдик, кузь...

Бөр пуыс васяньыс слуда йылөдзыс кыпөдчө тшем. Улынджык — коз пуяс, нбөв йыла нывьяс, лайковын — еджыдөсь кызьяс; вылынджык — пожөмьяс сисьяс моз сярвидзөны; юрйылас — нияяс ёнөсь, шевгөдөм сыв бордья сулалөны.

Сэні выліас төла, шувгө вөрыс, кылө. Тані уліас лөнь, юрси оз вөрзья. Сэні — югыд, шондіа. Тані рөмыд, унджыкысьсө шондіыс оз инмывлы, оз кө нин веськав ю кузьмөс ногыс. Кытсюрө буждыштөма слуда бокшасыс,— из плешсө мыччөма еджыдөс, вевсьөн-вевсьөн изьяссө быттө морт киөн лөсьыда тэчөма...

Паныдасьласны миянлы пыжаяс, ва паныд катөны, сувтсөн зібьясьөны, көрт пома пельсөн зяткөны изья ю пыдөссө...

Воласны ю пөлөн посныдик вөралан-кыйсян керкаяс, кок йылын жытникьяс, тшамьяяс,— джуджыд нияяс улын сулалөны быттө шег дозьяс. Дженыдик тывьяс да көвтымьяс ва дорын өшала йылын; векныдик, сир кодь ёсь ныра пыжьяс кымынбөн куйлөны сэн жө; гымгаяс, ез радьяс, азьласьяс, пельсьяс, зібьяс — керка гөгөрыс сувтөдлөма тыр. Көнсюрө зорөдьяс да кер лэдзан додьяс...

Төдчө, кутшом уджьяс тані мунөны, керөны йөзыс: вөралөм-кыйсьөмыс, черисө кыйөмыс, керсө лэдзөмыс, турунсө пуктөмыс... Ставсө лоө уджавны-керны. Сө-

мын муяс оз на тыдавын некөн, нянь уджалом оз на тодчы. Кытсюрө сөмын югөртөр усьышто пуяс костті — слудаяс йылын коркө тылаон уджавлом эрдторьяс.

Водзө жө кывтламой. Эжва ю вочасон содтысьо и содтысьо, отарө паськало-ыдждө. Локтоны Эжвалы отсөгьяс, сэтшөм жө ичотик вөр юяс: оти, мод... Кыккуимнад тай коть коді да пырджык жө ёнось, унанад кө, мый нин и шуан. Йитчоны отвылысь визувтны юяс, йитчоны и керьясыд миян отлао. Ылыстчоны слудаяс ю дорысь. Эжва уйт паськало и паськало вочасон. Топыдджыка, керьясой, йитчой, медым онө разалой полойасо да курьяасо, онө колялой лоньтасьясо да туйсьыныд вошой!

Коркө сесся лоньтасын отвийо воисны керьяс: йитчалісны плитао-плитао; плитаяс бара жө ас коддьом плитаяскөд ромшитчисны-көртасисны. Көрталісны кикөскө керьяслысь, лоины рамось.

Паськыд ва выло петісны. Эновтісны вадор дор мортьяс,— чечышталісны-сөлісны пур выло. Вөсньыдик зібьяс гольгысисны, лигыш усини пур выло — эбөстөм лоины, куйлоны. Найос вежисны,— тасасисны-бордьясисны отмөдар боксяныс пурьяс гырысь бордьясон. «Б-б-у-у-рс... б-б-у-у-рс...» — буткөны-шенасьоны, сьокыда сынөны паськыд лопта, кузь иддза пельсыяс-гребьяс... Шывгөны-кывтөны звөйкйон ю кузя пурьяс тыдалан выйын ота-мөдсяныс. Тшыналөны бипурьяс чом дорын, пур вылын.

1921

ВӨР-ПУЛЫ СЫЛАНКЫВ

(«Вөр-пу» книгаысь кывъяс)

Тыр морөсон долаліс вөр. Шувгис-сьыліс вына, кыпыд сыланкыв... Тулыс, гожом и ар. (Төвьясын пу выло кыза ошйивліс тукта.) Вермасис төвкөд, лымкөд, зэркөд... И бара — гожом и төв. И сідзи уна-уна пөв.

Вөр-пу пөвстті, гора храмын моз, котраліс зверь. Жбырьяліс-лэбаліс пөтка. Тургывліс тулысын шонді петігөн тар. Нораа-сөдза чипсасьліс сьола. Пуысь-пуо, увйысь-увйо пелька чеччавліс ур...

Ичөтик, муртса тӧдчана, рудіник тусьсянь чужис да быдмис великан пу. Вобсь воӧ, вочасӧн, тэрмасьтӧг быд тулыс петліс тутуйыв, кыссис шонділань, нюжаліс вылӧ. Топыда тэчалісны пу слӧйяссӧ пожӧм, ниа, коз... (Кымынысь му шарыс шонді гӧгӧр бергӧдчис, сы мындаысь и пу пытшкӧссӧ тӧдчӧдіс лыд. Ем вомлӧсӧн быд во.)

Вермасис. Ӧтмӧда-мӧдыскӧд вежа-веж котрасисны-ордйисисны тушаӧн пуяс. Унаӧн, быдмигкостыс, дзескыдла косьмисны кок йылас. Но кымын дзескыда сӧвьяммис — сымын топыда сӧнъяссӧ тэчаліс...

Сідзи вӧсньыдик, нэриник ньӧрсянь кызіс и кызіс сывтыръя, веськыд пучеръя колонна-сюръяӧ. Тэрмасьтӧг, быд нель-вит во бӧрын, пожӧм-ӧ-коз кисьтіс-веж-лаліс лыс. Морт дзорман кадӧ-арлыдӧ дзоридзаліс коляоз дзоридзӧн; кисьмис колбын кургов шома вотӧсӧн-тусьӧн, кӧдзис кӧйдыс — выль поколение чужтіс...

Му сетіс вужъяс пыр пуыслы вем. Шонділысь вын-сӧ лысьяснас сынӧдысь куталіс да ас пытшкас тэчис. И чӧжсис запас. Дась.

И шуис сәки природа-мам:

— На тәныд, морт! Босьт! Тайӧ эм мулӧн да шонділӧн тор... Пӧльзуйтчы, куж! Да выльтор таысь тэ чужт!

«Уу-п-п-п...» — пӧри лым пиӧ пу. Пӧді. Эштіс олӧмыс. Помасис сьылӧмыс. Эз! Выль горӧн-шыӧн мӧдас ошкыны-сьывны киподсӧ, сюсьлунсӧ мортлысь — славитны-трубитны труд. Мыйӧн? Кыдзи? Кӧні? Быдлаын! Быдторйӧн! — Сынӧдын, му вылын, керкаын, ва вылын... Ылын и матын.

Сьылӧ казахстанса степын, уна сӧ верст кузя нюжалысь телеграф линия сюръяясын. Сюрс верстъясӧн вольсасьӧ шпальясӧн рельс улӧ, тіралӧ-мургӧ поезд улын — «бы-р-р-р... ррр!»

«Ы-ынь-нь-нь... ыннь...» — кӧнкӧ кымӧр бердас вылын жуныгӧ-лэбӧ аэроплан. А аэропланыс ачыс вӧр вомӧн лэбзьӧ — асьсӧ сьылӧ. Вуджӧ океан... Кытчӧ? Повзьӧдны кодӧскӧ? О-оз. Кусӧдны вӧр. Саранча кымӧр степь весьтысь вины. Киськавыны ыбъяс. Вӧр-пу кӧдзны. Пространствосӧ вермыны — сюрс верста вӧлӧкъяс часьясӧн мунны... Победа! Победа!

Сьылӧ радио аппарат ящикын. Сьылӧ рояль пытшкӧсын, сигудӧк гыркйын... Струнаыс сьылӧ, везйыс.

Пуыс. Сөдз сиа-слөя ныв пуысь, коз пуысь вөчөм йөрышыс-кытшыс...

Пөри... Сатшкис вөр лэдзысь мырйө чер. Тшөтшө-дiс пилаөн йывсө. Кырссис-волис. Кыпөдiс ут вылө. Лои кер. Видзөдлiс вундас пом — конөд, ён: болоньыс муртса пурт тыш вомлөс кызта, сьөмөсыс — шондi чө-лан, дон. Печиктiс помас: «трооннь...» — стальной камертон гор сетiс кер.

И водзө... Брунөдчас-кывтас молльөн-ө кызд Эжва ю кузя... Петас. Двина ю двинитас водзө. Кардорын лебөдка (абу беда) гуркнитас коскөдыс керсө лесовоз трюмө... Оз вош! Бөр локтас мянө, социализм странаө кутшөмкө коланаторйөн.

Мукөдыс көрт туй вылө веськөдчас-сөлас да разалө став Союз пасьтала. Кытчө оз ин, мыйыс оз вөчсы пуысь? Быдторйыс! Сувтө мича выль стрөйбаөн-керкаөн степьясө, лыаа пустыняө, вөр-путөм көдзыд тундраө. Видзө мортөс көдзыдысь, вывти жар сотөмысь, бусысь, төлысь. Кокни да кивевйөс пуа көлуй вөдитны — позьө шыбитны-нуны ылө дась тшупөм-вөчөм (стандартной) керкаясөн лун-мөдөн. Мунө — тьөсь-ясөн, брусьясөн, тасьясөн, бөчкаөн, ящикөн, быдсяма дозмукнас; дась вөчөм мебельөн, быдсяма сикаса көлуйнас...

Муртса кежся пипу кельыд истөг тувсянь да мрамор чорыд ниа сваясөн пыдө мөрччалө уна вояс кежлө муө, ва улө...

Сидз мунө-индө пулөн чигйыс, кодi сетчө вөчны черөн, пуртөн, өжынөн, пилаөн, стружөн: топыд, тувкыд, лөшкыд, лялег, нюдз, ратш — кутшөм сорт кытчө туйө, колө.

Тэськөдөмөн пуысь виялө, петөны быдсяма маслөяс, мазьяс, спирт, сир, дьөгөдь, канифоль, скипидар, вар... Артмө бумага, шөвк, майтөг...

Сийө жө пу пөртсьө, уна ногөн чорзьөдсьө көрт кодьөдз, из кодьөдз воөдсьө ёнлуннас; сисьмөмысь кислотаясөн йиджтөны, уль ру босьтөмысь — би кутчысьтөмөдз (сотчытөмөдз) воштөны.

Но көни ещө абу пу? Көрт туйын? Нимыс нин көрт сылөн. Но дзоньнас-ө көрт? Мыйта сәни көртыс? Мыйта пуыс? Джынвийө, унджыкыс пу! Шпальясыс вомлала вольсассьө быд весьт кост бөрын. (Оти километр вылас, лыддыны кө, кымын шпал, кымын кубометр вөр.) Вагоньясыс пуысь жө. Пытшкөсас — вөжөсьяс, пуклөсьяс, пызаньяс.

Көрт туй пөлөныс телеграф сюръяяс лыдтөм, стөрөж будкаяс, станция керкаяс, складъяс, мукөдтор. Мудөд пөлөныс өтмөдар дорөдыс лым толаөн тыртөмысь тшөкыд коз понөля сад.

Чайтан нин, мый абу сынөдын сөмын. Эм! «Брынь... жриннь»— сьылө, ылө кылө. Коді сьылө? Уна пөвстөн-вежөн пуысь вөчөм пропеллер жбырганис аэропланлөн. Сьылө уджалысь мортлысь победасө, уджъяс вылын вермөмъяссө... Вөр лэдзысьөй! Тайө тэнсьыд тшөтш уджтө-мырктө ошкө-сьылө. Кыйсьысьөй! Он чайт, мый и тэнад эм сэтөні пай? Ур, ичөтик зверь, кодөс быдтис вөр-пу пөвстын парма да корсин, кыйин тэ, пасьтөдө кокни шоныд кунас вылыс көдзыд сынөдын герой-пилотөс...

Лыдтөм, помтөм пулөн, вөрлөн коланлуныс, вөчны артманторйыс!

Важөн, кодыр ёна на улын вөлі техника, и морт эз кужлы вөчны пуысь нинөм, пескөн ломтөм кындзи да аслыс юр сюяннн вөчөм кындзи,— сәки мисьтөм, донтөм вөлі ним: «пу добра», «пуа көлуй», «черөн вөчөм», «деревяной», «лапотной», шуны кө рочөн. Сидз улө вөлі донъялөны пу. Да и революцияөдз царскөй Россия эз зэв унатор кужлы вөчны да сетны уджалысь йөзлы бурджыктор, революционеръясөс өшлан рель сюръяяс сувтөдалөм кындзи да тюрьма гөгөр ёсь йыла сюръяа крепостьысь өдтор. А сиктъясө, голь крестьяналы — сямөд мыссян доз да пу бипөш вор...

Важөн пу да көрт вөліны спорынөсь, венын. Мый омөль — сийө и пу вылө сөлө, пышйө сы вылө кыв: «көть пө эз вөв». Мый бур, сийө, значит, көрт. Дерт, омөль, гөрийд кө пуысь, нырыс оз мөрччы. «Мед пө дзоньнасөн гөрийд вөлі көртысь!»— вөлі крестьянинлөн вөйдөр мечта. Да сидзи и эм өні сийө. Төдөмысь, омөль олөмыд куш пуа көлуй кежсьыд, некутшөм көрта көлуй кө абу.

Но мустөм и көрт, кодыр сийө капитализмлы служба вылын, капитализм системаа олөмын — пушкаяс, танкъяс, бронепоездъяс, гильотинаяс... И пу мустөм сәки, кодыр сы могысь жө служитө вөлі царскөй Россияын — рельө өшлань сюръяяс, нинкөмөн воюйтөм, война поле вылын пожөм пу крестьяс...

Бур көртыд мирной удж вылын: ыб вылын-ө, нюр вылын-ө, вөрын-ө, кодыр сийө уджалө удж, кокньөдө мортлысь труд: комбайнъяс, экскаваторъяс, тракторъяс, плугъяс, черъяс...

Бур көртыд миян страналысь дорйысян вынсö ён-мөдöмын. Миян страналысь — уджалысь йöз страна-лысь, социализм страналысь. Бур Гөрд Армиялы, миян Гөрд Армиялы.

Пу и көрт — кыкнаныс миян служитöны социа-лизмлы, некорсö вöвлытöм выль олөм му вылын тэ-чөмлы — удж кокньöдөмлы, мортöс мортөн пыдди пук-төмлы, судзяна да культурной долыд олөм дорөмлы, да медым пö мирас вöлі тыр мир...

Тыр морөсөн лолаліс вөр... Шувгис-сьыліс кыпыд сьыланкыв. Сьыліс, корис ас дінас, вөзйысис мортлы культурной, бырлытөма асьсө используйтны кужны.

И быд вөчөмторйын, быд артмөм коланторйын кы-ліс ошкана кыв уджалысь морт йылысь — сылөн сюсь-лун йылысь, мывкыдлун йылысь.

КОМИ ЗБОЙЛУН

Гажаджык, вокъясöй, олöй.
Шогсьыны, бöрдны оз ков.
Кулöмысь, смертысь эн полöй:
Некор оз кув миян лов.

Лов миян кувны оз вермы.
Ловлы оз волывлы пом.
Ловъя морт некön оз йöрмы.
Мортлы он пукты көртовом.

Уна ми аддзылим шогъяс,
Жалитысь некод эз вöв.
Вунöдам сійöс, бур вокъяс,
Шогсö мед новлöдлас төв!

Некор ми шойччөг эг төдлöй,
Корсим ми век кынöмпöt...
Збойджыка, вокъясöй, ветлöй,
Миянöс аддзасны мед!

Кутам ми смелджыка овны,
Миянлы шог — абу шог.
Дугдам ми лёк йöзысь повны —
Лёк вылö асьным ми лёк!

Гажаджык, вокъясöй, олöй,
Кытчöдз вын-эбöс эз быр.
Миянлы гажыс и колö,
Аддзам ми гаж пырысь-пыр!

1913

КОМИ МУ

Коми му кузя ме муна.
Гөгөр сулалö сьöd вөр.
Вöрыс вывті-вывті уна,
Сыысь унаыс оз төр.

Аддза: сәні шыльыд пожом
Вылö лэптö асьыс юр.
Сылы öткодь төв көть гожом,
Сәтшөм пуыс тайö бур.

Сэні быттё пöрысь пöчö
Дзормöм кыпöдчöма коз.
Сійö увъяс костын вöчö
Вöрса пöтка шоныд поз.

Сэні вашкöдчöны гора
Пипу чойкöд еджыд кыз,
Мыйкö сёрнитöны нора,
Корнас шенасьöны сідз.

Сэні сус пу гöгрöс бока,
Сэні пельсь, сэні льöм.
Тані бадьяс вöсни кока
Ва дор пöлөн уна эм.

Вöрыс помтöм. Туйыс кöні?
Зонмö, яг пиас эн вош.
Аддза тані, аддза сэні
Ыджыд тапикасьö ош.

Ветлö кöин, пиньсö йирö,
Корсьö аслыс кынöмпöт.
Наян ручыс гуö пырö,
Бурөн некодлы оз шед.

Кöчыс дзесбсьö лөпъяс сайö,
Видзö ассъыс дона юр.
Одйö-öдйö пуö кайö
Паськыд бöжа ичöt ур.

Дозмөр пувсö зіля сейö,
Гөгөр жуö сьöла, тар.
Тури кокнас нюрсö лойö:
Абу муса сылы ар.

Аддза: пищальöн со муно
Сьöла кыйны коми морт,
Гортса олөм сылөн вунö,
Ылö кольöма нин горт.

Туйтөг öтнас ветлö сійö,
Вöрын нинöмысь оз пов.
Уна вöрса пöтка кыйö,
Уна зверлысь босьтö лов...

Муна водзö, муна ылö,
Оз и помась пемыд вөр.
Көнкө гора сёрни кылö,
Бриньгö пила, клёнгö чер.

Аддза: сортовка кер лэдзö
Том и пöрысь коми йöз,
Мича шпалсö зiля вöчö,
Тэчö юяс дорö пес.

Вöла войтыр сэни жуö,
Трактор муркөдчö лунтыр:
Кыксё керйөн öтпыр нуö
Гора шыён ветлигтыр.

Оз кыв сэни видчöм, мургöм,
Лёкысь горöдлöм оз кыв,
Сöмын уджалысьлөн юргö
Кыпид, гажа сьыланкыв...

Паськыд туй ылö ме пета.
Аддза: вежсис туйлөн сер,
Кöть и важ моз шувгö сэтөн
Кыкнан бокас пемыд вөр!

Бөр и водз пыр ветлö сэни
Уна сё автомобиль,
Вөлөн мунысьясöс венö,
Быд лун локтö ылысь-ыль.

Муна водзö... Тулыс воö.
Лымйыс сылö, киссьö зэр.
Көдзыд йисö шондi сёйö.
Ойдö уналатi вөр.

Ваын сулалöны пуяс.
Ваыс рөмпöштан кодь лөнъ.
Эжва, Сыктыв, коми юяс,
Быттьö паськыд эзысь вөнъ.

Аддза: трактор мусö гөрö.
Коми войтыр көдзö нянь.
Тувсов уджсö быдөн керö.
Жургöм тракторлөн оз ланьт.

Тайо трактор — абу диво,
Абу диво — паськыд йор:
Йозыс оло коллективон,
Лек пу горйон оз нин гор...

Бара водзо, водзо муна.
Гогор сулало съод вор.
Ворыс вывти-вывти уна,
Сыысь унаыс оз тор.

1918

ВОГОГОРСЯ ОЛОМ

1. Тулыс

Заводитис шонди
Товлысь вежны лад,
Яра сотны пондис,
Воис тувсов кад.
Кодзыд лун-вой быри,
Сылис еджыд лым,
Юыс ваон тыри,
Гымало нин гым.
Надзоникон киссьо
Муяс выло зэр.
Сулало да мысьо
Зэрнас пемыд вор.
Нимкодясьо сэтон
Небыд корья кыз.

2. Гожом

Выло шонди кайо,
Еро йозлысь син.
Жарыс сылон вайо
Мулы ыджыд вын.
Быдмо, йывмо йорын
Картупель да лук.
Няныс зэрём борын
Лэптысьома сук.

Мича турун пето,
Веждома видз.
Модлапöлын кыло
Утка, дзодзөг, юсь.
Колипкай нин сыло,
Колипкай оз узь.
Зиля горö, кодзо
Муяссö колхоз.
Трактор выло почö
Дзоргö шензигмоз.
Челядь котыр ворсö,
Котралö лунтыр.
Тувсов гажа горсö
Кылан сәни дыр.

Воччöмаось пуяс,
Паськөм налөн веж.
Ляпкалоны юяс,
Содö лыа бөж.

Видзьяс вылын пуö
Уджыс лун и вой.
Ытшкысь, куртысь жуö,
Вына налөн сой.

Мича турун вөчө
Отувтчөм бур йөз,
Зорөдьясө тэчө —
Пөтөсь вөв да мөс.

Вөрын уна вотөс:
Мырпом, пув да чөд.

3. Ар

Шондi мыйкө дышмис,
Чинтiс ассьыс өд,
Гожся моз оз ышмы,
Ыджыд жар оз сет.

Рудов кымөр чукөр
Панлө ськөд вен.
Шондiлөн гөрд югөр
Вошлывлө нин сэн.

Мукөд дырйи зэрө,
Мукөд дырйи — пуж,
Видзөдлан кө йөрө,
Градьясыд нин куш.

Колхозса бур войтыр
Идралө бур нянь.

4. Төв

Югыд шондi төдө:
Эштiс арся удж.
Зэв нин сёрөн петө,
Ветлө өти сутш.

Лэптысьө и лэччө,
Кусө пырысь-пыр,
Аски дыша чеччө,
Узьө вывти дыр.

Луныс быри, воши.
Помтөм лои вой.
Локтiс еджыд тоша
Көдзыд, би кодь збой.

Дорис юяс, шорьяс,
Вөчис йиа пос,

Шондi найөс сотө,
Кисьмыштасны мед.

Няньыс быдмө, кайө,
Сьөктө сьлөн юр.
Гожөм мортлы вайө
Уна пөлөс бур.

Төждысян кө вөйдөр,
Олөм лоас шань.

Рыныш дорын кылө
Гора вартан шы.
Лэптысьөма вылө
Арся уджлөн гы.

Вартөм бөрын позьө
Кыйны сьөла-ур,
Зверкөд пырны косьө,
Пищальыд кө бур.

Луныс көть и чинө,
Няйтыс көть оз быр,
Жугыльтчыныд нинөм,
Йөртөдыд кө тыр.

Чирсiс пулысь корьяс,
Лои гөгөр кос.

Потшөс пөлөн тола
Пукталө төв ныр.
Шонид сиктса школа
Велөдчысьөн тыр.

Көдзыдысь оз повззы
Ыж ку пася морт.
Керкаын оз овсьы,
Дзескыд сылы горт.

Вөрө сийө мунө
Лэдзны шпал да кер.
Төвся уджыс уна,
Сөмын зiля вөр.

МЕД ДЗИРДАЛАС ШОНДИ

Мед дзирдалас шонди!
Мед югьялас луныс!
Мед дзоридзён тырас
Да нюмъялас му!
Мед шонділань быдён
Пыр восьлалас, мунас!
Мед шондіа туйсö
Оз вевттьыв сьöd ру!
Ми, уджалысь войтыр,
Зэв кыпыда олам.
Ми жугыля некор
Ог öшöдлöй ныр.
Кöть кытчö ми мунам,
Москваö кöть волам,
Збой котырöн повтöг
Ми ветлöдлам пыр.
Ми уджалам зіля
И удж вылын сьылам.
Кор долыда овсьö,
Сэк кызди он сьыв!

Быд карын, быд сиктын,
Быд пельöсын кылö
Том войтырлөн ворсöм
Да збой сьыланкыв.
Лёк врагысь ми видзам
Рöдимöй странаöс.
Сöветскöй быд сьölöм
Отвагаён тыр.
Ми жугöдiм, вöтлiм
Фашистскöй ордаяс.
Европалы вайим
Свобода и мир.
Мед дзирдалас шонди!
Мед югьялас луныс!
Мед дзоридзён тырас
Да нюмъялас му!
Мед шонділань быдён
Пыр восьлалас-мунас!
Мед шондіа туйсö
Оз вевттьыв сьöd ру!

СИМСЬОД КЫМОР МОЗ

Анна тьот сьода-сьод ветлө. Инас оз ошйы. Талун со, рытнас сёрөн, пыраліс гортас сьлөн пиыс, Иваныс. Зэв тэрыб, синьясыс оэйоны. Еджыд полушубока, ружбеа. «Мамө, сэйыштны мыйкө эм абу?»— юалис. Швырк пөрччис паськөмсө, гоз-мөдысь паньыштіс кос тшакысь шыд, өтчыд курччис нянь шөрөмлысь дорсө, тэрмасьомөн бөр пасьтасис, мый вынсьыс зэлөдіс тасмасө.

— Ми, мамө, мунам!

Иванлөн ёртыс тшөтш пыраліс, шынеля да винтовкаа. Уджалө Иванкөд өтлаын военкоматын. Сійө аддзис Анна тьотлысь чуймөм нисьө шөйөвошөм чужөмсө, тапнитіс сылы пельпомас:

— Эн пов, тётя. Ми регыд бөр локтам!

Анна тьот войбыд синсө эз куньлы. Асывнас, пачө би суйөм бөрын, ветліс вала. Юкмөс дорын, ведраясөн клөнөдчигтырйи, Паш Педь Зина — ёсь да быдтор медводз төдлысь нывбаба — висьталіс:

— Сыктивкарысь краснойяс ставныс мунөмаось. Карын некутшөм власть абу кольөма. Ойя жө да ойя!

Анна тьот воча нинөм эз шу. Сійө пи мунөм сертыс төдіс нин краснойясөн кар эновтөм йылысь. Но Паш Педь Зиналөн кывъясыс кырыштісны сьөлөмсө. Сійө эз казьялы, кызди босьтіс пельпом вылас ведра гозья карнансө, эз кыв кок увсьыс лым дзуртөмсө.

Гортас воөм бөрын Анна тьот пачө суйис ичөтик чугунөн ва. Колө пузьөдны васө ид пызя рок вылө. Сійө быд асыв Ивансө, военкоматас удж вылө мунігөн, вердліс ид пызя рокөн. Пиыс радейтліс сёйны роксө рыська йөв сорөн. Ваыс пузис, но тьөтка пызьнас эз сукты. Талун пиыс абу, муніс. «Советскөй власть дорйыны муніс!»— мөвпыштіс Анна тьот, ышловзис. А асылс тьөтка сёянсө эз лөсьөд, вомас сылы өні нинөм оз пыр.

Анна тьот өтнас жөдзис керкаас, места асылс эз аддзы. Колө эськө мунны пывсянө кудель зуавны, но киас уджыс эз пыр. Петавны код ордө кө пукыштны?

Ветліс Семө Ёгор ордө, пыраліс Одөття дінө. Найө ставныс шай-паймунөмаось. «Мый лон? Мыйла краснойяс эновтісны миянөс?»— шогө усьөмөн юасисны. Налөн пойгөмныс ещө нин вөрзьөдіс сьөлөмсө нывбабалысь.

А гортас бөр локтігөн Анна тьотлы паныдасис Йигё Степан гөтыр. Вөччөма, платтьө бөж дорсө ки пөвнас лэптыштөма, көть эськө туйыс и абу няйт. Вашъялөмөн видзөдліс Анна тьот вылө, сэсса векыштчис да пинь пырыс сөдзөдіс: «Комиссаравсис!» Йигё Степанлысь петкөдісны амбарсьыс лишной няньсө сизим додь тыр, чукиён тэчөмөн. Да кымын додь ещө сюри рыныш йорсьыс, гуө дзөбөминысь. Анна тьотлөн Иваныс вөлі голь крестьяналөн комитетса членөн. Дерт, сэсса өні Йигё Степан гөтыр тшетшьялас. Налы бара вөля пуксьө. Анна тьот букыштчыліс Йигё Степан гөтыр вылө, воча нинөм эз шу.

Өні сэсса Анна тьот гортсьыс некытчө оз мун. Отнас нин кызкө пыкас сьөлөмас шогсө. Мам думайтө пиян йывсьыс. Сылөн медыджыд пиыс, Василейыс, важ война вылысь эз удит волены. Өні Красной Армияын, гижө — пулемётчикала пө, воюйта пө Колчаклы паныд. Эм ещө коймөд пи — Гриша. Сийө бокин жө. Эжва кывтыдса өти сиктын школаын велөдө. Сийө коммунист. Пышйис эз бара сийө белөйясысь? «Дерт, мунис. Эз жө кольчы. Сийө миян сюсь детинка», — такөдө асьсө мам.

Сыктыварө еджыдьяс воисны аскинас, лун шөр гөгөрын. Пургыль кодьось кыссьоны — кок улөдзыс паясь, винтовкааось, сьорсьыныс тшөтш вайисны пулеметьяс. Анна тьот эз өтчид кивлы, мый белөйяслөн паськөмныс, да и став оружиеныс английскөй да американскөй. Да и асьныс асьнысө найө, роч да коми буржуйяскөд тшөтш, вузалөмаось англяяса да америкаса буржуйяслы.

Полөны-локтоны еджыдьяс. Гоннялөны өтарө-мөдарө, оз-ө кодкө кытисянькө уськөдчы на вылө. Шензьоны: грезд кузя вель уна нин мунисны, а некөн ловья морт оз тыдав.

— Ставныс өмөй пышйөмаось? Весиг өд керка өшиньясын некод оз вуджөрт, — шензисны еджыд салдатьяс.

Воисны Тентюковө. Паныдасис пөрысь тьотка — карсянь гортас кыссьө. Вильышмисны.

— Эн повззы, тьөтушка.

— Ог, ог, дитяяс. Мыйысь нө повзя?

Резыштисны автоматысь.

Тьөтушка ляскысис места вылас.

— Повзин да! — серөктисны ставныс.

— Эг, эг... Эг, дитяяс, — повзбөмысла пиньясыс таркакылісны лым пиын пукалысь тьоткалөн.

Анна тьот буретш вöлі сараяс: кöсийс сёодны мөсь-
яссö. Сійö кыліс лыйöмсö да тэрыба пырис керкаас,
мыйлакө кватитіс шкапсьыс вылыс джаджсьыс кымын-
кө кызь шайта керенка, сүйис питшөгас, уськөдчис
пышйыны гортсьыс. Но пышйом пыдди веськаліс пач-
чöрас.

— Воисны!— гораа шуис нывбаба. Сьөлöмыс кын-
мис: сійö пыр на надейтчис — белöйяс оз воны, оз
лысьтны локны.

Карö белöйяс пыригөн собор вичкоын кутіс бувгыны
жыннян, быттö ыджыд лун воис. Каланча вылын кып-
тіс еджыд флаг. Туй кузя вöv вылын төвзис пöжарнöй.
Киас сылөн еджыд флаг жö.

Аслас керка öградаысь быйкнитіс важ купеч гöтыр.

— Кростос воскресе!— суседкаыслы чиктылігтырйи
шуис сійö.

— Воистину воскресе!— пернапасасис мöдыс, да
окасисны.

Рытнас Степан вичкоын важ купечьяс да кулакьяс
служитісны большевикьясысь мездмөм кузя молебен.

Гажтөм лун бöрын Анна тьотлы пуксис шуштөм
вой. Сійö эз и биасьлы рытнас, водза-водз водіс. Ун эз
лок. Бергаліс вольпась вылын. Шы ни төв. Сöмын тө-
рöканьяс кышакылісны гөбöча-пача костас.

Анна тьот думайтіс челядь йывсьыс, ас йывсьыс.
Бара со сылы воис шуштөм да сьöкыд кад.

«Мыйла белöйяссö лэдзисны локны? Од натөг олö-
мыс лад вылө нян вöлі пуксьö. Мыйла?»— юасис ас-
сьыс Анна тьот, но некутшөм воча кыв эз сяммы ад-
дзыны.

Нывбаба сöмын öтитор зэв бура тöдіс: белöйяс лок-
тісны татчö бөр важ власть лөсьöдны. Степан Латкин,
карса купеч пи, вайöдіс кырныш чукöрсö, мед бөр сет-
ны вöля купечьяслы да кулакьяслы, сир курыд олөм
бергöдны гöльяслы.

А сэтшөм олөмтö тöдліс нин Анна тьот, ас вывтіыс
сійöс вуджöдліс.

Эз кöсий Анна тьот бөр важ сьöкыд олөмас бергöд-
чыны. Öти чалькоста нянь сёрөм дінö. Во гөгөр чөжөн
нель морта семьялы рынышөн-джынийөн ид да öти ры-
ныш сю вартөмö. А öні, Сöветьяс дырйи, кулакьяслысь
муяс юклөм бöрын, Анна тьотка вартіс сизим рыныш.
Гумла вылад сёрөмьяс вылө видзöдлан да, нимкодь лөö
сьөлөм вылад. Да и турун содіс, öти мөслы пыдди тыр-
мас тшöтш тавосьянь лөсьöдөм ялавичлы да душ-мөд

ыжлы. Омольджыка нин колө вөлі идзас көтөдан чугуннад дзенөдчыны. Таво арнас, неуна лым усъыштөм бөрын, карта вывсъыс петкөдісны куйөдсө кулаклысь сетөм му вылө. Оні сійө бөр вошө. Да тайө өмөй сөмын! Бара мун озыръяслы копрасьны, донтөм донысь уджавны, найө йөртөдө чукөртны нянь, а аслад семьяөн бара тшыг пыкны. Татшөм думъяссыс зэв сьөкыд лои Анна тьөтлы.

Эз вермы сэсса сійө куйлыны гөбөч вылын. Надзөникөн лэччис да пуксис лабичас. Көсйис биасьны. А мыйла? Откодь нин, биась көть эн, сьөлөмтө топөдө.

Кодкө, кылө, кильчө өдзөсас кутіс таркөдчыны. Таркөдчис гораа да тэрмасьөмөн. Анна тьөт тіралан киясөн кышаліс сарапансө, көмтөгыс петіс посводзас.

— Код крещенөй?— юалис.

— Восьтыв, Анна! Ас йөз.

Гөлөсыс Көбөль Оньөлөн, татчөс мортлөн. Анна тьөтлы тайө гөлөсыс сьөлөмас паркис. Сійө кывліс: Көбөль Оньө белөйяс локтөдз на нимтөма асьсө милицияса начальникөн, тшынйысьө, корсьысьө да пуксьөдалө тюрмаө коммунистъясөс, гөль крестьянаөс — быдөнөс, коді мыйөнкө петкөдліс асьсө Советскөй власть дор суалысьөн.

«Бур кузя сійө миянө оз лок вой шөра войын»,— югнитіс вежөрас Анна тьөтлөн. А восьтыны быть восьты. Жугөдчасны жө өд. Нывбаба восьтіс кильчө өдзөсө, котөрөн пырис керкаас, өзтіс лампа. Сы бөрся пырисны Көбөль Оньө да куим понятөй.

— Көні тэнад большевикыд?.. Иваныд?— порог воmöныс воськовтігмоз стрөга юалис Көбөль Оньө.

— Иванөй муніс, Ондрей Петрөвич,— небыда шыасис Анна тьөт.

— О, пышйис!.. Повзис!

— Мыйла пышйис? Эз. Сійө муніс...

— Большевикавны!— торкис Көбөль Оньө.— Пасьтась ачыд!

— Кытчө?

— Пукалыштан.

— Нинөмысь менө пуксьөднысө.

— Эм мыйысь! Видлан көрсө тюрмалысь. Печ челядьтө быдтөмысь!

— Мыйөн пөжось менам челядьөй!— пузис мам.— Некод менсьым челядьөс эз омөльтлы. Тэ кындзи!

Ас науканас асьсө милицияса начальникөн пуктысь кутіс видчыны, быд ногыс сакны Анна тьөткаөс. Поня-

тöйяс катласьыштiсны кокъяс выланьыс, сэсся петiсны.

Кöбöль Öньö лөгпырысь видзöдiс сы водзын сулалысь пöрысь нывбаба вылö, мисьтöм кывъясöн ёрчыштiс.

— Менам керкаын эн ёрчы, Öндрей Петрöвич! Мун, кытысь локтiн!— збоймис Анна тьöt.

Видчöмön да грöзитчöмön, мый мырдön нуасны тьötкаос, пуксьöдасны решетка сайö,— Кöбöль Öньö мунiс. Анна тьöt петiс посводзас да гольснитöмön игналис кильчö öдзöссö.

Öнi нывбаба нинöмысь эз пов. Эз шогсьы ни. Сiйö кутiс думайтны аслас пиян йылысь, сиис налы шуд. Сiйö тöдiс, кöнi сылön Василейыс да Иваныс. А кöнi Гриша?

Аскинас Анна тьöt петалис Арсьö Öдötтя дiнö, корис сёодны скötсö да лысьтыштны мöссö. Тубыртiс чышъян пиö чорзьöм кык ид нянь, лун шөр бöрын кöсийс лэччыны Эжва кывтыд Гриша дiнö. Но лэччыны эз ковмы. Ям коллысьяс вайисны Гриша йылысь шог юөр.

Гриша краснöйяскöд мунны эз удит. Найö, куимнель морт, кöсийсны мунны войнас. И сiйö лöсьöдчö нин вöли петны гортсьыс, медым ёртъясыскöд пышйыны вөр пыр Визинлань. Но друг пырисны куим белогвардеец. На пивысь öти — зарни погонъяса офицер.

— Танi учитель олö?

— Ме и эм,— шыасис Гриша.

— Тэ и эм?

Офицер шензьöмön видзöдлис Гриша вылö. Татшöм шеньöб кодь морт! А норасьöны сы вылö — зэв пö збой да ёсь, озыръясöс пö топöдö.

— Ветлам мянкöд, сёрнитыштам, кызди тэ большевикалин,— шуис офицер.

Микайлö дядь, код ордын олис Гриша, кутiс дорйыны сiйöс:

— Миян учительным зэв прамöй морт. Миянös, голь йöзтö, оз топöд, велöдö овны.

Тöдтöгыд шуис офицерös тöварышön.

— Кутшöм ме тэныд «тöварыш»?— скöрмис офицер.

Босьтiсны еджыдъяс тшötш и Микайлö дядьös. Семьяыс бöрдан коли.

Вайöдiсны найös вичко дор керкаяс бердö. Кулисны

вывсыны паскӱмнысӱ, улыс дӱрӱм-гач кежыс йӱршитисны кӱдзыд амбарӱ, игналисны.

Микайлӱ дядь эз гӱгӱрво, мый сыкӱд вӱчӱны. Сӱмын ӱтарӱ юасис:

— Мыйыс нӱ, мыйыс... тӱварышьяс?

Гриша чӱв олӱс. Пиньяссӱ курчӱма, зумыштчӱма. Еджыдьяс вылӱ лӱкалис, асыс видӱс: «Босьт да тадзи сетчы. Коммунист ещӱ ачым! Тышкасьтӱг сетчи».

Кӱдзыд. Микайлӱ дядь пукалыштӱс да ымзӱгтыр кутис гӱгравны амбар стеньяс пӱлӱн. Гриша кияссӱ шонтис-пӱлялис. Этша на кадыс коли, а кӱдзыдысла тушасыс гегдис, ки-кокыс дугдисны кывзысьны. Котравны, чеччавны эськӱ, мед он кынмы, да он вермы. Унмовсьны эськӱ, но оз лок унмыд.

— Тырмас нин... Кувны кути... Енмогыс, шонтӱй!— кевмысис Микайлӱ дядь.

...Дзонь куим час найӱс ӱтпӱлӱсӱн видзисны кӱдзыд амбарын. Сэссия локтисны салдатьяс да, кын чуркаясӱс моз, нуисны.

Шоньд керкаын найӱ сылисны. Шоналыштӱм бӱрын Гриша ырскӱбтис-чеччис джоджсьыс, видзӱдлис ӱшиньӱд, аддзис ӱшинь улын вуджрасьыс салдатӱс, бӱр пуксис джоджӱ. Бара дӱзмис ас вылас: «Босьт да сетчы тадзи белӱйясы!»

— Пышйыны, кӱть мед мый, пышйыны!— аслыс шуалис Гриша.— Уськӱдчыны салдат вылӱ, мырддыны винтовкасӱ...

Гриша чеччис да матыстчис ӱшинь дорӱ, бара аддзис ӱшинь улыс салдатӱс, мунис мӱдар стен бокас, кималасӱн корсис ӱдзӱссӱ, зӱв ӱдий гурйив восьтис, кӱсийс котӱртны...

— Пӱдлав!— штыксӱ чургӱдис салдат.

Тайӱ горӱдӱмсьыс Микайлӱ дядь чермунис да гудыр синьяснас видзӱдлис ӱтарӱ-мӱдарӱ, быттьӱ мыйкӱ корсис.

— Гашкӱ, миянӱс... лыйласны?!— повзӱмӱн вашнитис Микайлӱ дядь.

Гришалӱн тайӱ кывьяссьыс ӱвкнитис сьӱлӱмыс, но зӱлис такӱдны:

— Тӱнӱ бӱр лӱдзасны, Микайлӱ дядь. Тӱнӱ нинӱмыс. А ме... Ме ог сетчы!

ӱшиньясын кутис тӱдчыны лӱз югид. Пырисны жырйӱ офицер да салдат. Микайлӱ дядьлы да Гришалы тшӱктисны петны. Гриша петис ас кокнас. Микайлӱ дядьӱс петкӱдисны сойбордйӱдыс.

Пуксьодісны вѡв доддѡ.

— Кытчѡ мянѡс, тѡварышъяс, нуанныд? Лэдзѡй гортѡ,— кевмысис Микайлѡ дядь.

— Гуляйтыштам мянкѡд,— серѡктіс офицер.

Кѡдзыдысла додь улын дзуртис лымйис. Петісны сиктысь. Дзикѡдз югдіс. Кыптис тѡв, заводитісны шувгыны пуяс. Мир туй кузя мѡдѡдчисны Эжва вылѡ.

Офицер эз лэдз сѡрнитны. Да кѡть и лэдзис, мый йылысь сѡрнитнысѡ!

— Ноко, сувтышты татчѡ,— вѡв вѡтлысь салдатлы шуис офицер.

Повзис Микайлѡ дядь. Сійѡ тѡдѡ, тані йи вылын юкмѡс, кѡні юкталѡны скѡтѡс, нывбабаяс кѡлуй пожъялѡны.

Салдат кватитіс старикѡс шошаѡдыс, кыскис да тойыштіс юкмѡсѡ. Гришалѡн синъясыс гѡгрѡсмисны. Микайлѡ дядь йи доръясас кутчысис, зілис кайны. Офицер чужйис сылы юрас.

— Кытчѡ кавшасян!

Микайлѡ дядь воши йи улѡ.

Салдатъяс кватитісны Гришаѡс. Сійѡ тракнитчис, ѡти салдатлысь нетшыштіс винтовкасѡ, веськѡдіс офицер вылѡ:

— Зверьяс!.. Со кызди коммунистьяс кулѡ...

Эз удит Гриша помавны кывъяссѡ: наганись кык пуля розьѡдісны сылысь морѡссѡ. Том морт, пѡрѡдѡм кызд моз, сунгысис лымйѡ. Восьса синъясас ѡзйис палачьяс вылѡ лѡглун.

Чуймѡм вѡв чошкѡдіс пельяссѡ, гѡрѡктис.

Гришалысь шойсѡ салдатъяс шыбитісны юкмѡсѡ. Сѡмын гѡрд визь коли йи вылѡ.

Анна тѡт кывліс Гришаѡс виѡм йылысь. Но сійѡ эз бѡрддзы. Шогсѡ да синвасѡ пѡдтіс став морѡс пиас кыптѡм ыджыд лѡглун.

Нывбаба муніс белѡйяс начальство дінѡ. Муніс эз сы могысь, медым юасьны, мыйла виисны Гришаѡс, а сы могысь, медым висьтавны, мый сылѡн пиыс, Гришаыс, йѡз водзын нинѡмѡн абу мыжа.

Кар шѡрын, кык судта обшивайтѡм керка пельѡсын, Анна тѡт аддзис куим рѡма флаг. Ошаліс, кузя нюжѡдчѡма, помъяснас неуна муас оз инмы. Дыша, мижуи моз, вѡрзыштліс ичѡтик рытив тѡв улын. Татчѡ ачыс Латкин ѡшѡдѡма цардырся флаг, ачыс любуйтчис дай

йöзлы тшöктіс любуйтчыны. Анна тьöt буқышöн, зы-
вöка видзöдліс куим рöма ветьöк вылö.

Латкин дінö Анна тьöt эз веськав: эз лэдзны сә-
тшöм «ыджыд начальство» дорö. Сійö, часöвöйкöд пи-
нясигтыр, уськöдчис Педя Педөр дінö. Пырис збоя.
Латкинлөн секретарыс пукаліс важнöя.

Анна тьöt скöрысь пинясис:

— Педөр Педөрöвич! Мыйла ті вииныд менсьым
пиöс, коді ичöt дырйиыс тэнад челядькöд ворслыв-
ліс?— Сійö эз виччысь ни эз кывзы некутшöм воча кыв,
а водзö нуöдіс:— Менам Гриша нинöмөн абу мыжа йöз
водзын. Ті мыжтöм мортöс виинныд. Ме, мам, ёра тія-
нös ставнытö! Мед асьнытö ещö лёкджык рök суас.

— Ланьт!— горöдіс скöрысла лözöдöм Педя Пе-
дөр.— Эй, вöтлöй татысь выживмöм бабасö!

Анна тьötöс тойлалігтырйи петкöдісны Педя Педөр
кабинетысь.

Кык вежон чöж олісны еджыдьяс Сыктывкарын,
сэссия Краснöй Армия зырис найöс Эжва катыд. Сык-
тывкарын бөр лои Сöветскöй власть, кар бара гажмис.

Анна тьötлы воис юөр Иван йывсьыс. Семö Егор
висьталіс, мый аддзылöма сійöс. Дзоньвидза. Тшöктö-
ма мамыслы поклон висьтавыны. Ачым пö муна водзö
врагьяс бöрся, Визябöж мир туйöд. Мам став сьölöм-
сьыс сиис, мед сылөн Иваныс збоя тышкасис врагьяс-
кöд, жугöдіс пез вир юысьясöс.

...Гожöмын, шоныд мича луньясö, турун пуктігөн,
енэжын друг кыптывлö сім сьöd кымөр. Ведраысь моз
кульыштлö зэрөн кос турун вылö. Ена дözмöдлö сійö
уджалысь крестьянаös, торклö налысь зіля уджалöмсö.

Сім сьöd кымөр моз жö, кортöм гөстьөн кыссьыліс-
воліс Коми муö Латкин, торкліс удж да олём, медбур
йöзлысь юис вир. Уджалысь йöзлөн враг көсийис вевт-
тыны олөмын дзирдалан шондісö. Но сылөн тайö эз
артмы. Киыс дженьыд выль олөмысь паськыд туйсö
бөр кежöдны нюрö. Краснöй Армия нэм кежлö вöтліс
миан Коми муысь буржуйяслысь лакейсö.

ШУДА МУ

О, шуда му!
Тэ, рөдинаой менам!
Кор судзсис эськө
Менам дзоля сыв,
Сэк помтөг, помтөг
Кутлі эськө тэнө,
Кыз рөднөй мамсө
Кутлө рөднөй ныв.

Мем тэын ставыс
Радейтана, муса:
И гажа вөр,
И тэнад вына йөз,
И зарни шонді,
Шонтө коді мусө,
И миян весьтын
Сынөд — кельыдлөз.

Мем муса тани
Зарниасян муяс,
Кыз зонлы муса
Радейтана ныв,
И тувсов кадын
Вөрөн тырөм юяс,
И сәні юргысь
Мыла сьыланкыв.

Ме пытшкын сьөлөм
Ыпъялөмөн чеччө,
Ас пельпом сайысь
Кыла вына борд;
Збой варыш моза
Лэбзя, лэбзя сэтчө,
Көн узьө миян
Медся ыджыд морт.

И шуа сылы:
— Примит, ыджыд айө,
Веж парма шөрысь,
Ылі муысь тэд
Ме ыджыд, ыджыд
Аттө татчө вайи
И большевистскөй
Биа пөсь привет!

И войтыр миян
Тшөктіс нөшта шуны,
Мый вөрөг сійөс
Виччысьтөг оз су,
Мый ставөн дасьөсь
Бөрья тышө мунны,
Мед сюся видзны
Шуда, гажа му.

А ыджыд айө
Воча меным шуас
Выль вермөм вылө
Сьөлөм сетан кыв,
И зіля сійөс
Парма йөзлы нуа,
А ачым пана
Гажа сьыланкыв:

О, шуда му!
Тэ, рөдинаой менам!
Кор судзсис эськө
Менам дзоля сыв,
Сэк помтөг, помтөг
Кутлі эськө тэнө,
Рөдимөй мамсө
Кутлө кызди ныв.

КЫК СЕРАМ

Ме водзын саридз,
А саридзыс лөнъ.
Ме весьтын шонді,
А югöрыс уна.
Кок улын лайкъялö
Дзордзалан дөнъ ¹,
Бархатön рöмасиг,
Кыптö и сунö.

Ме бокын раина ²,
Синнад он судз,
Вашкөдö меным,
А сёрниыс мелі;
Тувсовъя паськөмыс
Нэриник, нюдз,
Лапъялан кияссö
Нюжөдö мелань.

Ме водзын увтасын
Камышъяс эм;
Берег дор ньöзь пиын
Уткаяс тырыс.
И пуыс, и саридзыс
Кажитчö мем,
И уткалön герчкөмыс
Сьөлөмö пырис.

Чужөмö меным
Ыркнитіс төв,
И тэрыба котöртіс
Камышъяс пöлön.
Видзөді, нюмъялі
Ланьтөмөн чөв,
И кылі друг шысö
Уклада вöвлысь.

Бергөдчи сыланьö,
Сійö и эм:
Сьöd мусö вольсалиг
Меланьö локтö.
Нюммуні, мөвпышти,
Мый шуны мем,
Но мөвпъясöс сійö
Вевъяліс торкны.

Пукаланінсьыс
Чеччыштис ныв,
Гырысь лөз синъяснас
Видзөдліс ёся.
Эз висътав сійö
Ни öти кыв.
Сöмын и сытөг
Казявны позис.

Тывйышти синъясөн
Сьöd саридз весьт,
Код вылö кырымнас
Нывка мем индіс.
И шуштөмөс серпассö
Аддзи ме сэсь,
Йирмөгөн юковтіс
Морөсöй дінті.

Горизонт сайсянь
Трунтитіс тшын,
Кыпөдчис быттьökö
Гым-чарда кымөр,
И сэтысянь кыліс мем
Гольскөдчөм шы,
И сьөлөмөс топөдіс
Гажтөмик шымыр.

¹ Дөнъ — турун ним.

² Раина — тополь пу.

Муса винтовкаос
Кырымон ме
Топыда кабырті,
Нолыто торйод!
Горизонт сайсянь
Враг грөзитчө мед,
Горизонт таласө
Чорыда дорья!

Бергөдчи бара,
Көн вөлі ныв,
Сувтыштіс кытчө
Уклада вөлөн,
Но асьсө эг аддзы,
Ни шысө эг кыв —
Важон нин мунөма
Бөрөзда пөлөн.

Сэтшөм жө саридз
Волькьяліс лөнь,
Сэтшөм жө яра
Дзирдаліс шонді,
Но ме вылын нюмьялөм
Эз нин вөв скөнь,
Серавны сәсся
Эг нин ме понды.

Сулала. Видза ме
Граница дор.
Корсюрө ветлөдла
Участок кузя.
Пельясөй кылөны
Быд төврутор,
Синьясөй быдторсө
Аддзөны сюся.

Со, төвруөн кыпөдөм
Солькмуни гы.
И пырысь-пыр гөгөрбок
Важ мозыс чөліс.
Но сәні жө кылыштіс
Кутшөмкө шы,
А матыстчан шыыс
Төдса мем вөлі.

Бергөдчи сыланьо —
Онтая ныв.
Сійо жө местаас
Сувтөдіс вөвсө,
Эз висьтав бара
Ни өти кыв,
Сулаліс, ме вылө
Видзөдіс чөвсөн.

Вочасөн вом дорас
Чукөртчис нюм.
Друг сәсся серөктіс
Азыма, гора.
Том нывка серамлысь
Йөлөга шум
Паськыда паськөдіс
Волькьялан море.

Серамлы воча
Нач кыв ни джын
Эг висьтав нывлы
Весигтө нинөм.
Видзөдлі нөшта,
Көн вөлі тшын,
И топыда кабырті
Ружьеос кинам.

Том нывка пуксис
Вөв вылас бөр.
Любуйтчим кыкнанным:
Сійо да ме да.
И тракнитіс вөлыс
Вит орчча гөр,
А тракторыс сьыліс
Ыджыд победа.

Серав жө, нывка!
Тракторөй, сьыв!
Тянөс некор
И некод оз торйод!
Тянлы ассиянь
Сета ме кыв:
— Горизонт таласө
Чорыда дорья!

МЕД ОЛАС КОММУНИЗМ!¹

Помёсдін весьтё шевкнитчёма кодзула вой.

Кутшөм сійө кузь и... кутшөм дженьыд! Кузь сы вёсна, мый арестной керка чуланын, кытчө, Кулөмдіннысь вайөм бөрын, йөртисны Домнаөс, дзык ывлаын кодь жө кодзыд. Тайө войыс кажитчө сылы дженьыд сы вёсна, мый тайө — медбөръя вой, медбөръя часьяс сылөн дженьыдик олөмын.

Домна төдіс, пөшти стөча төдіс, мый сылөн олөмыс регыд помасяс. Төрыт асывнас тайө жө кодзыд чулансьыс нуөдісны Скөрөдумса учитель Шомысовөс. Салдатьяс, кодьяс волісны сыла, гарыштисны сәки Домналы:

— Аски тэла локтам, партизанка! Виччысь...

Шомысов бөрсө эз нин лок. Домна век на виччысис, гашкө, мыйкө лоө да кызкө вермас на сійө мездысьны.

Өні, медбөръя войсө кодзыд чуланын колльөдігөн, Домна казтыліс тайө мортсө, кызди сійө сёрнитіс сыкөд, юасис, аслас олөм йылысь висьтавліс.

Тайө вөлі шөркоддьөм тушаа, вежөра синма шань морт. Сійө висьтавліс, кызди велөдчылөма, сәсся кызди челядьөс велөдөма ас сиктас, кызди комбед уджөн веськөдлөма, тшыгьялысь гөль семьяяслы юклөма озырьяслысь реквизируйтөм нянь, мукөдтор. Кияссө кык пидзөс костас топөдөмөн, кодзыдысла визгырасигтырйи, со этайө нар кодь вылас Домнакөд орччөн пуксьөмөн, сійө нбөжйөник висьтавліс ас йывсьыс, гежөдика ышловззыліс, а мукөд дырйи, кор казтыліс мыйкө аслас сьөлөмыслы долыдтор, весиг нюммунліс.

— Ми өд неважөн котыртілм коммуна. И шань йөз чукөрмылісны,— сёрнитіс сійө негора гөлөснас.— Куйөд нин заводитлім петкөдны муяс вылө, тулыснас лөсьөдчим өтвылысь гөрны, кодзны. Да, со торксис ставыс, дзугисны миянөс. А планьяс вөліны гырысьсөсь, бурөсь, зэв бурөсь! Жаль, ставыс кө бөр киссяс! Да ещө семьяйи жаль: гөтыр, нель посни челядь... Кызди

¹ Г. А. Фёдоровлөн «Кыа петігөн» романысь юкөн. Романыс уна плана. Сэні медшөр визыс коми народлөн садьмөм, революцияө мунан туйыс. А медшөр геройыс — повтөм партизанка-коммунист, коми народлөн верной ныв Домна Фёдоровна Каликова (1894—1920).

кутасны овны?.. Гортын менам сулалё фисгармония — ме өд пенье урокъяс тшөтш нуөдлі школаын. Челядь вөлі пуксяласны гөгөр, ме ворса, найө сьылөны: «Смело, товарищи, в ногу!»...

— Тайө менам медся радейтана сьыланкыв!— вись-тасис сылы Домна.

— Бур сьыланкыв, революционнөй... Ставыс вөлі бур, да вот...— эз помав, шогсьөмөн ланьтис Шомысов.

— Гашкө, жальныс петас да, бөр лэдзасны челядь-ыд ради?— сьөлөм сетис сылы Домна.

— Найө? Мөдарө кө шондыс кутас ветлыны, сэки, гашкө. Но өд тайө оз вермы лоны, оз!— шуис сийө да ланьтис. Сийө эз көсийы ылөдлыны асьсө лөсъявтөмторъясөн. Но Домна век на зілис мыйкө висьтавыны сылы бурөс, долыдджыкөс.

— Гашкө, вермам кызкө пышйыны на татысь? Гашкө, миян отрядысь войтыр удитасны локны да мездыны миянөс!— сылы и аслыс сьөлөм сетис Домна. Сийө эз көсийы медбөръя здукөдзыс воштыны надея, көть эськө төдіс жө, пөшти төдіс — виччысьны нинөм. Но өд кытчөдз морт ловъя да лолалө, ськөд олө и надеяыс...

Шомысов нинөм эз шу Домна кывъяс ылө, сөмын шогпырысь дорлөдлыштис юрсө. Чөв олыштөм бөрын быттө аслыс (но Домна гөгөрвоис — эз аслыс, а ёнджыкасө, дерт, сылы вежөртөм могысь) кутис висьтавыны:

Бөръя допрос дырйи найө кутисны меным тшөктыны: сувт пө пидзөс ылад, сьыв «Боже, царя храни». И сідзсө меным, коммунисты!

— Найө кужоны дикуйтчынытө!— ыджыда лолыштигмоз шуис Домна, сэсся юаліс:— Но и кыззи?

— Ме шуи: виөй, а пидзөс ылө сувтөм оз ло! Ме коммунист, а коммунистьяс эз вөвны и оз лоны предательясөн!

— Вернө! И ме некор ог сувт на водзын пидзөс ылө! Некор! Бурджык кувны, налысь кок нюлөм дорысь!..

Найө топыда кутлісны өта-мөдныслысь кияссө да көсийысисны кувны ксмунистьясөн...

Домна эз, дерт, төд, кыззи, чуланысь петкөдөм бөрын, салдатъяс лэччөдісны Шомысовөс Эжва дорө, Зуд кум амбар дінө, балябөжас лыйөмөн чашнитисны юр чашкасө, усьөм бөрас дрөбитисны прикладьясөн чужөмсө ставнас, морөссө бытшлалісны штыкьясөн. Нинөм та йылысь сийө эз төд, но сьөлөмнас гөгөрвоис:

коммунист Шомысов бөр оз нин лок, оз нин кут ворсны да сьывны челядьыскөд фисгармония дорын, оз лок школао велодны сиктса йозлысь челядьсө, оз кут веськөдлыны коммунаон. Но сийо тодис и эскис став сьолмонас: сы местао локтасны выль йоз, кодыяс водзо нуодасны сылысь бур уджсө.

Арестной керкаысь Шомысовос петкодом бoryн дзескыд да пемыд чуланын, кыдзи кажитчис Домналы, лои ещо нин кодзыдджык, гажтом да шемос. Шомысов быттьо сьорсыс нуис медборья пось киньяссө, кодыяс шонтылисны нывлысь морос пытшкоссө. Кынад найо воли гусьоник коть сьрнитоны, мыйко висьталоны, ертаертлы сьолем сетоны, и век жо долыдджык сэки. А они колис отнас, дзык отнас тайо козод гу кодь кодзыд, мустом чуланас.

Кымын лун нин тани кымто-тирзю Домна! Аслыс кажитчо — зев дыр, помтом дыр. Нойтомон, повзьодломон нином эз вермыны сылысь шедодны палачьяс да косийоны кодзыдон венны.

Карательной отрядса командир Вяткин надейтчис на, тыдало, мый кодзыдинын изоймитысь партизанка век жо борьяпом варовмас да висьталас, мый налы колө. Но Домна эз лябмы, эз сетчы. Эмось йоз, кодыяс калитчом уклад моз чегасны, но оз кусыньтчыны. Сэтшом воли и тайо нылыс.

Медборья войнас Домна эз и куньлы синсө; сийо либо тапьялис-ветлодлис дзескыд чулан пытшкын, перйис аслыс шонид, либо визгырасис нар помын, поляломон зилис шонтыштны кияссө, воча кучкалис кокьяссө. Гын сапогьяссө сылы важон нин некон эз удайтчыв косьтыны, йизьомысла камакылисны быдон.

Уна лун чож мучитчомысь, прамой сьянтө эз адзывлы да, Домна ена нин слабмис, вын-эбосыс кутис сылон бырны. Нойтомысь да кучкаломысь яйис гогор доймис, висис. Кажитчис, мучитчомыслы оз нин волы помыс. И век жо ассьыс медборья выньяссө партизанка видзтис, кыдзи видзоны медборья патрон, сэк кежло, кор медся ена ковмасны — аслас смертной часыс кежло, мед кувны кыдзи колө боецлы, коммунистлы.

«Мыйла ме эг чуж зонмон? Найо, палачьяс, ставныс ош кодь енось, а ме од жебиник ныв,— мовпалис Домна.— Но ме налы петкодла на, коди энджыкыс!..»

Мукод дырйи Домна чеччылис нар вылысь да ичотик розьод видзодис кодзулось енежю, нимкодысис войся кыа портмасьомон, казтылис челядь дырсө, товся

рытъяс, кодыр челядь чукоркөд исласьывліс даддьон. Мыйкө жө дурлывлісны да серавлісны гажаа! Гортас пырас лым сюръя кодь, киясыс гөрдөдөмаось, пиалоны-кынмөны, а мам увгө-видө, но ачыс сэк жө пөрччөдө да тшөктө өдиө кайны паччөрө.

«Муса мамукөй, прөщай-прөсти!.. Майбыр челядь дыр, кутшөм тэ вөлөмыд дженьыдик!»— ас кежас гусьоникөн ышлолаліс Домна, оз и кыв, кызди доршасьө гөрддзыштчөм синваыс, кызди синмыс руалыштис да сы вөсна енэжас кодзувьясыс ру пытшкын моз жө тіра-лыштөны-кынмөны.

Төвся асыв локтис дыр, нбөжйөникөн. Первой муртса-муртса кутис лөз төдчыны, пыр ёнджыка кизьөрмис пемыдыс, разаліс, сыліс.

Асьядор сьөктисны синлапьясыс, синьясыс кутисны куньсьыны, унзіль босьтис, но Домна вөтліс сибалысь унсө. Кадыс колис зэв нин этша, со нин кельдөдісны дзырыд кодзувьяс, өти бөрся мөд заводитисны кусавны, а сылы колө зэв на унатор йылысь мөвпавны, ас вежөр пырыс лэдзын.

Домна личкысис юрнас чулан стен бердө, кунис синсө.

Думнас сійө лэбаліс партизанскөй отрядын, аслас боевөй ёртъяс дорын, кодьяскөд орччөн тышкасьліс. Кымын лун коллялөма накөд өтлаын, юклөма шог и гаж, өти пөртйысь сөйлөма! Найө ставсьыс вештысясны белобандитьяслы, ставсьыс, тшөтш и Домнаысь!..

Эз, эз сразу найө велавны воюйтны кызд колө. Первойсө өд и ачыс Домна копрасьывліс пуляяслы, дрөгнитліс матын лыйөм шыысь, поліс морт вирысь. Бөрынджык велаліс, да и ставөн мукөдьяс тшөтш жө велалісны сьөкыд салдатскөй наукаө. А первой кадас, нинөм дзевны, вөліны налөн өшыбкаяс. Но вочасөн найө, комсомолецьяс, вежсисны, велалісны и пуляяслы не копрасьны, и тышкасьны повтөг, лоины збой да дисциплинированной боецьясөн, бура косясисны, пыр медводзын мунісны. Унаөн ранитчалісны, унаөн и юрнысө пуктисны Пезмөг да Нөбдін вөсна тышьяс нуөдігөн. Сэки жө со и Проня ранитчис.

«Проня! Шань, бур сьөлөма Пронюк, көні тэ өні, мый нин вөчлывлан?»— чулан стен бердө юрнас личкысьөмөн кутис мөвпавны сы йылысь Домна...

И друг сійө вемөсөн моз аддзис Проняөс — сулалө орччөн да вашьялө, шуө сылы:

— Домна, ветлам пыжөн гуляйтны! Помнитан, кыдзи коркө кывтлім карса собор гөра удорті?

— Помнита!— нимкодя шуигмоз сы дорө уськөдчис Домна.— Да өд сәки вөлі гожом шөр, а өні төв, Пронюк! Менам кокөй кынмө, кок чуньясөс чепөльтө быдөн!.. А тэ нө бурдін нин?

— Бурді, дерт! Өні важсыс өн, бара нин лыжнөй отрядын! Аддзан, кутшөм менам ружьеыс!— винтовкасө петкөдлігмоз ошйысыштіс Проня.

— Японскөй али мый?

— Абу жө!— шуис да гажаа пыркнитіс юрнас Проня, кыдзи коркө вөлі вөчлывлө, томджык дырйыыс.— Тайө английскөй автоматическөй ружье! Белөйяслыс мырддим... Өні лөсьөдчам белөйяс вылө уськөдчыны. Көсьям Шомысовөс мездыны.

— Ме төда, көні видзөны. Сійөс көсийоны лыйлыны, а сылөн гөтыр, нель челядь. Өдйөджык, өдйөджык! Көні менам винтовкаөй? Ме тшөтш муна тіянкөд!..

И вот нин Домна гусьөн нуөдө лыжнөй отряда боецьясөс сійө керкаыс дорө, кытчө белөйяс йөртөмаөсь Шомысовөс. Вой, пемыд, көдзыдыс горшө сатшкысьө. Найө кыйөдчигтыр сибөдчөны пыр матөджык и матөджык. Домна кылө, кыдзи сыкөд орччөн муно Проня. Весиг лов шыыс сылөн кылө...

Проня копытчыліс сы дорө да гусьөн юалис:

— Тани?

— Тани!— сідз жө вашкөдөмөн висьталіс Домна да индіс арестнөй керка вылө.— А штабныс налөн водзынджык, купеч керкаын. Кык судта ыджыд керка веськыдвылын сулалө.

— Первой Шомысовөс мездам, сәсся уськөдчам штаб выланыс! Пасьвартам кырныш чукөрлысь позсө! Часөвөйяссө разведчикьяс идралісны нин...

— Шомысовөс иган сайын видзөны. Колө игансө жугөдны!— шуис Домна, и Пронякөд найө котөртісны кильчө дорө. Проня ырыштчис винтовканас, мый вынсыыс камөбтіс прикладөн өдзөсө. Домна быдөн дрөгнитіс кучкөм шысыыс да... востіс синсө. Видзөдө: чулан өдзөс воссис, смякнитіс-пырис лун югыдыс, а сыкөд тшөтш пырисны и сылөн мучительясыс. Сыла локтісны...

А көні Проня? Отряд?..

И Домна гөгөрвоис: вөлөмкө, ставыс тайө вөт, лөсьыд, долыд, но вөт, коді сэтшөм өдйө помасис.

— Пет, партизанка! Мөдөдчам!— горөдисны сылы ружьеа салдатъяс.

Турдөм кокъяс эз көсийны куснясьны, но Домна чукөртис медбөръя вынъяссө да воськовтис чулан порог вомөн. Со кор найө ковмисны сылы!..

Сийөс первой нуөдисны Езе купеч керкаө, штабаныс. Сэни гажаа ломтысис пач. Ныв сувтис пач вом дорө да кутис бергавны-шонтысьны би водзын.

Ак, кутшөм лөсьыд, кутшөм бур, кор жар пачысь кучкысь шоныдыс малалө турдөм-доймалөм вир-яйтө. Домна то чужөмсө биланьө лөсьөдлас, то гөрдөдөм-гегдөм княссө чургөдлас, то мышнас бергөдчылас. И кылө, кызди шоналө вирыс, өдийөджык ветлө сөнъясөдыс, кызди ловзьө сийө ставнас. Сэк кості, кор офицер чукөр мыйкө лыддисны сылы, ныв тэрмасис нимкодьясьны медбөръя дженьыдик долыд здукъясөн, пыр шонтысис, көсийс босътны ас пытшкас унджык шоныдсө. Вермискө эськө, и питшөгас и зептас сөвтис сийөс да нуис сьорсьыс сэтчө, кытысь некод на эз волы бөр...

А мый найө лыддисны, сылы вөлі дзик веськодь. Мукөд дырйи, кор найө мыйкө юавлісны, партизанка шыбитліс налы:

— Да, да!..

— Да, да, да!..

Дыр шонтысьны эз лэдзны. Мыйөн налөн лыддьысис, Домнаөс бөр петкөдисны ывлаө, сөлөдисны вөв дөддө, нуөдисны вөлөсть помө, кежисны Эжва дорө. Сэни вөвсө кольөдисны. Кык салдат водзө нуөдисны кыр горув лэччөдысь туй кузя, Зуд кум амбар динө.

Чөй горув мунигөн налы паныд лөсяліс вала лэччылысь нывбаба. Сийө аддзис кык салдат костын восьлалысь партизанкаөс да падмыштіс, сувтовкерис. Домна син лапниттөг видзөдліс нывбаба вылө, быттө дыр жежлө көсийс кольны аслас паметьө сылысь чужөмсө, весиг вом доръясыс сылөн вөрыштисны. Көсийс, буракө, мыйкө шуны, но сылы йөткыштисны мышкас ружье стволөн. Домна гогнитис нывбабалы юрнас, прөщайтчис.

Эжва кыр йылын сулалісны пожөмъяс. Веж лапьясыс вылө пуксьөма кыз гыөр, эзысь прөшвиөн моз мичмөдөма пуяссө.

А кыр горулын, йи куд улын, Эжва-матушка. Сы сайын помтөм-дортөм вөр шевкнитчөма, синнад он судз. Ок, мынны кө эськө да пышйыны сэтчө!..

Вөлі төв шөр. Гөгөр нин куйліс джуджыд лым.

Вөр-ва чөв узис лым эшкын улын. Зэв сэзь да югыд енэжын тыдалыштіс на кельыдіник төлысь кытш. А Эжва мөдарын лымйөн турдом парма весьтө лөсьөдчис нин петны шонді. Сыланьын пыр ярджыка и ярджыка өзйис чим гөрд кыа. И кыр горувлань, Эжва юдорө, лэччысь Домналы кажитчис: восьлалө сійө сыланьө, тайө ымралысь-ломзьысь кыаыслы воча, коді ойдома небеса джынсө нин аслас зарни югөрнас. Кутшөм лөсьыд, кутшөм мича тэ, майбыр олөмөй!..

— Татчө!..— Эжва дорө лэччис да, шуйгавыв муныштөм бөрын, бергөдчис, салдатъяслы ачыс тшөктіс партизанка. Чужөмсө асывланьө бергөдомөн сійө кутіс видзөдны нбөжйөник кыпөдчысь төвся шонді вылө.

Зелькнитісны, кылө, винтовка затворъяс. Домна лолыштіс морөс тырнас да шуис тыр гөлөсөн:

— Прөщай, югыд шондіөй, став вольной светөй! Мед жө шудаджыкөсь лооны мукөдъяс! Мед олас коммунизм!..

Шкув-шко-о-ов чашнитіс көдзыд сынөдсө лыйөм шы. Ойөстіс джуджыд кыр йылын сулалысь пожөм вөр. И кажитчис вала лэччылысь нывбабалы сылөн йөлөгаыс, ой-ой-ой горалөмөн, шыбитчис Эжва мөдарө, юралыштіс парма весьтын да, нбөжйөникөн ланьтөдчигмоз, кусіс көнкө ылын...

А лым пиын сулалысь Домна сәки шевкнитіс кыкнан кисө вывланьө, быттьө варышпи көсйис нбөвъявны-качны ломзьысь кыалы паныд, но сы пыдди лэдзчысис первой өти пидзөс вылас, нбөжйөник нөрис юрыс, сәсся кымынь пласътнитчис лым вылө...

* * *

А Эжва кыр йылын пожөма вөр век на нбөжйөникөн шувгыштіс, быттьө бөрдіс гусьөникөн, мыйкө норасис йи улө дзөбсьөм юлы.

Сәні визувтіс Эжва. Визувтіс водзө и олөмыс аслас помтөм-нэмтөм паськыд ковтысыс кузя.

МЕНАМ ШУДЛУН

Ассыым шудлун вöлись гөгөрвои;

Онi тöда,
Кытчö кöть ог мун:

Югөр койö меным

Асья войö

Менам шудлун —

Менам чужан му.

Менам шудлуной,

Эм менам томлун,

Кыпыд сьөлөм,

Киподтуя удж.

Миян востерлунөн

Кузяла кöть вомлөс

Повтөг Войвыв саридз вудж.

Чужан му тэ менам,

Синмөн судзтөм,

Тэнад вынлөн некөн абу пом.

Пöрысьмам ми... Мудзам.

Тэ пыр мудзтөм...

Тэ пыр лунысь луно лоан том.

Кызд нö радейтчытөг миян овны,

Олөмыс кө долыдлунөн тыр.

Сетам ассыным ми

Тэныд томлун,

Том мед вöлин

Нэмыд кежлө пыр.

Менам шудлун —

Сийö шуда аски.

Миян кузь туй

Джынвыйын оз ор.

Югыд кадын аддзысьлам на, гашкө,

Паныдасьлам,

Ичөтдырся ёрт!

Розьягны

Став вöльной му выв пасьта

Кутас енэж улын гажа сад...

Паныдасьлам!

Пышйөм вояс казьтам...

Кыпыд томлуннымлысь

Визув кад!

Визув кад!

Тэ вунны дыр он вермы.
Тода,
Коркө казгылантор сюрас,
Сійөн аслым пыр ме шуа:
Тэрмась овны талун
Тыр олөмөн бура.

Шуа аслым:

Олөмысь ог дөзмы.
Сійө гажөн
Морөс пытшкөс пестө.
Мый көть став олөмыс —
Йөзлөн?
Сэни неуна и менам места.

Сы вөсна и меным

Татшөм долыд,
Морөс пиысь
Сыланкыв оз куслы,
Сы вөсна и
Лов тыр гажөн ола,
Видза сьөлөм пиын
Помтөм муслун.

ПРАЗДНИК АСЫЛӨ

Сөмын на садьмам,
А миянлы кылө нин
Репродукторысь праздничной марш...
Ворсө-гыалө долыд сьылөмөн
Арся ывлаын тувсовъя гаж.

Тадзи думыштан:

Шуда йөз ми.
Кутшөм шань миян Рөдина-мамным!
Шуда том кадө гажлунлөн би
Некор миянысь оз вермы ямны.

И ми казгыштам:

Мыйтаөн сэк,
Революция асылө, петлісны
Смертной кось вылө,
Вольноя мед

Налөн пияныс му вывтї ветлісны.
Эз, эз жалитны батьясным коркө
Пиян шуд вöсна ассыныс лов.
И дзик некодлы ньöтчюд эз торкны
Миян чужан му дінö любов!

И со талун,
Кор чужан му дзордзалö
И кор гажлунөн ывлаыс тыр,
Миллионъясөн тувччаліг орччөн,
Чужом вылысь серьёзность оз быр.

ДЕМОНСТРАЦИЯ БÖРЫН

Збоя тувччисны рад бöрся радъяс,
Верстьö батьяскöд нывъяс да пиян...
Со и мунісны...
Öвтчисны флагъяс...
Налы бөрвылас макайтї киөн.
Видзи чолөм ме Ыджыд Октябрлы,
А со лов вылын быттьöкө Май кодь,
Быттьö шондісö аръявыв кадлысь
Кöдзыд кымöрыс ньöти эз сайкөд.
И став синъясын дзирдаліс нюмыс.
Дзик жö сідзи, кыз тулысын сынöд.
Жöдзис площадь выв тувсовъя шумөн,
Сійö юраліс гажөн да вынөн.
Кежис медбөръя рад улич сайö,
Збоя тувччисны зонъяс да нывъяс.
Мудрöй Партия йылысь со найö
Бара сьылöны пöсь сьыланкывъяс.
Сьылөм горыс мем сьөлөмөдз йиджис...
Пыр на öвтчöны флагъяс син водзын,
Накөд мөд воөдз прöщайтчиг гижі
Ассым сьыланкыв — праздниклы козин.
Мыйта морöсын гыаліс радлун,
Мыйта гажлуныс сьөлөмсянь петіс —
Сеті ставсö кöть ас му том кадлы
Тайö здук праздник лунся приветөн!

ПАСЬКЫД ЕНЭЖЫС

Паськыд енэжыс Сөвет му весьтын,
Сэтшөм джуджыд да лөзалан сөдз,
Ставсө өтчыдөн лолыштан эськө,—
Морөс йөрышыд сөмын оз лэдз.

Мыйта вöляыс, гажлуныс мыйта!
Сьылысь лэбачөн сынөдыс тыр...
Лунтыр видзөда, енэжысь кыйөда:
Уклад лэбачьяс жургöны пыр.

Сийö лэбачьяс вылын геройяс
Водзö лэбöны пöткаяс моз.
Зумыд вынийөрөн, вежöра-збойөн,
Кыдзи мöдлаын некöни оз.

Самолёт төла сынөдсө чашйö,
Гашкö, полюсö осьтö виль туй,
Саридз сай муö төвзьöдö, гашкö...
Кöть мед кытчö, пыр сия — «бур туй!».

Мед нö войвылыс кымөрөн пöльтчö,
Оз веж туй визьсö гөрд самолёт.
Водзö лэбзьö пилот-комсомолец:
Чорыд кипод, моторыс оз чот.

Паськыд енэжыс Сөвет му весьтын,
Сэтшөм джуджыд да лөзалан сөдз,
Горша өтчыдөн лолыштан эськө,—
Морөс йөрышыд сөмын оз лэдз.

Лэбзы, лэбачöй! Сынөдсö дзенөд!
Паныд вөрöглы, козмас кө, мун.
Öд ми радейтам асьыным енэж
Сидз жö, кыдзи и асьыным му.

БРАТАНЪЯС

Фронт вылö мунис нель братан
Граница дорысь зырны врагöс.
Ме витөд, коли гортын, тан,
Вөр вöчны коми парма ягын.

Ми дінысь збойлунным оз мун,
Ми весьтын енэжыс оз сальмы,
Фашистлы шуда Сöвет му
Не тальны некор дзик, не тальны!

Фашистскöй кöин чегас пинь —
Вель чорыд, ён сöветскöй кöрыш.
И кытчöдз спесьлуныс эз чин,
Мед видлö, кутшöм сылөн кöрыс.

Оз жалит сетны ассъыс лов
Братанъяс пиысь косьын некод.
Ас му фашистскöйöн оз ло,
И рабъясөн ог лоöй некор!

И мынтыяс пеж, подлöй гад
Да панялас, мый ачыс пуис...
Зэв матын, матын сійö кад,
Кор сійöс нырыштам кок улын.

ВОКЛЫ

Ыджыд чолöм, менам дона вок,
Ылі рытиввывсянь ыджыд воксянь!..
Таво гожöм, гашкö, ог на лок,
Но эн шогсьы, ньöти тэ эн шогсьы.

Гожся рытын чужан сиктным рам,
Рöмпöштан кодь Эжва юным шыльыд...
Кöнкö, тарыт миян муса мам
Лунвыв йöрын уджалö на зіля.

Тöда: сійö, узьны водігмоз,
Частö гажтöмчывлö миян вöсна,
Кодъяс энөвтисны
Шоныд чужан поз,—
Коді кытчö — муналісны ылö.

Бöлім öкмысөн ми — пи да ныв,
Но код бордъясьыштö, пыр жö лэбзьö...
Кöть и, вокан, паськыд му шар выв,
Олөм туйсьыд некытчö он дзєбсьы.

Быдыштан и гөгөрвоан сэк,
Кутан ачыл корсьны аслыд шудлун.
Сөмын янсөдчигөн пөрысьясөс тэ
Морөс бердад топыдджыка кутлы.

А тэ өні сөмын сьыв да ворс,
Налысь сьөкыд лунъяс гажөд, личөд,
Вугрась, котрав, Осникысь мөс корсь,
Эжва кырсянь пароходъяс видзөд.

И мед некор оз босьт тэнө шог
И оз нормыв сьөлөм тэнад могтөг,
Гашкө, таво гожом ог на лок,
Но быть локта коркө, локта.

ЛЫЖИ ВЫЛЫН

Тайө серпасыс
Енэжын төдчө:
Пуксьысь шондї
Да дзирдалысь лым.
Чизыр төв бөрся
Лыжиөн вөтча,
Оддзөм бедьясыс
Ки улын пым.
Здукөн ышмыла...
Кыз гөгөр чукульта,
Лэба чой горув,
Лэпта лым бус.
Вывлань горөда...
Йөлаөн юкыштас
Сөдз дон сынөд,
Быд гыөртөм куст.

Корсян мудзөм,
А вирыд пыр пузьö,
И век шоналан,
Кокнялан пыр,—
Вөтча төв бөрся
Чарөм туй кузя,
Кытчөдз морөсын
Лолөй оз быр.
Төдса кыркөтшөд
Горт динө кая,
Сьөлөмшөрөйлы
Горөда ме:
— Муса Машук,
Кыз гыөръяс сайысь
Петав лым вылө,
Иславын пет!

СЕМӨ

1

Мөдлапөвсянь ломзъысь биөн
Петө тувсов шонді.
Аслас югөръясөн сійө
Зарниасьны пондіс.
Асья лун төв лөньсө дзүгө,
Көнкө петук сьылө.
Повтөг пырис шонді югөр
Семө вольпась вылө.
— Зарни шонді, ло тэ гөстьөн,—
Вольной мусянь чолөм!
Муас мөрччөд ассыд пөсьтө...
Гөрны-көдзны колө.
Талун нимкодь Семө дядьлы,
Нимкодь, долыд, гажа;
Весиг керка пытшкыс радлө,
Кыз эз радлив важөн.
Шонді гөгыль вывлань катө
Вөр туганъяс пөлөн...
Гөрны сувтам радысь радө
Кызь көкъямыс вөлөн.
Көйдыс бур... Ми дасьсөсь көдзны:
Гөр-агасьяс дзоньсөсь...
Уджлөн юргөм кутас сөдзны
Паськыд муяс вомөн.
Татшөм мөвпөн Семө чеччис
Шонді петан кадө...
...Талун асыв гөрны лэччас
Семөлөн бригада.

2

Шонді петөм зэв унаысь төдліс,
Мыркис Семө шудтөм сьөкыд удж.
Овліс гөля —
Уджйөз пиө пөдліс...
Йөртөдъясыс нэмсө вөлі куш.
Быдся думыс Семө юрө волө:

«Көйдыс абу...

Гөрйөй дзик нин шуй...

Вөлөй тшыг,

А көдзны меным колө...

Код нө индас пикысь петан туй?»

Өврам ордө Семө вөлі мунас:

— Вайлы, мездыв...

Пикысь менө мезд...

— Мезда...—

Сөмын сәки жө оз вунөд

Семө горшө чөвтны петля-гез.

Сьөкыд думөн асывъясын чеччө.

Шонді ворсө...

Семө букыш, скөр.

Лячман сайө гөрны сийө ләччө,—

Эжмөм муас бергавны он төр.

3

Семө тошкын ворсө

Шонді югөр.

Көнкө петук горзө —

Лөньсө дзугө.

Тулыс горөн сьылө

Асья гажыс.

Семөлы дум вылө

Уси важыс.

Син водзөд оськовтис со —

Бордя дас өкмысөд во...

...Вөр пөвсттi мунө отряд,—

Вой мулөн Гөрд кавалерия.

Медводзын Хаджи Мурат¹

Вөлыскөд сөрнитө мелiа.

Шемөс ланьтөма-сь багатыр пожөмъяс,

Войвыв пармаыс букыша лөнь:

Сиктыс ру пытшкө тырвыйө вошөма,

Муртса тыдыштө Вагалөн² вөнъ.

.

¹ Хаджи Мурат командуйтис Войвыв фронт вылын Гөрд кавалерийскöй отрядөн.

² Вага — öнiя Архангельскöй областын ю, усьö Войвыв Двинаö Березник кар дорын.

Помнитö лыйсбöм,
Сикт шöрын бой...
Бандалысь пышйöм,
Ранитчöм сой...

4

Сбöкыд думöн асыввьясын чеччö.
Шондi ворсö...

Семö букуш, скөр.

Лячман сайö гөрны сийö лэччö,—
Эжмöм муас бергавны он төр.
Симöм амысь чорыд муö сатшкö.

— Но жö, Карко!..— швачкö мышас ньөр.

Вöлыс пессбö...

Сбöкыда зэв кашкö —

Муртса кыскö пöльлысь сбöкыд гөр.
Лун шөр шондi нем жалиттөг сотö.
Вöлыс сувтис...

Водзö оз нин мун.

Ньөр оз отсав,

Карко сылөн водис...

Семö синмын пемдiс югыд лун.

— Э-эк!— сбöд синваөн бөррдзис.

Эз кыв сийö орчча уджлысь шум.

Сэки мудзла кольмöм юрын вөрзис

Дзвонь во чöж нин бергалысь выль дум.

Кодкö пуктис пельпом вылас кисö.

Семö здрөгмунi, но кыв эз шу.

— Чеччыв, видзöд,—

шуис Назар Мишö,—

Кöни тэнад олöмыдлөн шуд?..

Семö чеччис...

Видзöдлiс му вылас:

Вöлыс ружтö...

Пөрöма пу гөр...

Орччөн гажа горöдлывлöм кылö...

Комын вөлөн гөрöны му йөр.

Семö пыксис.

Кыв вежны эз кöсйы,

Кöть и дыр нин пöдтис гуся мөвп.

Талун ачыс сийö мөвпсö вöзйис...

Дзикöдз вундiс важкöд йитан кöv.

Сэки Семö лэптис веськыд кисö
(Чужöм пасьта ворсö кыпид нюм...)

Паськыд эрдын кылис:

— Назар Мишö!

Менам муöd, другö,
Тшöтш жö мун.

5

Сьöкыд мөвпөн оз нин чеччы

Семö асья кадö...

Лячман сайö гөрны лэччö

Семöлөн бригада.

Асья шондi енэж шöрын

Югөръяснас йöктö.

Воом тулыс öдйö вөрны

Көдзысьясöс тшöктö.

Лячман сайын помысь-помö

Юргö уджлөн сьылöм...

Ыли помын...— Видзöд, тонö!—

Трактор мургөм кылö.

Шондi югөр вывлань катö

Вөр туганъяс пöлөн...

Гөрö Семöлөн бригада

Кызь көкъямыс вöлөн.

1933

БОЙВОДЗВЫВСА ВОЙ¹*(Зарубинлөн первой висьт)*

Землянкаын гөвкъялө табак тшын. Наръяс вылын куй-
лөны өта-мөд динас топөдчөмөн, пукалоны, коді кытчо
веськалома,— боецъяс. Көть найо и мудзось, но узьо-
ны этшаон. Кыло лөня варгөм, коді кадысь кадо орло
серамон. Пызан сайын, көні лампа пыдди сотчо теле-
фон кабель, кодсюрө гижөны письмөяс.

Кысь нө узьяс, кор дивизия сутки саяс нин вөтлө-
дзескөдө немецъясос рытиввывланы, а мянлы эз на
сюрлы ни өтчыдысь лыйны. Ми — мөд эшелонны.
Чайтам, мый аския луныс ваяс вежсьомъяс. Виччы-
сям сийос, сьолөм оз инась местао...

Окота лои петавны ывлаө, лолыштны сөстөм сынө-
дөн. Чеччи нар вылысь, кокъяс пыр жө веськалысны
наръяс улө йиджтысьом ваө. Весиг пөрадок радейтысь
немецъяс абу вермөмаөсь мынтөдчыны тайо нюйта
трунда васьыс. Сөмын на некымын час сайын тайо жө
землянкаыс вөлі налөн юр сюянінөн.

Ыркыд войся сынөдыс кажитчис торйөн нин чөс-
кыд, лөсьыда пальөдіс юр. Орчча землянкаын, көні
вөлі мөд взвод, бриньөдчис-ворсіс гитара. Кодлөнкө
негора гөлөсыс отсасис сылы:

В полдневный жар в долине Дагестана
С свинцом в груди лежал недвижим я,
Глубокая еще дымилась рана,
По капле кровь сочилась моя.

Романслөн шог кывъясыс паськалысны да вошисны
сьөкыда вугралысь пуяс пөвстө, чужтісны шог мөвпъ-
яс, кодъяс чеплялоны сьолөмтө, гудралөны ловтө.
И, тыдалө, буретш та вөсна романсыс воис кодсюрөлы
сьолөм вылас. Со өтка гөлөс динө өтлаасис мөд, кой-
мөд, сьылөм гораммис:

И снился мне сияющий огнями
Вечерний пир в родимой стороне.
Меж юных жён, увенчанных цветами,
Шёл разговор весёлый обо мне.

Сьылөмсө вевттис кыз гөлөс:

— Дугдой! Бара сентиментсө заводитисны... Ме-
щанство!

¹ «Менам другъяс йылысь повесть» нима гижөдысь юкөн.

Сьылём кусі, гитара бриньгём шы улө кодкө збодера вочавидзис:

— Кысь тэныд торйөдны классикасө мешанствоысь! Тайө — Лермонтов.

— Сійө татшөм нярганторъястө эз гижлы,— падъяліс кыз гөлөса.— «Белеет парус», «Прощай, немытая Россия», «Кинжал»...

— Ок, и солдафон!— гажаа серөктіс воддза гөлөсыс.— Колө төдмасьны сылөн став творчествоөн, а сәсся вөлисти ныртө сүйны.

Ме вешйи землянка дорысь Лермонтовөс радейтысь гөлөсыяс шы улын:

И снилась ей долина Дагестана...

Неылын кодъяскө нума-намакылісны. Сәсся юр кодзув моз өзйыліс би, көть, тыдалө, кодкө и куритчис чигаркасө соскас дзөбөмөн.

— Код сәні дурө?— стрөга юалі.

— Тайө ме, Юра,— кыліс Сметанинлөн гөлөсыс.— Вунөдчи. Ылын на немечөдзыд, оз аддзы. Дай быд чигарка би вылө минаыд оз вичмы, көть эськө сійө и став Европасө грабитіс.

Сергей Сметанин — менам земляк. Эжва бокса орча сиктысь. Училищеын ськөд вөлім өти взводынөсь жө. Сметанин неыджыд тушаа, көлөб кодь гөгрөс да сөстөм чужөма, дженьыда шырөм еджыд юрсиа. Веськалөма училищеө веськыда гортсянбыс, среднөй школа помалөм мысти, бөрья, тувсов призыв дырйи. Ме пукси сы дорө. Сән жө куйліс Вагин — барьёв кокьяса, тэрыб вөрасьяса да зэв варов зон. Сійө эз вөв миян училищеысь, а, буракө, Куйбышевскөйысь либө Пуховичскөйысь. Но тайө кык зонмыс куим сутки чөжөн, дивизияө воөм бөрын нин, лоисны быттьөкө вокьясөн. Ме весиг неуна вежөгті Сметанинөс. Найө водзө нуөдісны ассыныс орлөм сёрнисө.

— А өні миян идралөны урожай,— шуис Сметанин.

— И миян тшөтш,— содтіс Вагин.

— Кольөм во,— водзө нуөдіс Сергей,— ме ытшки няньсө машинаөн. Ок, и мудзан лунтырнад! А ритнас мыссян, вежсян, нурьясьыштан — и гуляйтны. Асьядорнас воан гортад, сутшкысян вольпасьө...

— ...А асывнас чеччынытө!— содтіс Вагин.— Кымыныськө чуксаласны жө... Быдөн скөрмылан мам вылад.

— Да,— ышловзис Сергей.— Оні кө эськө...

Миянсянь верст сайын кымын то сәні, то тәні, сап пемыдсө поткөдлігтыр, небесаө качлісны ракетаяс да, быгыд югөр койиг, ньөжйөнник лэччылісны увлань. Быттё съод войсьыс повзьём пон эрыштлас немецкөй пулемёт, трассирующөй пуляяс би киньяс моз визьнитлөны, сәсса сылөны-вошөны. Сәні передөвөй. Миян дивизияса орчча полк, немечьяслысь оборонасө пузьпазь вөчөм бөрын, өдйө зырис найөс луннас рытив-вылө, өні шойччө муө кодйысьөмөн, медым югдөм бөрын пьськөдчыны водзө. Сәні миян кодь жө том зоньяс, төдөмысь, мөвпалөны аския лун йылысь... Онөдз делөыс муніс бура. Враг эз виччысь татшөм чорыда кучкөмсө да, ассьыс дойяссө нюліг, лөкысь ыршасиг да эргигтырйи, колис рубеж бөрся рубеж. Ни артиллериялөн би, ни дугдывтөг дзуртысь ишакьяс¹, ни енэжын өшалысь «мессерьяс» да «юнкерсьяс» эз вермыны сувтөдны гвардейскөй значокьяса том зоньясөс, кодьяс воисны татчө страналөн пөшти став пельөсьясыянь өти мөвпөн: ородны Ленинград голя вылысь вөрөглысь джаг гөрөдсө.

Зоньяс мунісны пыр водзө и водзө, быттё эз казявлыны ни ассьыныс дойяснысө, ни мудзөмсө, ни ёртьясыслысь, кодьяскөд неважөн на паняисны өти пөртйысь, вошөмсө. А найө, вошөм-усьөмьясыс, адзвывтөм мытшөдө крукасьөм бөрын, сунлісны-усьлісны, кабыртлісны трунда сора тайө курыд мусө, коді эз нин вөв сэтшөм лышкыд да мелі, но коді налы вөлі сэтшөм жө дона, колана да муса, кызди и чужаң сиктгөгөрсә муясыс да видзьясыс. Кабыртлісны и ланьтылісны рытиввывлань юрөн, быттё тайө муыс вөлі налы медся бур козинөн, кодөс дасьтыліс олөмыс. Найө куйлісны вөрзвөдчывтөг, лоөмтор вылас некодлы норасьтөг, веж рөма паськөмнас ньөти жө эз шыбитчыны синмө, кызди лөк бушковөн нетшыштөм да луг вылө шыблалөм корьяс, кодьяс недыр мысти лооны муөн жө...

Мед вөтлыны тайө шог мөвпьяссө, заводиті кывзыны ёртьяслысь сёрнисө.

— Лөкторьяд бара оз ков велөдны,— надзөник батйөдліс кывьяссө Сметанин.— Со көть этйө табаксө босьтам. Восьмука муртса тырмө лун кежлө.

— А ме сөмын на велөдча,— вочавидзис Вагин.—

¹ Ишакьяс — таdzi шуисны немечьяслысь квайт ствола миномөтьяс.

Коть талун жө шыбита. Да табаксө жалита: старшина сетө, а кытчө лоштан?

— Тшынася сизимөд во,— ошйысьёмөн моз шуис Сметанин.— Видлы шыбитны, кор став ты-мускад нин йиджөма. А велөдліс менө суседлөн пиыс. Ок, и шыш вөвліс... Батыслысь табаксө гусявліс, да сэтшөм сюся! Емөн писькөдас пыдөссө да быд восьмукаысь неунаөн босьтө.

Ме быдми батытөг. Йөзидлысь век куритны яндзим. Со и босьта вөлі гусьоник мамлысь деньгасө. Но сылөн өд быд көпейка лыддьөма. Ок, и сюрлывліс жө меным! Сійөн и юрсій шоч, тыдалө.

Локта школаысь либө ворсанінысь, сэки мамө меным: «Восьтыв вомтө!» Восьта, ог лысьт весиг лолыштны. А сійө: «Мыйла чесноксө сөйин? Чайтан, ог гөгөрво? Пызан сайын сійөс рөд вомад он босьтлы-а...» И заводитчас! Сэсся, быдмышті да, энөвтчис. Сэсянь и тшынася. Но мам син водзын — енмөй видз. Вөлі локтасны другъяс, куритөны гортын, а ме ог. Мам дырйи чигарка өзтылі сөмын армияө мунігөн, да и то гажа юрөн. Со неважөн училищеө гортысь воис посылка. Ичөтик сэтшөм ящик, гартыштөма дөраөн... И мый, чайтан, сәні вөлі?

Сметанин ланьтыштліс, виччысис, мый шуас Вагин, но мөдыс чөв оліс.

— Махорка. Дас пачка. Видзөдтө, ме гижлі төдсаяслы, мый училищевын вердөны бура, но табак кузя делөыс збыльысь табак. Со и гөгөрво сэсся найөс, мамъястө...

Сметанин ланьтіс. Сійө пукаліс юрсө ошөдөмөн, вөрзьевтөг, быттьөкө поліс, мый весиг нейджыд төв ру вермас разөдны сы син водзысь тайө ылыс да муса серпасьяссө.

Менам өртъяслөн мыгөръясыс заводитісны төдчыны енэж фон вылын. Сідзкө, югдандор. И збыльысь, юр весьтын ошалысь кодзувъяс лоисны пыр чусыдджыкөсь и чусыдджыкөсь. Сөмын на пиысь өти, коді вөлі дзик вөртас дорас, яра пөртмасис лөзоват рөмөн. Кор видзөдан сы вылө, мукөд кодзувъясыс быттьө сылөны-вошөны, а мыйөн видзөдластө вештыштан неуна бөкө, пыр жө аддзан уна мукөдъясөс, коть налөн югөрыс муртса-муртса писькөдчис татчөдз.

Весиг сизима кодзувлөн көшыс муртса чусалис, сійөс позис казавны сөмын бөжсяныыс неылын ярджыка озыысь Войвыв кодзув серти.

Со кодзувъяс пиысь өти, ас бёрсяыс биа бөж ко-
лиг, мөдөдчис мулань и здук мысти воши. Окота төд-
ны, кытчө сійө төвзё, мыйла? Сэки меным дум вылө
усины пөчөлөн висетьясыс. Сы ног артмыліс: быд
мортлөн — аслас кодзув, коді чужө мортыскөд тшөтш
и кусө мортыслөн олөм помасьөмкөд тшөтш.

И эг өтчид, пемыд арся войясө өшинь дорын пу-
калігөн либө төлын ывлаын сулалігөн, ме корсьлы ас-
сым кодзулөс. И со өні, передөвойсянь неылын васөд
му вылын куйлігөн, челядьдырся моз жө зіля корсь-
ны сійөс. Но тайөс вөчны абу кокни: кодзувъяс омөля
торьялісны өта-мөдсьыс. Но өд эскыны кө пөчөлы, то
сійө, менам кодзулөй, енэжас көнкө эм жө. Гашкө, эта-
йө менам, коді тай со неуна гөрд рөма? А, гашкө,
эсійө, муртса төдчысь кодзулыс? А, колөкө, со тайө —
усысысыс, бөжаыс?

— Вот эськө кыпөдчывны сэтчө,— гораа шусис ме-
нам.

— Кытчө?— чуймис Сметанин, но кор аддзис
енэжлань индысь киөс, пыр жө водзө нуөдіс менсьым
мөвпөс:— Тэа-меа, Юра, эг на пуксьылөй весиг само-
лөтө. Но коркө век жө видзөдлам, эм абу сәні, енэжас,
енмыс.

— Эк, мөвпъяс, мөвпъяс,— ышловзис Вагин,—
кытчө сөмын ті онө вайөдлөй миянөс! А кутшөм эськө
гажтөм вөлі олөмыс, шуам, морт кө эз вермы мөвпав-
ны, ветлыны думнас мукөд планетаяс вылө. Сергей,
колөкө, өні кутшөмкө ылыс планета вылын, но көть,
шуам, со эсійө пуйывса дзирдалысь чут вылас, татшөм
жө вөрүн ми моз куйлөны куим зон да виччысьөны
аскиа лунсө, медым...

Но Сметанин вомаліс ассьыс өртсө:

— А тэ качөдчыв сэтчө. Вермас лоны, сәні комму-
низм нин. Кольччан... А ми тані Юракөд кутам тод-
мышкавны фашистъясөс.

— А мый? И качөдчыла!— скөрмис Вагин.

— Первой видзөдлы ныр улад, мый сәсь аддзан.
Кортөм гөстъясөс! Оні колө налысь сьылідзирсө бер-
гөдны. А вселеннөяд коркө, дерт, кыпөдчасны...

Котөртіс асья төв ру, шарөдчыштіс пипу коръясөн,
гылөдіс на вылысь лысвасө. Өти войт веськаліс киө,
визувтіс-уси муө.

Босьтіс йирмөг. Ёртъяслы, буракө, тшөтш ыркыд
лои. Землянка өдзөс дорө вотөдз Вагин друг юаліс:

— А гортад письмөястө гижинныд?

— Мыйла?— вочавидзис Сергей.— Мамъяслы шогыс и миянтөг тырмө. Мед чайтöны, мый ми век на училищын. Збыльысь öд сідзи и лоö. Фронт выlö мөдөдігөн миянлы висьталісны: пöртанныд пö олөмө командованиелысь заданиесö и бөр воанныд, медым помавны училище. А заданиеыс абу нин сэтшөм сьöкыд, ме думысь. Со орчча полк талун орөдіс фашистьяслысь оборонасö, зырö найöс. Аски и ми ог кутö йөз киөн пуөм рок панявны. Сетан татчөс адрес, а лун-мөд мысти, гашкө, бөр Архангельскын лоам. Мед нин сэтчө чукөрмасны. Воам да ставсö öтпырйö лыддыам. Сідз, Юра?

— Сергей, татшөм делөясад кодсюрö и юрсö воштывлöны. Колö жö юөртны гортад. Лөкыс öд оз ло,— ме пыдди вочавидзис Вагин.

— Менам и медальонйö тыртөм. Он верит? Колökö, петкөдла. Олөмкөд торйөдчыны миянлы водз на. Колö на со, асьныд шуанныд, видзөдлыны, кыдзи олөны-вылөны мукөд планетаяс вылын.

Төдіс кө эськө Сергей, мый лоö ськөд недыр мысти...

Тайö вөлі август 28-өд лунся рытö, кор ми кывлім, мый орчча полксаяс, некымын училищыысь курсантьяс, ордөмаөсь немецкөй обороналысь некымын визь, кодъясöс фашистьяс, көнкө, лыддылісны жугөдны позьтөмөн. А аскинас, август 29-өд лунö...

КОМИ МУ

Пожӧма яг весьтӧ ӧшйӧма енӧжлӧн йирыс,
пыксӧма сылань веж кудриа юрнас быд пу.
Пармалӧн шувгӧмӧн, шондӧн, лысваӧн, сирӧн,
кылан, кыз кыпыда лолалӧ став Коми му.

Кодзувъяс, дивӧ кодь кодзувъяс дзоргӧны войын,
усьӧ кор эрд вылӧ юсь гӧнысь кокниджык лым.
Нывъяслӧн муслун да зонъяслӧн сывъясян сойыс
войвылын, шуӧны, пыр медся крепыд да пым.

Вӧралан ордымъяс кыссӧны уна виль карӧ,
кыйсьысьӧс виччысьӧ сӧн ӧмидз вом дора ныв.
Пожӧма яг весьтын сьыланкыв юралӧ бара.
Тайӧ том му йылысь шуда да том сьыланкыв.

Войвывлӧн мич тӧнад сьӧлӧмад век кежлӧ пырис,
сӧсся кӧть кытчӧ тӧ сы дӧнысь бокӧ он мун,
паметьсьыд куслывтӧм кыалысь серпас он бырӧд,
Эзысь Печоралӧн вынйӧрыс некор оз вун.

ЛЕНИН ОРДЕН

Оз важ вӧралысьлӧн ордым
талун тӧнӧ ну.
Морӧс вылад Ленин орден
ӧзйӧ, Коми му!

Ловзьӧм пармалы да юлы
бурджык шуд оз ков.
Тайӧ зарни шондӧ улас
мичмы пыр да ов!

Тӧнад помтӧм ягъяс весьтысь
воши вӧвлӧм шог.
Ӧтвыв виль олӧмсӧ лӧптам
уна чой да вок.

Гора юөр тэрыб борднас
кытшовтис став му.
Морос вылад Ленин орден
өзйө, Коми му!

АСЫВ

Тэ он төд, кыз садьмө асыв,—
узян вывти дыр!
Шонди петан тайө часө
ставыс шудөн тыр.

Сэтшөм сьөлөм висьөм овлө,—
кодi оз бурд нэм,
медся дона менам ловлы
чужанin и эм.

Вөр ди пөлөн ордым мунө,
көнi сылөн пом?
Некор тэнө ме ог вунөд,
муса Катыдпом.

Пета сиктысь, сөстөм шорсянь
вуджа лыдтөм кыр...
Гора томлунөс ме корся
вөр ди боковысь пыр.

* * *

Кутшөм паськыд тэ, Россия,
миян чужан му:
мича карьяс, зарни бияс,
лыдтөм шор да ю!
Коймөд лун нин водзө нуө
көртывь дорөм вөв.
Миян бөрся сөмын пуө
лэчыдалывь төв.
Пуяс котөртөны воча,
нюжөдөны ки.
Төда комиөн и рочөн
дзик быд турун сi.
Сьөлөм пытшкын ловйөн кольө
налы вөчлөм дой.

...Харьков, Курск да Гуляй-поле,
уна сьӧкыд бой.

Югыд асыв помтӧм эрдын,
лысваасьӧ му.

Отнас ланьтис кӧрт туй бердӧ
ыджыд братскӧй гу.

Тані, пӧрысь тополь улын,
узьӧ коми зон.

Ог, ог тӧд ме тайӧ мулысь,
кыдзи мамлысь, дон!

ПАРМА ВӐРЫН ЭМ ЁЛЬ...

Парма вӧрын эм ёль,
Енэж синъяса друг,
Му шар вылысь кӧть
корсь,—

Сыысь сӧдзджык оз сюр.

Ичӧтдырсянь пыр тэд

Сійӧ вӧлі бур вок:

Юкин сыкӧд пыр тэ

Ассьыд радлун и шог.

Ыджыд пожӧмлысь сэн

Йывсӧ синнад он судз...

Ой, да тайӧ и эм

Миян шуда, том му!

Ёлькӧд торъялін тэ,—

Бойӧ корис страна,

Но походъясын век

Видзин фляжкаын ва.

Эзысь тельгӧмсӧ пыр

Кылін тышын, боец,

Ельысь юны ёсь штык

Враглы вом тыр эз сет.

Смел салдатлӧн кузь туй

Вӧлі сьӧкыд да скӧр.

Югыд радлунлысь шуд

Татчӧ вайин тэ бӧр.

Тэнӧ помнитны пыр

Кутас вӧльнӧй поляк,

Медся бур сьыланкыв

Сиӧ чех да словак.

Парма вӧрын эм ёль,

Енэж синъяса друг...

Мыйта чукӧрмис, ёрт,

Миян кияслы удж:

Колӧ стрӧитны кар,

Ягын писькӧдны туй,—

Эзысь ёль дорын, тан,

Лоӧ выль лесопункт!

Но не вунӧдны тэд

Сійӧс, кодӧс оз позь:

Вӧвлӧм воинлӧн век

Порох сьӧлӧмас кос!

Уолл-стритса банкир

Вынтӧм пӧльтны пӧжар,—

Сё миллионъяслӧн ки

Лэптӧ вывлань звезда,

Став Европа пыр тэ

Кодӧс нуин, кызд флаг.

Парма вӧрын эм ёль,

Енэж синъяса друг,

Виж пилоткаа морт

Кутӧ сыланьӧ туй,

Виж пилоткаа морт

Дорйис батьяслысь му...

Сиам тӧян, кык вок,

Помтӧм нэм да бур шуд!

ДАС ӨТИ ЗОН ЙЫЛЫСЬ БАЛЛАДА

Сиктын быдмисны дас өти зон,
Быдөн на пөвстысь статья да ён:
Куим Микол, кык Петыр да Миш,
Митипор, кык Ёгор да кык Гриш.
Өти пөрөдіс пармаын вөр,
Мөд зон радейтіс агас да гөр,
Коймөд весь овны сідз жө эз куж,—
Быдөн ичөтсянь радейтіс удж:
Куим Микол, кык Петыр да Миш,
Митипор, кык Ёгор да кык Гриш.
Воис зонъяслы гөтрасян кад,
Но лёк враг торкис олөмлысь лад;
Өти-мөд бөрся,— төданныд он?—
Бойө мунісны дас өти зон:
Куим Микол, кык Петыр да Миш,
Митипор, кык Ёгор да кык Гриш.
Шогсьө Эжвакөд тшөтш чужан вөр:
Зоньяс гортаныс эз воны бөр,
Весиг висътавны некод оз куж,
Көні корсисны аслыныс гу:
Куим Микол, кык Петыр да Миш,
Митипор, кык Ёгор да кык Гриш.

Кыа сикт весьтас важысь на сэзь,
Пемыд кымөрлысь вуджөр оз лэдз.
Медым му вылын пыр вөлі мир,—
Найө сы вөсна кисьтісны вир:
Куим Микол, кык Петыр да Миш,
Митипор, кык Ёгор да кык Гриш.
Найөс казътивны кутасны нэм,
Паметь на йылысь кадыс оз вен.
Орччөн сувтісны,— аддзанныд он?—
Некор кувлытөм дас өти зон —
Куим Микол, кык Петыр да Миш,
Митипор, кык Ёгор да кык Гриш.

ПАРТОРГ

Парторг оз узь,
коть важон шойччан кад
и бара узытөг
кольо сылон войыс:
выль вахта выло муно
выль отряд,
кызд петоны салдатыяс
ыджыд бойо.

Тан збылысь бой,—
и би, и гым, и тшын,
и уйоны бульдозеръяс
пыр водзо.

Мед ворыс помтом,
муыс измом кын,
но Вуктыл восна
ставсо сетны поззо...

И сийо пето
вой уло жо тшотш
партийной кывйон
сыломьясодз воны.

Мед енеж шорас
кынмо Ыджыд Кош,
а сылон оти кывйысь
йозлы овло шоньд.

И, ковмас ко, оз шу,
мый босьтис мудз,
коть они каяс
джуджыд вышка йылөдз,
кон чизыр вой тов
сы моз жо оз узь
да парма вылас
скораломон сыло.
Бурильщикьяслы
сетома приказ
дзор Вуктыл гырко
уна бурон пырны,
мед ыджыд вынон
сэни пессысь газ
и енеж вевтсо
шонтыны тшотш тырмис.
Ме тода: сьокыд зэв,
но некодлы парторг,
мый сьокыд,
сы йылысь оз висьтав...
Эм Му шар вылас
медся сьокыд мог —
мог лоны
коммунистон.

РОДНОЙ Ю ДОРЫН ДУМЪЯС

Август төлысса войяс миян Комиын дженьыдось, но и сэки, ичотысянь тодса ю дорын прөст кад коллялігөн, юрө волоны сы мында думъяс, мыйта он вевъяв лыддыны книгаысысь быдса вежонөн, гашкө, весиг төлысьөн.

Буртор — мортлөн паметь. Сійö вермө ас пытшкас өктыны нэм чөжөн кывлөм и аддзылөмторъяс да колана кадө вайөддыны тэнö тöрытьяс и ылі вajas, сувтöдны син водзö бөрö кольөмсьыс сэтшөм серпасъяс, кодъясöс öдвакө сяммас рисуйтны весиг медся бур художник.

Коми республикалы нелямын арöс тырөм водзвылын ме важ бöрын выльысь веськалі рöднöй Ухта ю дорö. Татчöс местаяс меным тöдсаöсь саксянь, кор, шуны кө коми поэт Нёбдинса Виттор кывъясөн, «муртса сувті ас кок йылö». Сэки öнiя Ухта кар местаын шувгис сьод вөр, а ю берегъясас көнъясынкө куйлісны миян дедъясөн да батъясөн вöрыслысь мырддьöм векни ластаяс, видзторъяс. Матрос керка, Лекар керка, Арсен керка — тадзи юклісны ю вомсянь ю йылöдз татчöс местаяссö. Тайö керкаясас арын кыйсьывлісны, а төлын вөр лэдзлывлісны миян дедъяс, батъяс, ыджыд вокъяс. Тайö керкаясас көдзыд зэрысь да чизыр төлысь дзевсьывлісны туй йöз, визув Ухталысь, Шомуквалысь да Емвалысь кузьтасö вомсянь йылöдз да йивсянь вомөдз зібйөн мерайтлысьяс. Тайö керкаясас войкежлö поздысьывлісны татчöс олысьяс, кодъяс быдтулыс помын пыжөн ветлывлісны Емдинö няньла. Отарö куимсё сайö верст да мөдарö сы мында жö.

Тайö абу легенда, кодöс кывлывлан курорттын шойчигөн «Коварство и любовь» либö кутшөмкө мөднима замок дорын, а ловъя история. Ловъя история тшöтш и сійö, кызди миян дедъяс Изьва кузя матö кыксё верст сайысь, сьöрсьөн-бöрсьөн öтиöс мөд динö домалөмөн, ва паныд бечеваөн кыскывлөмаöсь ниа пуяс, тадзи жö катөдлөмаöсь Ухта кузя, медым Шомукваөд петкөдны Емва вылö, кылөдны Емва, Эжва да Двина юяс кузя Архангельскöдз корабляслы корпус вылö.

Миян пöльяслөн да пöчьяслөн, тыдалö, абу тырмывлөма сямыс лөсьöддыны быдсяма легендаяс. А по-

зис эськӧ, шуам, лӧсьӧдны легенда сы йылысь, мыйла Ухта да Емва юяслӧн ваыс синва кодъ сӧдз: найӧ арт-мӧмаӧсь нэмъяс чӧж тані кисьтӧм синваысь да пӧсьысь — та вӧсна и ваыс налӧн синва кодъ сӧдз: морт подыйтӧминысь ю пыдӧссьыс позьӧ ем корсьны.

Тӧдӧмысь, абу коланлун лӧсьӧдлыны легендаяс ӧні, кор олӧмыс ачыс легендасьыс легенда. Ыджыд шуд уси миян поколение пай вылӧ — быдмыны, сӧмвмыны да уджавны выль кадӧ, сӧветскӧй кадӧ, кӧть важыслысь колясьяссӧ тӧдам ог куш гырысьджыкъяслӧн казтьылӧмъяс да книгаяс серти, а вевъялім мыйсьюрӧ аддзывны асланым синъясӧн. Гашкӧ, та вӧсна и меным кык пӧв окота гожся асывсӧ паныдавны рӧднӧй юлӧн джуджыд кыр йылын, выльысь видзӧдлыны, кызди садьмысь шондіыс быйкнитӧ ылі керӧс сайысь, став матігӧгӧрсӧ мавтыштӧ зарниӧн, му вылӧ вайӧ шуда выль лун, окыштӧ став ловъясӧ и ловтӧмсӧ да заводитӧ ӧшкамӧшка рӧмъясӧн ломавны быд лысва войтын.

Кӧсьян кӧть он, татшӧм здукъясӧ паметяд быть ловзӧны первой коми поэт Иван Куратовлӧн сёысь унджык во сайын, гашкӧ, буретш сійӧ сьӧкыд кадас, код йылысь ми сӧмын на гаралім, «Пемыд» кывбурын гижӧм кывъяс:

Мортлы дзескыд пемыдын...

Шонді пет мысьт, быдсӧ таті

Паськӧдас тай... тіяны!

Лолыштанныд кокныда ті!

Петас, вокъяс, шонді-й тан!

Ме нин аддза — рӧммӧ ылын...

И енвевтса лысваыс

Югйыштас сэк шонді ылын!

Буретш миянлы веськӧдӧма тайӧ некор кувлытӧм пӧсь кывъяссӧ. Сьӧлӧм нимкодьясьӧ, кутшӧм ылысь да ясыда вӧлӧм аддзӧны шуда олӧмсӧ ыджыд поэтлӧн сюсь синъясыс! Великӧй Октябрлӧн югыд шондіыс, кодлысь рӧммӧмсӧ Куратов аддзис ветымын вит во войдӧр, петіс миян му весьтӧ некор лӧччывтӧм вылӧ, ставсӧ паськӧдіс тшӧтш таті, ылі войвывті. Буретш ми, поэтлӧн потомокъясыс, сылӧн вокъясыс лолалам талун кокныда, долыда!

Вермас лоны, Ухта карса ӧнія том йӧзлы мукӧд дырйи кажитчӧ, мый ставыс тані нэмъяс чӧж тадзи и вӧлі: удж вылысь воӧм бӧрын газӧвӧй ли электричскӧй плита ылын дасьты сёян-юан, тэрмасьӧмӧн нуръясьышт, мед не сёрмыны театрӧ либӧ стадион вылӧ;

окота кӧ, видзӧд кино (карса некымын кинотеатрын кутшӧмкӧ сеанс вылӧ век нин позяс судзӧдны билет); гожся лӧнь рытӧ мусукудыкӧд либӧ другъясыдыкӧд позьӧ гуляйтыштны паркын, а сӧсса колльӧдчигмоз прӧйдитчыны Мир ли кутшӧмкӧ мӧд улича кузя; жар поводдя дырйи верман ыркӧдчыштны Октябрьскӧй площадь вылын рытъя шондӧ водзын уна рӧмӧн пӧртмасысыс фонтан дорын. Зӧра кадӧ верман и некытчӧ не мунны: кинотӧ видзӧдны либӧ лекциятӧ кывзыны позяс гортын, телевизор дорын. Ставыс тайӧ ӧнӧ эм. Ставыс тайӧ том йӧзлы кажитчӧ быд лунъяӧн, кодъястӧг оз гӧгӧрвосыс войвывса нефтяникъяслӧн мича ыджыд карын олӧмыс.

А Ухтаса важ олысыс тӧдӧны: эз тадзи вӧв дас — дас вит во сайын, огӧ нин гаралӧ комын во йылысыс, кор эз вӧв ачыс Ухта карыс.

Унатор аслас нӧмын аддзыліс Ухта. Кыксӧ во чӧжӧн унаыс дуль васӧ пычкыліс сылӧн му пытшкын дзѳбсысыс озырлуныс. Прядуновсянь заводитӧмӧн да Гансбергӧн помалӧмӧн, нефть корсигӧн уна бур мортлӧн «вӧрзис гӧйыс»: не ӧтка энтузиастъяслӧн пинь серти вӧлі тайӧ чорыд лысыс. Ухта кар центрсянь ю катчӧс комын километр сайын ӧнӧ сулалӧ мича ыджыд посӧлок Водной, кӧнӧ кывзыннас олӧны Комиэлектростеатит заводса уджалысыс. Тайӧ посӧлок местаас Сӧветскӧй власть воясӧ нин сулалісны бурӧвӧй вышка да гоз-мӧд посныдык стрӧйба, инженер-геолог А. Г. Гансберглӧн став «наследиеыс». Кызь во смел энтузиаст пиньнас и гыжнас пискӧдчис войвывса озырлунъяс дӧнӧ, но и сылы ковмис ӧвтыштны кинас, прӧщайтчыны сӧйӧ местаяскӧд, кӧнӧ, паськыд мирысыс орӧдчӧмӧн, колляліс том, бур кадсӧ.

Жаль, мый миян быдмигӧн эз вӧвны, ӧнӧ том йӧзлӧн моз, фотоаппаратъяс да эгӧ кужлӧй вӧдитчыны наӧн, та вӧсна ӧнӧ лӧӧ важ йывсысыс висътавыны сӧмын кывйӧн.

Ру пыр моз син водзӧ сувтӧ, кыдзи первой мирӧвӧй война воясӧ нин Чибью вом горулын, Ухта ю бокын, артмис куштор, кыптис бурӧвӧй вышка, кочегарка, кузнеча да кык ичӧтик барак. Не кӧ артавыны Матрос покойниклысыс вӧралан банькасӧ, тайӧ вӧлі ставыс, мый удитлісны кык-куим воӧн сӧки танӧ вӧчны да мый вичмис ӧнӧ Ухта местаын том Сӧветскӧй государстволы.

Эз на удит лӧньны гражданскӧй войналӧн гым шыыс — великӧй Ленин тшӧктис корсыны Ухта йылысыс

материалъяс, сәсся сылөн индөд серти Чибью вомө бара овмөдчисны нефть корсысыяс. Тайө вөлі нелямын во сайын, Коми автономия чужан воө. Төрүгтяёс моз помнита, кызди ми, Усть-Ухтаысь зонпосни, школьникъяс, сәки арся йи кузя подөн кыссылим татчө, медым асланым синъясөн видзөдлыны волшебной би — электричество. Тайө культпоход дырйиыс и видзөдим ми асланым нэмын медводдзаясь кино.

Во-мөд сайын ме тані жө, Ухта карын, медводдзаясь видзөди широкоэкранный кинокартина, а төрыт пукалі нелямын во сайын миянкөд Ухтаө экскурсия вылө волысь важ друг ордын, телевизор дорын, сыкөд отлаын видзөдим ухтаса труженикъяс йылысь кинокартина да шензим, кутшөм өдийө, мойдса йөзлөн моз, вежсьө миян олөмным.

1923 воын бара на куслі өния сөветскöй Ухталөн олөмыс. Вывті уна вөлі тайө кадас Россия-матушка морөс вылын сизим вося война бөрын восьса ранаыс, кодъясөс коліс бурдөдны. Прамөй туйястөг да техникатөг эз позь писькөдчыны войыв тайгаса нефтьөдз да газөдз, а сьөмыс да уджалан выныс сийө воясө өнджыка колісны мукөдлаын. Быть лои мыйкө дыра кезлө эновтны буритчан скважина и став мукөд уджъяс. Öния кар местаын ми не өти гожөм на ытшким да куртім асланым бать-мамкөд, чой-воккөд.

Тадзи кыссис 1929 воөдз. Ми удитім лоны верстьө йөзөн. Индустриализациялөн да коллективизациялөн гыс заводитіс писькөдчыны тшөтш Коми пармаө. Пансисны сёрнияс колхоз котыртөм йылысь, но тайө воө усть-ухтаса крестьяна, унджык мукөд сиктясса крестьяна моз жө, олісны асланыс китыра овмөсөн на.

Ухта йывланьын паськалісны нин вөр лэдзан уджъяс. Асланым видзторъяс вылын удж эштөдөм бөрын ми, том йөз, медасим Комилеслы турун пуктыны да пыжъясөн мөдөдчим Ухта кузя. Покойниклөн гортъясөн кажитчисны Чибьюын тыртөм важ баракъясыс, а куштор шөрын чурвидзысь вышкаыс вөлі гувывса эндөм памятник кодь. Сиктын кывсис, быттьөкө море пыр Чибьюө локтөны выль йөз, но омөля веритсис: вывті нин унаысь таөдз Ухта юлөн вожъяс бокрын пансьылісны бурөвөй уджъяс да кусліны!

А бөр локтигөн эгө эскө асланым синъяслы. Чибью вомса кушины гысны йөз. Важ баракъяскөд орчөн сулалісны уна лыда еджыд палаткаяс. Веськыда лыа кырйө кодйөм пачьяс весьтын руасисны ыджыд пөртъя-

яс, воом йёзлөн «фабрика-кухняыс». Съёкыд вёлі думыштны, мый тайё и эм талунья ыджыд Ухталён, промышленной Ухталён заводитчёмыс.

Оні, лонь асья часьясё, ме видзёда рёдной край вылө и шензя, кутшөма ставыс вежсьөма, гөгөр паськалөма, ю дорысь бёрынтчысь вёрыс сетөма места каргөгөрска промышленной районьяслы, выль посёлокьяслы. Не кө юдорса джуджыд керөсьясыс, асья шонді улын, ки пыдөс вылын моз, тыдалісны эськө Ухтакөд орччөн быдмөм выль кар Сосногорск, Ижемской сажевой заводьяс, Сосновка, Сангородок, Ярөга, Водной да мукөд посёлокьяс, көні олоны да уджалөны не өти дас тысяча морт.

Өти здук кежлө оз ланьтлы тані кыпыд оломыс. Эз на удит гөрд рөмсьыс мездысьны асья шонді, а карлөн рытив-войвыв районын шыасисны нин бульдозерьяс, гырысь выль стрөйбаяс весьтын өтарө-мөдарө гоннялісны башенной краньяслөн ажурной стрелаяс.

Ю сайті чушкиг-пошкигтыр лунвылө гримөдіс из шом тыра тяжеловесной кузь состав. А со и, бөрсьыс съөд тшын бурси койигтыр, Ухта станция дорө лунвывсянь матысмыны мөдіс Москва — Воркута поезд. Нелямын во сайын, татчөс олысьяс пивысь, салдатө да ылі заводьясө ветлысьяс кындзи, өдвакө кодкө аддзыліс көрт туйсө, а өні поезднад он нин чуймөд не сөмын татчөс, но и сыктывкарса олысьясөс. Дум вылө уси тешкодь случай. Дзык на неважөн Княжпогостын сёрнитісны шөр арлыда кык нывбаба, сёрни ног сертиыс Емва вожсяс.

— Котласской вылө билетыд кокниджыка сюрас, мунам сійөн,— вөзйис өтиыс.

— Нужда вөлі корысьяс моз сувтавын быд чом да сарай дорө,— нырсө көрліс мөдыс.— Пуксям московской скорөйө!

«Важөн-ө воськовьяснад мерайтлінныд емваса чом костьяссө!»— думышти ме, но шуны нинөм эг шу, мед не торкны нывбабаяслысь настроениесө.

Московской поезд Ухта станцияө сувтлө сөмын гозмөд минут кежлө. Сійө регыд вөрзьөдчас, мөдас шуркйыны войвылө, каттыны верст лыд. Окота мөдөдчыны тшөтш. Час джын мысти эськө ме шуркнита рөдной сикт дорті.

Чужан сикт! Коркө тэнө лыддывлісны чөрт кулигаөн, кытчө сукар мешөктөг он веськав Изьва погостсянь, Емва вывсянь ни Эжва йывсянь. Оні тэ лоөмыд

сэтшөм матын дай кык пөв быдмөмыд, шаньмөмыд, лоомыд карбердса сиктөн. И быдтасьясыд тэнад лоомаось мөд йөзөн: өтияс уджалоны совхозын, мөдьяс — квалицированной нефтяникьяс, сажевикьяс либө железнодорожникьяс, коймөдьяс велөдоны школаясын либө лечитоны йөзөс, нельөдьяс көнкө велөдчоны, чукөртөны төдөмлуньяс. Великой Октябрлөн югыд шонди дугдывтөг койө югорьяссө тэ вылө. Гашкө, та вөсна ми өни весиг мукөд дырйи вунөдчывлам, мыйөн вөвлім да мыйөн лоим.

«Интереснө, не кө Октябрьской революция, көни эськө мый ми вөчим өни», — кызкө друг татшөм мөвп рөднөй ю дорын воис юрө.

Збыль өд, не кө Ленин да Великой Октябрь, көни мый вөчим эськө өни ми, менам муса землякьяс? Төдөмысь, таялім эськө дедьяслысь да батьяслысь тшыг нисьө пөт олан да озырьяс вылө уджалан туйсө.

Пукси кө поездө, Сосногорскын час джын сулалөм бөрын, эськө ме, комфортабельной вагон өшиньысь синьяс вештывтөг, мөдөдчи рөднөй Коми му кузя водзө войвылө. Ми ичөтысянь радейтлім декламируйтны да сьывны Михаил Лебедевлысь «Коми му» кывбурсө.

Коми му кузя ме муна,
Гөгөр сулалө сьөд вөр.
Вөрыс вывті, вывті уна,
Сыысь унаыс оз төр,—

висьтавсьө тайө кывбурас. Вөрьяс да нюрьяс — со мый вөлі медся төдчанаыс сэкса Коми мулөн. Дерт, вөрыд и өни мяян республикаын тырмымөн, но тайө вөрыс ловзьөма, горалө кыпид удж шыөн. Дай кузь туйясыс абу нин сэкса кодь сьөкыдөсь да помасьлытөмөсь. Кыдзи выль станция, сідзи и ыджыд выль посёлок. Сосногорскысь петөм бөрын вит-квайт час мысти ми волам Печора карө, мөд сы дыра мысти прөйдитам Интаті, а рытнас лоам заполярьеса горнякьяслөн ыджыд карын, Воркутаын. И бара оз эскыссы, мый тайө матө кыксө тысяча морт лыда промышленной карас первой олысьясыс воисны Коми автономия кытыртөм бөрын дас во мысти.

Ловзьөм край — сөмын татшөм ним позьө сетны талун коркөя бөрө кольөм Коми крайлы.

Регыд Коми АССР-лысь паськыд мыш вывсө гиж-йөдласны выль көрт туй визьяс, выль нефтепроводьяс,

газопроводъяс. Матыса воясö нин Ухта районын кыптасны выль гырысь промышленной предприятияяс.

Стаыс тайö сәни, кöни дзик на неважөн шуштöма шувгыліс вөр, кытчö шочника тувчывліс мортлөн кокыс. Дзоридзалö войвыв. А сьлөн дзоридзьясын, кыдзи ва войтын шонді, петкөдчö республикалөн, ставнас страналөн кыптöмыс.

Август, 1961 во

НАРОДЛОН БИОГРАФИЯ

(Октябрьскöй социалистическöй революциялы
40 во тырём кузя)

Дзоля ва войт төрөдө ас пытшкас дзоньнас шондисө, ичөтик факт мукөд дырйи висьталө общественнöй оломын төдчана явление йылысь. Некор оз вун челядьдырся өти серпас, кодi өни меным кажитчө зэв характернöйөн, пöшти символическöйөн.

...Прөстöй крестьянскöй керкаын начальнöй школа. Рытъя рөмыдын омөля нин төдчöны ляпкыдик партаяс. Гуын кодь лөнъ. Шарөдчöны төрөканъяс. Шкап улысь петисны шыръяс — корсьöны челядьөн чирйөм нянь крөшки. Друг өти парта сайын кодкө вөрзыштіс, мөд сайын сьöкыда ышловзис, коймөдын — кутіс кыскыштавны нырнас. Дай кызди он бөрддзы, кызди он ышлолав? Колисны «безобедаө», а лэдзнысө вунөдисны. Гөгөр игналөма — он пет!

Мыйысь нө йөртисны найөс? Гашкө, ыджыд мыж вөчөмысь? Али тайөяскөд оз позь мөд ногыс?

Найө мыжаөсь рөднöй коми кыв школаын шуөмысь. Рөднöй кыв шуөмысь? Кодөн «чой-вок сёрнитöны, аймам бурсиöны»? Кодлысь муса горалөмсө быд коми морт кывліс аслас «люлю дiнын» и вунас сылөн сийö «сöмын дзеванинын»?..

Школьникъясөс колисны татчө и роч кыв төдтөмысь.

Инспектор юалис: «Как говорит корова?»

Но и тешкодь инспектор! Мөскыс өмөй сёрнитлө? Сийö өд сөмын баксыны кужö.

«Корова говорит: «Ба-а-а!» И, дерт жö нин, оз шу: «Му-у-у!» Мөскыдлы өткодь му көть ва.

«Ну-с, а чем метут пол?»

«Метут»? Мый и лоө тайö «метутыс»? Навернө, позьö метитны урлы моз. Кыйсьысьлөн пи тайөс бура төдө.

«Чем метят? Глазом!»

Вот сэсся и пукав өни чижевказын моз. А бать-мамыс, көнкө, видöны нин — некодкөд ордны пес чурка, некодлы нуөдлыны юкмөс дорө вөв. «Збыль өмөй ве-

лөдчөмүд абу ми воклы? Од прөста батыясөс оз видны югыд кизяяс: «Болван! Тупица! Идиот!»

И пукалоны найо, велөдчоны... лоны рамон, полысшон, асланыс вынлы да кужомлунлы эскытомъясон. Инспекторыяс весиг думыштыны эз косьиыны, мый посни коми челядьос роч кывийо велодны коло родной кыв пыр.

Вежорын оло и мод сикас серпас — горд флагъяса Великой Октябрь, народъясос мездысь, народъяслы вына бордыяс сетысь социалистической революция. Граммис родной кыв вылын сыланкыв:

Гажаджык, коми йоз, олой,
Шогсыны, бордны оз ков...

Набато кучкомысь моз юробтис тыш выло чуксалысь «Горд звон» кывбур. Уна «комтом Карп», кодыяс выло надейтчылис поэт Иван Куратов, и найо заводитисны не сомын «лыддысьны да гижны рама», но и йитисны асьыныс тыр голосьяс выль культура кыподан делбын.

Литературао ме локти сийо воясо, кор воли помасьома нин сидз шуяна «культурной революция», кор портисны оломо первой пятилеткалон планъяс, мунис «социализмлон став фронт пасьта наступайтом».

Тайо кад кежло коми литература лои нин кызди общественной явление, и та йылысь миян литераторъяс висьталасны бурджыка. Меным окоата тодчодны модтор, тодчодны сийо условиеяссө, кодыяс не сомын садьмодисны «ером, дором», «безобедао» кольом народос, но и сетисны сылы сюсьлун, аслас выньясо эском.

Кутшом воли Октябрьской революцияодз биографияс коми уджалысь йозлон?

Оломыс мунис «колдуйтом кытш» кузя. Пи «тувчалис» баты кок туйод пошти сэтшом жо ногон, кызди тайо батыс олис аслас батылысь олом сер — экономикаын, культураын, бытын. Дас окмысод нэмын сыктывдинса крестьянин водитис кодза муяссө сэтшом жо примитивной, кызди сийос парсавлисны найос дас квайтод нэмын на. Эжва дорын олысьлы воли откодь сьокыд веськавны Печора выло и Степан Пермской кадө, и миян нэм заводитчигон.

Ота-модсьыс пемыд ворон торийодом голиник грездыяс да волостьяс, грамота пыдди быд овмослон родовой «пасьяс», медицина пыдди знахарьяс да коновальяс, тодомлуньяс пыдди мойдыяс — со неиджыд юкон сийо

олөмысь, коді кыссис сійö кадö нин, кор водзынджык муньсь народъяс тырвыйö пöльзуйтчисны цивилизациян.

Вöлі-ö кöть неыджыд прогресс? Да, вöлі, Сійö эз вермы не лоны сы вöсна, мый выль экономической отношенияс, кодъясöс чужтис капитализм, дугдисны лöсявны бөрö кольöмкөд, патриархальщинакөд. Но тайö вöлі стихийнöя водзлань кыпöдчöм, и, сэтчö жö, сэтшöм ньöжйö, мый колис зэв ыджыд исторической кадколаст, позьö шуны, дзонь общественно-экономической формация, а патриархальщина, полудикость сідзи и эз бырны. Царизм не сöмын эз кöсйы кыпöдны аслас империялысь окраинаяссö, сійö весиг эз вермы кыз колö используйтны найöс сырьевой базаяс пыди. Царской Россия вöлі ачыс вывти слаб да бөрö кольöм.

Дзонь народлөн биография йылысь сёрнитигөн оз позь вунöдны и сы йылысь, кыззи сылөн медбур представителъясыс зілісны отсавны народыслы быдмыны да сөвмыны, лоны озырджыкөн, культурнöйджыкөн. Тані мунö зэв сложной тыш и медся водз сöмын на чужысь местной интеллигенция пövстын. Öтияс на пытшысь, кыззи сійö жö поэт-просветитель Иван Куратов, революционнöй выступленияс котырталысь Дмитрий Балин, сувтöны трудовöй масса дор, мөдьяс либö отсасьöны нартитан строй ёнмөдны либö дорйöны патриархальной устояс. Мунис сійö жö процессыс, кодöс ми аддзам революцияөдзса Россияын и мукөд народъяслысь. Демократической сяма коми интеллигенция мыджсис россияса да рытивывыв странаясса прогрессивной идеяс вылö. Налөн прöтивникъяс — буржуазно-помещичöй официальной политика вылö. Страшно сьöкыд вöлі первойясыслы. Тайö сьöкыдлун йывсьыс И. Куратов гижліс аллегорической сяма кывбур «Пыж», көні образнö петкөдліс и передөвöй мортлысь кöсйöмъяссö и сылысь сэкся трагедиясö.

Асьсö Куратовс вöлі мырдысьөн торйөдöма рөднöй народ дінысь. Д. Балин эз öтчыд пукавлы царской тюрьмаясын. Но найö эз вöвны öтнаныс. Октябрьской революцияөдз на коми уджалысь йöзлөн вöліны вернöй другъяс, кодъяс отсалісны налы и быдмыны, и сөвмөдны налысь национальной самосознаниесö. Тайö вöліны политссылнойяс да роч прогрессивной интеллигенциялөн представителъяс. Öтиясыслы тайöс ковмис вöчны гусьөн, унджыкысьсö синмö шыбитчытöма, ёна видзчы-

сьомён. Мөдъясыс смела гижисны да йёзёдісны ассыныс статьяс да очеркъяс центральной прессаын не сөмын сы йылысь, кызди коми уджалысь йёзёс нартитисны вевсьён куим пөв,— найё ошкисны комияслысь и бур качествомсё: удж радейтём, честность, природной сюслун да чуксалісны найёс садьмыны. Татшөмөсь П. Засодимскийлөн, Ф. Арсеньевлөн, Н. Надежинлөн гижөдъясыс.

Колө кутны төд вылын и сэтшөм факторъяс, кызди өти народлөн мөд народъяскөд волысьөм, водзынджык мунысьяслөн экономика да культура кузя бөрө кольомаяс вылө влияние, Россия пасьта мунысь революционной событияес.

Комияслөн тайё волысьөмъясыс петкөдчылісны нажөтка вылө — Уралө пес пилитны, Сибирё вурсьыны да гындысьны — массөвөя ветлөмын, вузасьөм-ньобасьөмын, салдатскөй службаын, революционной выступлениясын, кодъяс век нин вөлі йитчөмаөсь Россияын мунысь крестьянскөй волнениескөд да рабочөй класслөн революционной кыпөдчылөмъяскөд. Пример пыдди позьё вайөдны дас өкмысөд нэмын Изьваса, Кулөмдинса, Сотчемса кыпөдчылөмъяс.

Став тайё вылынджык индөм факторъясыс вочасөн озырмөдісны коми народлысь биографиясө, паськөдісны сылысь кругозорсө, кыпөдісны сылысь революционной самосознаниесө. Сідз, дас өкмысөд нэмын Кулөмдинса восстаниеөн веськөдлысь Гавриил Попов да сылөн ёртъясыс лоисны кызьөд нэм заводитчигөн изьвайывса партизанъясөн, Домна Каликоваясөн, Удоратинъясөн, уна тысяча революционной салдатъясөн.

Народлысь историясө позьё висьтавны выль поколениеяслы уна ногөн: историкъяс — политической кывйён да лыдпасьясөн, археологъяс — материальной культура колясьяс серти выводъяс вөчөмөн, поэтъяс — асланыс сьөлөм пыр сөдзөдөм художественной образьясөн, прозаикъяс — эпической сяма повестьясөн да романъясөн. Но насянь ставсянныс требуйтчө өтитор: историялөн достоверность, правдивость. А тайё нин ачыс корё гижысьясянь и колана культура да кругозор, и событияессө бура гөгөрвоны кужөм. Сыын и ыджыдысь-ыджыд төдчанлуныс Октябрьскөй социалистической революциялөн, мый сійё не сөмын мездіс уджалысь войтырөс экономической да социально-правовой нартитөмысь, но и лөсьөдіс вөвлытөм на условияс налысь духовной мирсө озырмөдөм вылө.

Менам арлыда поколение быдмис царскöй строй дырйи. Вьль мир лöсьöдигөн сийö вöли либö активнöя участвуйтысьöн нин, либö тыр вежöра свидетельöн, коды бöрынджык эз ковмы вöчавны ни пöрысь йöзкöд встречаяс, ни дзуглыны вьльсö важыскöд. Шуны кö образнöя, тайö поколениеыс отсасис нин важ керкасö косялигөн да вьль керкаыслы подуvsö тэчигөн, а лэптыны вьль стрöйбасö, вöчны сылысь пытшкöссö кызвын-нас ковмис сылы нин.

Сöветскöй морт первöйөн мир кодыс эз повзьи мöдöдчыны некодөн на ветлывтöм туйöд — практика вьлын пöртны олöмö человечестволөн медся бур вежöра йöзлысь югыд мечтасö. Та ради сийö эз жалит нинöм, весиг ачыс асьсö, унаысь эз узьлы пöттöдзыс, öд колис вöчны ыджыдысь-ыджыд удж: кыпöдны «чертовскöя бöрö кольöм страналысь» экономика, культура, транспорт, ставнас олöмсö; суöдны да панийыны дзонь госу-дарствояс; ни öти минут кезлö вунöдлытöг лоны пыр дасьөн асьсö дорйыны пытшкöсса и ортыса вөрöгъясысь. Овлis, эз пöттöдз сөйлы, эз пасьтасылы, кыдзи эськö вöли окота: öд озыр олöмыд кисьмывлö бöрас-джык. Эз пыр аддзыв кад шойччыны: колö вöли уджавны тэрмасьöмөн, уджалигмозыс велöдчыны. Но сийö венis ставсö, ещö на вылöджык кыпöдис уджлысь «чарлаа да мөлöта» знамясö; ярьюгыдджыка кутисны ломавны Кремль весьтын рубинöвöй звездаяс, кодыяслөн ловзьöдана югöрыс йиджис му шар вьлын олысь уна миллион йöз сьölöмъясö, ышöдис найöс водзö лоан бур-джык олөм вылö. Сöветскöй народ, асьыс вьль олөм стрöитигmoz, весалис туйсö не сöмын аслыс водзö мунöм вылö, но и тэчис мукöд народьяслөн аския лунлы по-дув.

Татшöм вермöмъяссö сöветскöй йöз шедöдисны Коммунистическöй партия веськöдлөм улын. Сийö веськöд-лөм улын вежсисны биографиясыс и дзонь народьяс-лөн, и торйөн быд мортлөн.

Ме водзын Коми мулөн кык историческöй кадся карта: öтиыс 1913 вося, мöдыс — öнiя. И на вылö видзöдигөн менам вежöрын артмöны уна серпасъяс, дум вылö усьö коми народлөн судьбаыс.

...Асланыс вөр-ваöд шöйтöны-ветлöны кыйсьысьяс. Сера дукöса, гын шляпаа да сир ваөн мавтöм ас вöчöм кучик кöмаöсь, найö нэмъяс чöж сэтысь корсьöны кы-нöмпöt и арся шляка улын, и төвся турöб дырйи. Наөн кыйöм низь куясысь пась важөн нин новлöны знатнöй

бояра да ясновельможной паньяс; пух кодь небыд ту-
лан куон да биа руч ку дохаон гартыштчёма озыр ари-
стократка; царь пельпомьяс вылын лосталё съдббж
куясысь вуром мантия; гурманьяс ошкёны сыон кыйом
лым еджыд чига съола; янтарной рёма вомад сылысь
сьомга славитчё медся изысканной рестораньясын став
мир кодяс... Эз доньявсыны сомын найо — искусной
вёралысьяс да чери кыйысьяс.

Важ карта вылын условной пасйодьяс: «вөр вочан
пунктъяс», «дьюгёдь вочом». И менам син водзё сувто-
ны «Алой лента» романысь геройяс: отарсяныс Сте-
пан Ошлаповлөн, Алексей Расовлөн семьяс, Проня
Петра кык вок, Вера, Катя, Педёра, Хуторковьяс; мо-
дарсяныс — Власий Сирвойтов, Гафар Бикмедов, Пи-
пуныровьяс, Русин фон Стюарт. Удж и капитал. Анта-
гонизм.

Со ония карта. Тодчанаджык промышленностьлөн
условной пасьяс: из шом, нефть, газ да сажа, вөр во-
чан да обработайтан предприятияс, суднояс стрөитом,
лёгкой промышленность. И бара литературной образъ-
яс: Ламбей ая-пиа, Ильинична эня-ныла, Ордымов, Те-
рентьевьяс, Петровлөн семья, Ахмиров гозья, Перми-
нов, стройкаса веськөдлысьяс... Социалистической удж,
озыр край освоитом, народьяслөн дружба.

Медся тодчанаыс лоо сыын, мый и экономической
карталөн вежсьомыс, и кык исторической кадся йөзлөн
судьбаясыс мунисны оти и сийо жё синьяс водзын. Ме-
нам арлыда йөзлы оти мирсянь мод мирё вуджомыс —
ония кад, современность, а кыкнан кадся йөзыс — совре-
менникьяс. Вочёма ыджыдысь-ыджыд воськовьяс оти
морт нэмö!

Ме нарошно эг мод вөдитчыны лыдпасьясөн, коть
эськө найо мукөд дырйи поэтичнойджыкось медся бур
поэмаясысь, — мено ёнджыка интересуйтоны асьныс йө-
зыс, кодыяс вөчоны тайо лыдпасьяссö. Му планета
вель ыджыд юкөн вылын модис овны качественно вьль
морт, кодос лои быдтёма медся передөвой, медся рево-
люционной идеяс, марксизм-ленинизм учение серти.

АРСЯ ОМИДЗ

Степан Майбууровлөн өшинь водзас быдмысь өмидз кустьяс сійө воас тулыссяньыс асныралісны. Пуксис, позьё шуны, гожом, мыйта мича луньяс бөрө колины, а кустьясыс пыр на вөліны кушось. «Кынмисны, тыдалө,— шогалис Степан Иванович.— Төлыс тай сэтшөм көдзыд вөлі...»

Коркө гожомланьыс нин гөтырыс радпырысь юөртис:
— Омидзьясыд, төдан... корьяс лэдзөны...

— Мый өні корьяссыд... Коля ни Петя, воасны да, таво өмидз варенньө оз аддзывны... Радлынысө дзик нинөмысь...

Майбууров быд гожом вотліс воөм өмидзсө да ачыс пуліс варенньө внукьясыслы, кодьяс гожомьяснас во- лывлісны карысь дед-баб ордас да шызьбөдлісны не сө- мын Майбууровлысь важмөм керкасө, но и матігөгөрсө.

Парасьлөн висьталөм бөрын Майбууров кытшовтіс өмидз кустьяссө. Збыль, заводитөмаөсь паськөдны өт- кымын вожьяс жебиник корьяс, но радлунсө Майбу- ровлысь найө эз кыпөдны. И век жө сійө тшөкыдакодь кутіс кежавлыны кустьяс дорө, сэсся и казяліс: коркө удитөмаөсь паськөдчыны и негырысь еджыд дзоридзь- яс, весиг гөрддзассьөмаөсь мыйкө вотөсьяс кодьө. Но чорыдөсь, ньөти абу юмовөсь, быттьө лы торьяс.

«Мый водзын тайө?— думайтіс Майбууров кисьмы- төм чорыд вотөсьяссө чуньяс костас лямөдалігмоз.— Тадзи некор на эз вөвлы». Көсйис сөрнитны гөтырыс- көд, Параськөд, но энотчис. Ещө лимзавны кутас, бөрдны, туналан пө, шуас, быд лөксө ас вылад. И збыль, нинөмла кыскыны ас вылад сійөс, мый тэысь бокиті кытшлалө. Онөдз Майбууров татшөмторсө төдтөг оліс, позяс, гашкө, и водзө сідз овны. Но мыйкө век жө дильквидзис сьөлөм вылас, тшөктіс видзөдлыны ас вы- лас прамөйджыка.

Парасковья пыр жө казяліс верөсыслысь майша- сьөмсө, а сэсся өтчыд збоймөдчис да шыасис крөватьын орччөн куйлысь верөсыс дінө:

— Мый ружтан? Слава богу, ставыс лючки-ладнө. Челядь местаынөсь. Омидз вөснаыд али мый шогалан? Таво эз артмы, мөд во лоө. Абу тай быд во өтсера...

«Чөртыс мед лыяс, өмидзнад и ставнас!»— көсйис

шуны Майбуров, но кутіс асьсө, нинөм эз вочавидз. Дерт, олан челядь вöсна. Тадзи важысянь бур йöзыслөн. Но бөрья луньясас Степанлысь сьёлөмсö заводитісны гудрöдлыны выль мөвпьяс, кодьяс вöйдөр сылөн эз кыпавлыны. И тайö шензьöдіс сійöс. «Ме ог öмидз вöсна шогав,— думсьыс такöдіс асьсö Майбуров.— И челядь вöсна тöждысьөм абу. Коч йылынöсь найö, кызди шуö Парасковья. Ас понда ме. Ме и ачым, вöлөмкö, арся öмидз кодь... Гашкö, сідз жö некодлы ковтөм...»

Думьясыс быттьökö кыскисны Майбуровöс крöвать вывсьыс. Тэрмасьöмөн чеччис, петіс кильчö вылас, босьтіс папирос пачка, коді сылөн öні пыр куйліс скамья помын, заводитіс тшынасьны. Талун и папиросыс кажитчис лишнöйөн.

Син водзас Степан Ивановичлөн аслас грездыс, тöдса уличаяс, кытысь, кажитчö, сійö тöдö быд мылык и быд тёпкан. Туй пөлөн пөлөстчөм сьöd керкаяс. Отарас туй вылö видзöдöны öшиньяс да кильчöяс, а мөдара керкаясыс бергöдчöмаось стыньясөн. Звöзьяс важөн нин абуось: сотісны пачьясын, эз кут ковны звöзыс турун додьястö сараяд лэптыны. Уна керкаясын öшиньяс тупкалöма пöвьясөн.

Сиктса уличаяс кузя важөн нин оз котравны челядь. Сöмын гожөм шöрын, кор бабьяс да дедьяс ордö уськөдчыласны-воласны внукьяс да внучкаяс, шызьылö грездыс. Коркö гожөм помас нин нала воласны батьмамыс. Лун-мөд олөм бöрын найö öдйö бөр пышйöны сиктысь.

Да ещö шуас пиыдлөн карса гöтырыс:

— Гажтөм тиян зэв... Некытчö он пет, некытчö он мун...

Быттьö гажыс сöмын карса уличаяс вылын! Быттьö Эжва бокьясын да гулыд ягьясын гажиньясыс оз аддзысьны. Корсьны оз ков, майбыр.

Коляös да Петяös Майбуров виччысис и таво гожөм — кöсйісьлісны. Мыйсö сöмын эз дасьты внукьяслы! Небось, гөгөр шызьылас, кор локтасны. Степан Иванович нарошнö кыкысь ветліс мырпом вотны. Колö öд мыйөнкö чöсмöдлыны гөстьястö. Мырпома йөвтö кыкнанныс радейтöны. Кисьмыны заводитö оз. Колö жö вотыштны. Коми пармайд, ок, озыр, эн дышöдчы сöмын.

Кажитчö, асьыс челядьсö ичöt дырйинныс сідзи эз радейтлы Майбуров, кызди öні радейтö Коляös да Пе-

тяос. Мый эськө сөмын эз вөч на ради. Тыдалө, пө-рысьладорыд посниастө пөсьджыка радейтан.

Тайө мөвпьясыс небзьөдісны Майбууровлысь сьөлөм-сө. Аслас важмөм грездыс кутіс кажитчыны гажаджык-көн. Кыззи нө! Он вунөд. Тані олөма нэмсө, мыйсө ас вывті абу нуөма сьөкыд воясө. А найө, сьөкыд воясыс, эз жө этшаысь вөвны. Эз кокниа шед талунья лунныс. Фронт вылын жө вөлі война воясад, эз омөля тыш-кась, Слава орденөн гортас воис. Да ещө медальяс. Парасковья өтнас кольлі челядьыскөд. Нельөн вөліны. Ас кындзыис, ещө кык пи да ныв. Оні некод абу дінаныс, олөмыс разөдіс ставнысө. Код төдас, гашкө, некод и оз коль сиктаныс Степан Майбууров рөдысь. Со и грездныс вочасөн чинө. Кыз олысьясыс сиктө вуджисны: керкаясөн, овмөсөн, челядь-пиянөн. Олөмыд тай абу на шыльыд туй.

Важ йөз шулывлөмаөсь: кыззи олан, сідзи и нима-лан. Няйт киөн Степан некутшөм уджө эз кутчысьлы. Быд лэбачлөн тай аслас сьыланкыв, быд мортлөн — аслас слава. Думсьыс Степан өти визь кутіс олөм чөжыс — зілис унджык сетны йөзыслы, этшаджык курыштны аслыс. Фронт вылысь гортас воөм бөрын сылөн медальясыс ещө содісны. Быттьөкө майшасьны нинөмысь, а вот сьөлөмсө мыйкө йирис и йирис. Быттьө мыйкө зэв ыджыдтор коли сылөн вөчтөм, и нинөм сэсся оз удит. Дерт, оз быд няйт сибды мортлы. Оз яндысь некод водзын Майбууров и абу уджйөза некодлы. Но өд көні помыс бурыслөн, кодөс вөчөма нэм чөжнад? Гашкө, и кольөма мыйкө вөчтөг?

«Весь ачымөс мучита!»— шуис сэсся думсьыс. Ещө өтчид кытшовтіс видзөдласнас төдса уличасө өшинь водзсьыс, чусмөм-воймөм керкаяссө туй пөлөнысь, ышловзис да тэрмасьтөг кайис сарайө. Сэтчө Степан Иванович внукьясыслы зэвтис вон.

Өдйө и унмовсис Степан Иванович ыркыдінад, Колялы да Петялы лөсьөдөм-зэвтөм вонйын. Көсийс чеччыны водзджык, но весиг эз кывлы, кыззи гөтырыс вөтліс картасьыс Серуксө, эз кывлы курөгьяслысь асья котсьөмсө, көть эськө мукөд асивводзьясө налөн шыыс да шпорөдчөмыс керка пытшкын узьысьөс садьмөдас.

— Чеччы, став грездыс олө!— кыліс сэсся гөтырыслысь гөлөссө.— Али и сөйнытө он көсийы. А то ме муна... Чукөстісны отсасьны капуста вөдитысьяс. Сөрминин, пачөс ваймөді...

— Мед чукөстін дай!— шыясис Степан.

Бөръя лунъясас Майбуrowöс корисны отсыштны турун пуктігкежлө коса-куранъяс дасътыны. Машинаясуд совхозад коть и уна, он на быд кулигао да пу косто сибав. Съолөмыс пöрысь мортлөн радліс машинаяс вылысь том йөзөс аддзигөн. Нинөм он шу, мастерөсь и востерөсь удж вылад. Жаль, аслас пияныс некөн оз тыдавын матын. Кыдзкө и йөз водзас быттьө абу лөсьыд.

Гөтырыс мунөм бөрын Майбуrow тапикасьыштіс керка гөгөрыс. Мортыдлөн некутшөм удж киас эз пыр. Нинөм эз во съолөм вылас: важ керкаыс ни, град йөр бокас сөрөн воысь кын өмидзыс ни. Вот эськө босътны да энотны ставсө! И, гашкө, медводдзаысь на юрас воис мөвп: та ради өмөй вуджөма кузь олөмсө, челядь-өс быдтөма. А колины со кыкөн аслас Парасковьякөд. Казътыштіс, кутшөм мөвпъясөн найө олісны гөтрасьөм бөрас, мырсисны-уджалісны мудз да кад төдтөг, кыскисны быдтор асланыс гортө. А кутшөм шуда вөлі Степан, кор Парасковья вайис пиөс. Лои налөн сійө, мый вөсна позис төждысьны, код ради колө вөлі унтө пальодны. Сэсся мөд пи, ныв.

Почтальон вайис письмө. Гижөма ыджыдджык внуыс — Петя. Гижөма, мый таво гожөм найө Колякөд дедыс да бабыс ордө оз воыны, мөдөдчөны пионерскөй лагерө лунвылө, Чёрной море дорө. «Вот-вот! Тайө ещө и оз тырмы вөлі», — думыштіс Степан Иванович курыда. Кодлы висъталан аслад шог йылысь? Кодлы норасян? Дерт, море дорад бурджык, абу дед-баб орад. Петя ещө содтөма: «Но тэ, мян муса дедө, эн гажтөмтчы. Ми тэ ордө унаысь на волам. Он өд откажитчы путёвкасыс. Сэсся өд Москваө волам, Мавзолей дорті мунам, Чёрной морын купайтчам».

Степан Ивановичлы век жө эз ло лөсьыд съолөм вылас, быттьө кочөгыс ёся бытшкыштіс. Эз, дед эз мыжав внукъяссө: өні налөн, майбыр, быдөнлөн аслас туй. И сиктса том йөз кытчө сөмын оз воыны. Газетъясын неважөн на гижлісны, кыдзи Эжва йывса кукань видзысь Кубаөдз ветлөма. Фестиваль вылө. Колө жө! Кубаөдз! Но өд и ачыс Степан Иванович кытчөдз жө эз воы война воясад.

Сідзи и суис Парасковья верөссө вольпась вылын куйлігөн.

— Мый нин тэкөд? — юалис пырөмөн тшөтш. — Важөн куйлан? Кымынысь ме тэныд шулі: эн уськөдчы быдлаө медся водзын!.. Он видз астьө...

Нинөм эз шу Степан Иванович гөтырыслы воча.

Абу велалёма сійо норасьны кодлыкө, весиг Парасковьялы.

«Эк, пьян, пьян!— ас кежсьыс думайтө Майбу-
ров.— Зэв тай ылынось ті. И нинөм он төдөй!»

* * *

...Степан Иванович Майбуков кувсис арьявылыс, кор вөр заводитис нин вежны гожся рөмсө, пасьтавы зарни кышан, а гожся уджъяс лои кызвыннас топөдома. Ар матысмис уна вотөсөн да тшакөн. Бөрья лунъясөдзыс Майбуков пыр вөлі йөз водзын да кок йылас, быттьө кутчысьөма помавны став уджъяссө, ошйысис Крым-сянь воөм письмөөн да карточкаясөн.

— Внукъяс менам оз вунөдны дедсө. Со найө — море дорынөсь. Артекөн шусьө местаыс. Со и сьөд йөз накөд орччөн. Гижөны: вокъяс кодьось пө.

Оти рытө водис Майбуков внукъясыслы лөсьөдөм вонйө, сарайө, сэссия эз нин чечыв.

Кольөдисны Майбуковөс став сиктөн. Бур вөлі мор-тыс, зіль, некодөс эз ылөдлы, эз өбидитлы. Тадзи лыд-дисны быдөн.

Горт бөрся мунисны и Степан Ивановичлөн пьяныс. Батьныс кодьось жө топыд тушааөсь, найө киясөдыс костаныс кутисны мамсө. Батъясыскөд орччөн вөліны и налөн пьяныс — Степан Ивановичлөн внукъясыс. Асла-ныс батъяс кодьось жө, быттьө өти бала ылө кись-төма.

Кор нин Степан Ивановичөс лэдзисны гуө, тыртис-ны гөрд эжөда гортсө муөн и йөз заводитисны разөд-чыны, совхозса директор, шляпасө юр ылас пуктытөдз, матыстчис Парасковья Семёновна динө, надзөникөн юалис:

— Кыдзи сэссия, Парасковья?.. Пьян динад овмөд-чан?

Парасковья лэптыліс синъяссө юалысь ылө, сэссия видзөдліс кыкнан пиыс ылө, нинөм эз вочавидз.

— Оз көсийы мам некытчө мунны... Ас паччөрын пө кула... Ме көсья мам дорө локны.— Пи видзөдліс ма-мыс ылө.— Шофёр ме. Уджыс лөө?

— Важөн эськө мед тадзи!— воча шуис совхозса директор.— Батьыд шогалис тьян вөсна пыр... Абу пө гортынөсь... Локтөй кыкнанныд, став семьянаныд, ни-нөм он воштөй... Выль керкаяс тьянлы кыпөдам...

— Кежалой мянө ставөн... Казытыштам Степанос!— шыасис Парасковья.

— Вежора морт вөлі Степан Иванович, бур сёлөма,— содтис совхозса директор.— Сэтшөм йөзид пыр жальөсь.

...Арся шондi лышкыда на койис югыдсö и шоныдсö гөгөр. Сийö эз төд, мый сикт кольөдiс бөрья туйö пыди пуктана мортөс, кодi ас бөрас колис му вылө төдчана сер и ассыс пасьяс.

ТРАКТОРИСТЛӨН СЫЛАНКЫВ

Мун веськыда, уклада друг!
Мед ловъя моз му пластыс вөрө,
Мед мусö шыльыдджыка гөрө
Вит лемеха выль вайөм плуг.
Кор петим — вөлі асыя ру,
Сэк вөлі шонді муртса петө.
Ме, трактор, нэмөс ола тэкөд,
Тэ менам өтка — вернөй друг!
Кор тэнсыд жургөм ме ог кыв,
Сэк меным долыда оз овсыы.
Сэк вөлись сьөлөм менам ловзьö —
Кор кыла тэнсыд мотор шы.

* * *

Мун веськыда, уклада друг!
Мед ловъя моз му пластыс вөрө,
Мед мусö шыльыдджыка гөрө
Вит лемеха выль вайөм плуг.
Зэра ар бөрын воас төв,
Сэк бара, майбыр, уджыс воссьö!
Кулаккөд водзö нуам косьсö.
Төд: доддьö сөмын керъяс сөвт.
«Көть өшөд — нормаөй оз тыр,
Ог вермы сёысь вөчны вылө»,—
Кулак да ськөд нювсьысь сьылө.
Ми тэкөд, трактор, тайөс кылам
Да сетам плешкас налы пыр.

* * *

Мун веськыда, уклада друг!
Мед ловъя моз му пластыс вөрө,
Мед мусö шыльыдджыка гөрө
Вит лемеха выль вайөм плуг.
Кулаклы кийсь руль ог сет,
Кулаклы торкны план ог сетö!
Ми төвнас, трактор, кыскам тэкөд
Зэв уна-уна кубометр!

Тэ вöчан, трактор, гырысь удж.
Став омöль-важсö йöткан бокö
И сідз жö водзö пондам! Ноко!
Мед важсьыс оз коль öти вуж.

* * *

Мун веськыда, уклада друг!
Мед ловья моз му пластыс вөрö,
Мед мусö шылъыдджыка гөрö
Вит лемеха выль вайöм плуг.
Кор воас тулыс — ловзьö му.
Быд кöдза, турун муысь петö.
А миян ковмас, трактор, тэкöд
Колхозын кокньöдыштны удж.
Ми уджсö вöчам, сöмын вай!
Ми гöрам, пинёвтам и кöдзам!
Ми няньсö вундам, вартам, тэчам!
Ме тöда, трактор,— тэ он сдайт!

* * *

Мун веськыда, уклада друг!
Мед мусö шылъыдджыка гөрö
Вит лемеха выль вайöм плуг!
Мед ловья моз му пластыс вөрö!

ЮРИНДАЛЫСЬ

И. А. Куратов

Коми кыв. Сьылан менам, сьылан. Пыж. Пемыд.
Менам муза. Ой, олём, олём! Закар ордын . . . 3

В. И. Лыткин (Илля Вась)

Дзордзав жё, Коми му 10

Нёбдинса Виттор

Луча 14

И. М. Вавилин

Ленин Комиын 26

Тима Венъ

Во гөгөр кытшовтём. Тулыс воём. Кер пөрөдём.
Кер кылөдём. Вёр-пулы сьыланкыв ✓ 32

М. Н. Лебедев

Коми збойлун. Коми му. Вогөгөрся олём. Мед дзир-
далас шондi 44

Н. П. Попов (Жугыль)

Сiм сьөд кымөр моз 50

В. И. Елькин

Шуда му. Кык серам 58

Г. А. Фёдоров

Мед олас коммунизм! 61

А. П. Размыслов

Менам шудлун. Праздник асылё. Демонстрация бё-
рын. Паськыд енэжыс. Братанъяс. Воклы. ✓ Лыжи 023
вылын 68

П. А. Шеболкин (Выль Паш)

Семö 74

А. А. Лыюров

Бойводзвывса вой 78

С. А. Попов

✓ Коми му. Ленин орден. Асыв. «Кутшём паськыд тэ,
Россия». Парма вöрын эм ёль. Дас öти зон йылысь
баллада. Парторг 84

Я. М. Рочев

Рөднөй ю дорын думъяс	89
В. В. Юхнин	
Народлөн биография	96
И. В. Изъюров	
Арся өмидз	102
В. П. Латкин	
Трактористлөн сыланкыв	108

ВЕСНА В НАШЕЙ ПАРМЕ


*Стихотворения и рассказы
коми писателей*

Редактор *А. В. Некрасов*
Художественный редактор
В. Б. Осипов
Технический редактор
А. Н. Вишнева
Корректоры *А. А. Надуткина,*
Э. С. Греггер

ИБ № 864

Сдано в набор 23.04.85. Подписан
к печати 04.07.85. Ц00247. Форма
84×100¹/₃₂. Бумага № 1. Гарнитур
«Академическая». Печать высокая
Усл. печ. л. 5,46; уч.-изд. л. 6,15
усл. кр.-отт. 5,85. Тираж 3000
Заказ № 5780. Цена 40 коп. Ком
книжное издательство, 167610, Сы
тывкар, ул. Карла Маркса, 22

Республиканская типография Госу
дарственного комитета Коми АССР
по делам издательств, полиграфии
и книжной торговли. 167610, Сы
тывкар, ул. Первомайская, 70.



40 коп.

